


М.М. ВОҲИДОВ

**САНОАТ
ИНШООТЛАРИ**



69
B-69

ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС
ТАЪЛИМ ВАЗИРЛИГИ

М. М. ВОҲИДОВ

САНОАТ ИНШООТЛАРИ

Олий ўқув юртлари учун дарслик

БИБЛИОТЕКА
Бух. ТИП и ЛП
№ 42862

Тошкент - 2003 йил

RECEIVED BY THE DIRECTOR OF THE BUREAU OF THE ARMY
WASHINGTON, D. C.

RECEIVED

RECEIVED

RECEIVED

RECEIVED

RECEIVED

Такризчилар:

т.ф.д., проф. Х. А. Акромов
(Тошкент Архитектура-
қурилиш институти)
т.ф.н. Б.Н. Негматуллаев
(Ўзжамлоойида институти)

АННОТАЦИЯ

Ушбу дарсликда саноат иншоотларини лойиҳалашнинг умумий қондалари, физик-техник масалалари, ҳажм-режавий ечимлари, корхоналарнинг бош режаси, ёрдамчи бино ва хоналарининг ечимлари, конструктив элементларни лойиҳалашнинг умумий тамойиллари, бир ва кўп қаватли саноат биноларининг темирбетон ва пулат каркаслари, саноат иншоотларининг деворлари, ёппа ва томлар, тепадан ёритиш ва аэрация қурилмалари, енгил ташқи тўсиқ конструкциялар, поллар, пардевор, эшик, дарвоза ва очиқ майдончаларга оид маълумотлар келтирилган бўлиб, у Ўзбекистон Республикаси олий ва ўрта махсус вазирилиги қошидаги мувофиқлаштирувчи кенгаш президумининг 2002 йил 30 ноябрдаги 31-сонли мажлис қарори билан олий ўқув юрларининг 5580200 «Бинолар ва иншоотлар қурилиши», 5140900 «Касбий таълим (Бинолар ва иншоотлар қурилиши)» йуналишлари бўйича таълим олаётган талабаларига «Саноат иншоотлари» фанини ўрганиш учун тавсия этилган.

© М.М. Воҳидов, 2003

КИРИШ

Маълумки, инсоннинг эркин ва фаровон яшашини таъминлашда иқтисодийни ривожлантириш муҳим ўрин тутadi. Бу муаммонинг ечимини кўп омиллар билан боғлиқ. Ана шундай омиллар жумласига етарли даражада саноат маҳсулотларини ишлаб чиқариш, уларни хорижга кўпроқ экспорт қилиш, чет эл валютаси тушумини кўпайтириш сингари масалалар киради.

Ушбу масалаларни ҳал қилишда эса саноат қурилишини ривожлантириш, янгидан-янги саноат иншоотларини барпо этиш, мавжуд саноат корхоналарини замон талаблари асосида реконструкция қилиш каби вазифалар муҳим ўрин тутadi.

Тарихий қисқа муддат ичида Ўзбекистон Республикасида кўплаб бинолар ва иншоотлар, уларнинг мажмуалари яратилди. Буларнинг барчаси Ватанимиз чиройига чирой қўшиб турибди. Йирик саноат иншоотлари жумласига Андижондаги ЎзДЭУ енгил автомобиллар ишлаб чиқариш корхонасини, Бухородаги нефтни қайта ишлаш заводини, Самарканддаги СамКочАвто мажмуасини, Зарафшондаги «Зарафшон-Ньюмент» корхонасини, Қашқадарёдаги Шўртан газ-кимё мажмуасини, Буюк ипак йўлида барпо этилган Қамчиқ доvonини, Учқудуқ-Нукус темир йўли қурилишини, Тошкент шаҳри ва вилоятларда яратилган кўплаб мажмуаларни мисол келтириш мумкин.

Бинолар ва иншоотлар қурилиши йўналиши бўйича таълим олаётган талабалар фаолиятига юрт равнақи узвий боғлиқлигини алоҳида таъкидлаш жоиз. Шундай экан, олий ўқув юртларида пухта билим олган, ўз касбини севиб, унинг сирларини ҳар томонлама чуқур ўрганган, етарли касб маҳоратига эга бўлган ёшлар Ватанни янада гўзал қилишга салмоқли ҳисса қўша оладилар. Бу масала эса кўп жиҳатдан уларнинг билим олишлари учун яратилган шарт-шароитларга, шу жумладан ёшлар учун ёзилган ўқув адабиётларга боғлиқ.

Бинолар ва иншоотлар қурилиши йўналиши бўйича таълим олаётган олий ўқув юртлари талабалари саноат иншоотларини лойиҳалашни, уларнинг ҳажм-режавий ечимлари ва конструкцияларини пухта ўрганишлари зарур бўлади.

Дарслик саноат иншоотларини лойиҳалашнинг умумий қондалари, физик-техник масалалари, ҳажм-режавий ечимлари, саноат корхонасининг бош режаси, ёрдамчи бино ва хоналари, конструктив ечимлари ва элементларини ўрганишга бағишланган.

Ушбу дарслик «Саноат иншоотлари» фани бўйича ўзбек тилида биринчи марта ярагилаётганлиги учун камчиликлардан холи бўлмаслиги мумкин. Шунинг учун камчиликлар ўқувчи томонидан муаллифга билдирилса, улар миннатдорчилик билан қабул қилинади ва китобни қайта ишлашда унинг сифатини янада яхшилаш имкониятини беради.

1 ҚИСМ. САНОАТ ИНШООТЛАРИНИ ЛОЙИҲАЛАШ АСОСЛАРИ

1. САНОАТ ИНШООТЛАРИНИ ЛОЙИҲАЛАШНИНГ УМУМИЙ ҚОИДАЛАРИ

Иншоотларни барпо этиш мақсадида 1955 йилда биринчи марта қурилиш меъёрлари ва қоидалари амалиётга тадбиқ этилган. Ўша вақтда ишлаб чиқариш корхоналарини қуришда унификациялаштирилган (бирхиллаштирилган) ҳажм-режавий элементлардан, турланган ёки стандартлашган индустриал конструкциялардан, технологик жиҳозларни эркин жойлаштириш имкониятини берадиган катта оралиқли (пролётли) бинолар қуришга оммавий ўтилди. Кўпгина бинолар ва иншоотлар турланган йиғма, кўпроқ снгил темирбетон ва металл конструктив элементлардан тикланди. Ишлаб чиқариш биноларининг қамровли схемаларини тармоқ ва тармоқлараро бир хиллаштириш ишларига ўтилди.

Сўнгги саноатлаштириш асосида саноат қурилишини ва металл конструкцияларни йириклаштириш, қўл техник даражасини узлуксиз кўтариш, йиғма темирбетон меҳнатини механизациялаштириш ишлари амалга оширида бошланди. Саноат корхоналарини бир жойда тўплаш, яъни ҳудудий - ишлаб чиқариш мажмуаларини ҳудудий саноат бўғинларида жойлаштириш (энергия, иссиқлик, сув таъминоти, канализация, бинони муҳандислик тармоқлари ва жиҳозлардан қулай фойдаланиш эвазига) самарали бўлишлиги исботланди. Кейинроқ эса бинолар ва иншоотларни техник қайта жиҳозлаш саноат қурилишининг муҳим йўналишига айланди.

Профессор В.М. Предтеченскийнинг Лойиҳалаш асослари китобида ёзилишича, иншоотларини лойиҳалаш ва қуриш билан боғлиқ барча масалаларни «архитектура» тушунчаси қамраб олса, «қурилиш» тушунчаси асосан иншоотларни тиклаш ва техник масалаларни ечишга қаратилади. Яқин ўтмишда бу масалаларнинг ҳаммаси билан бир киши шугулланган эди. Кейинги даврда, фан ва техниканинг тез ривожланиши, бинолар ўлчамларининг катталашуви, уларнинг конструктив формаларини ва жиҳозларини мураккаблашуви каби кўп қамровли ва мураккаб архитектуравий ва муҳандислик масалаларини бир касб эгаси малакали ечиши мумкин бўлмай қолди. Шунинг учун ҳозирги даврда кўрсатилган масалаларни ҳал қилишда турли мутахассисликлардаги муҳандис ва архитекторлар жамоаси биргаликда иштирок этади.

Лойиҳалаш жараёнида архитектор бўлажак бино ёки иншоотнинг режасини тузади, ҳажмий - фазовий композицияси ва бадиий образини яратиди.

Қурувчи бакалавр ва магистр бино ёки иншоотнинг ҳажмий-режавий ечимини материал ва конструкцияларга айлантиради, уларнинг

мустаҳкамликка, устиворликка ва ҳоказоларга ҳисоблайди, муҳандислик ечимлари мутахассислари эса санитар-техник ва бошқа жиҳозларни лойиҳалайди. Ҳажмий-режавий ечимни ишлаб чиқишда тармоқлар бўйича мутахассис бакалавр ва магистрлар ишгирок этадилар.

Бинолар ёки иншоотларни қуриш жараёнида, яъни конструкцияларни тиклаш, санитар-техник ёки муҳандислик жиҳозларини монтаж қилишни бошқариб туришда юқорида кўрсатиб ўтилган барча мутахассислар биргаликда ишгирок этадилар.

Агар аввалги даврларда иншоотлар конструкцияси орғиқча мустаҳкамлик заҳирасига эга бўлган бўлса, замонавий давр конструкциялари ва уларнинг ривожланиш йўналиши материалнинг хоссаси ва материал жуда қулай ишлайдиган конструкциялар формасидан ҳар томонлама фойдаланишга асосланган.

Иншоотлар архитектураси, уларнинг ифодаси, ташқи жалб этувчи қўриниши ёки интерьерлари муҳандислар меҳнат маҳсули бўлган конструкцияларга кўпроқ боғлиқ бўлади. Шунингдек, бинонинг функционал, яъни инсон меҳнат қилиши ва дам олиши учун яратилган сунъий муҳит сифати ҳам унинг конструктив ечимига боғлиқ. Бу масалани ечишда ҳам архитектор ва муҳандис ўзаро узвий алоқада бўлади. Шунинг учун ҳам қурувчи бакалаврлар қулай, чиройли, мустаҳкам, иқтисодли бинолар ва иншоотлар яратиш бўйича ижодий масалаларни ечиш учун Саноат иншоотлари асосларини билишлари, унинг ривожланиш тенденцияларини тушунишлари шарт.

Муҳандис ва архитекторларнинг ижодий ўзаро узвий алоқаси муҳим сифатида мисол тариқасида Тошкент телеминораси иншоотини келтириш жоиз. Шунга мос саноат иншоотлари фани иншоотларининг ҳажмий-режавий ечимлари, уларнинг ташқи ва ички қўринишларини конструктив ечим билан узвий боғлиқ ҳолда ўрганишни ўз ичига олади.

Профессор Н.А.Черкасовнинг фикрича, қурилиш амалиётида «бино» деганда япаш, маданий хизмат ёки ишлаб чиқариш мақсадлари учун мўлжалланган ва хоналардан ташкил топган ер усти иншооти тушунилади. «иншоот» деганда инсон томонидан қурилган ҳар қандай иморат ҳам тушунилади. Одатда, «муҳандислик иншооти» деганда махсус вазифалар учун мўлжалланган кўприklar, шахталар, домна печлари, сув қувурлари, метрополитенлар каби иншоотлар тушунилади.

Профессор В.А.Бурениннинг ёзишича, кишилар томонидан тикланган ҳар қандай иморат кенг маънода «иншоот» деб қабул қилинган. Хоналари бўлган ва инсоннинг аниқ фаолияти учун мўлжалланган ҳар қандай иморат эса бино деб аталади. Бундай хоналари бўлмаган иншоотлар (кўприklar, сув босимли миноралар, теле-миноралар...) муҳандислик иншоотлари деб юритилади. Москвадаги Останкино телеминорасида ресторанлар (хоналар) борлигига қарамай у ҳам иншоот деб юритилади.

Демак, саноат иншоотлари деганда инсон томонидан қурилган ва саноат мақсадлари учун мўлжалланган ҳар қандай иморатларни тушуниш мумкин. Саноат иншоотлари фанида ишлаб чиқариш корхоналари, бинолари ва иншоотларининг ҳажм-fazовий ва конструктив ечимларини ишлаб чиқиш, уларни лойиҳалаш ва конструкцияларини ўрганилади.

Саноат корхоналарини қуриш ва реконструкция қилишни самарадорлигини янада ошириш кўп жиҳатдан қурилиш техникасини такомиллаштиришни, ишлаб чиқариш биноларининг прогрессив турларини яратишни, қурилиш материалларини (айниқса маҳаллий ашёлар асосида олинадиганларини) кўпроқ ишлаб чиқаришни, нархини камайтиришни, қурилиш муддатини қисқартиришни, меҳнат унумдорлигини оширишни, қурилиш сифатини яхшилашни ва янада индустриаллаштиришни талаб этади.

Қурилиш ва архитектуравий иншоотларнинг хизмат муддатини ошириш, уларни эксплуатация қилиш ва таъмирлаш учун кетадиган сарф-харажатларни камайтиришга олиб келиши туфайли катта иқтисодий аҳамиятга эга. Шунингдек, ишлаб чиқариш корхоналарини прогрессив кўп марта такорланадиган лойиҳалар асосида қуриш муҳим аҳамиятга эга. Ишлаб чиқариш корхоналари цехларини бир бирига улаб қуриш (бир том остида бирлаштириш) ҳам харажатларни анча қисқартиришга олиб келади. Устунларнинг йирик катакларидан фойдаланиш, ишлаб чиқариш корхоналарини бир қаватли яхлит иморатга жойлаштириш, баъзи технологик жиҳозларни очик майдончаларга чиқариш иншоотларнинг технологик ўзгартириш имкониятларини кенгайтиради, меҳнат шаро-итларини яхшилайдиган ва қурилиш нархини камайтиради.

Саноат иншоотларини қуришда янги самарали қурилиш материалларни, йиғма элементларни қўллашга, сифати яхшилانган енгил, иқтисодли, йирик ўлчамли, заводда юқори даражада тайёрланган конструкциялардан фойдаланишга эътибор берилса, қурилишнинг нархи пасаяди, металл сарфи камаяди, иншоотнинг чидамлилиги ошади, архитектуравий ифодаси яхшиланади. Саноат иншоотларини лойиҳалаш ва қуришда экологик муаммоларнинг ечимига ҳам алоҳида эътибор қаратилиши лозим. Атмосферага чиқиндиларни ташлашни чеклаш ва тўхтатиш, шовқин ва вибрацияга, электр ва магнит майдошлари, нурларни чиқишига йўл қўймаслик, иш жойларини ёритиш, нормал ҳароратни таъминлаш, ҳавони тозалаш каби муҳим масалалар доим диққат марказда туриши лозим. Шундай қилиб, юқорида келтирилган барча талабларга жавоб берадиган иншоотларни лойиҳалаш ва қуришни амалга ошириш «Саноат иншоотлари» фанининг асосий вазифаларидан ҳисобланади. Ўқув қўлланманинг асосий мазмуни ҳам ана шу масалаларни ўрганишга бағишланган.

1.1. Саноат иншоотларининг таснифи

Саноат корхоналарини ишлаб чиқариш тармоқлари бўйича турларга ажратишади. Иқтисодиётда ҳаммаси бўлиб 15 дан ортиқ йирик тармоқлар мавжуд. Буларга мисол тариқасида электр энергия, қора металлургия, рангли металлургия, машинасозлик, метални ишлаш ва бошқа тармоқларни кўрсатиш мумкин. Йирик тармоқлар ўз навбатида 160 дан ортиқ кичик тармоқларга ҳам бўлинади. Масалан, машинасозликни қараб чиқсак, бу тармоқ автомобилсозлик, станоксозлик ва бошқа кичик тармоқларга бўлиниб кетган.

Қурилиш иқтисодиётнинг тармоғи сифатида қараладиган бўлса, бу соҳа ҳам саноат қурилиши, транспорт қурилиши, қишлоқ хўжалик қурилиши, турар жой, коммунал хўжалик қурилиши кабиларга бўлинади. Саноат қурилиши ўз навбатида оғир машинасозлик корхоналари қурилиши, металлургия саноати корхоналари қурилиши ва бошқа ишлаб чиқариладиган маҳсулотлар тури ва технологик жараёнлар бўйича бўлинади. Қурилишда ва лойиҳалаш тизимларида тармоқли турланиш асос қилиб олинган. Шу асосда саноат иншоотлари турларга ажратилади.

Саноат иншоотларини тармоқланишидан қатъий назар, тўртта асосий гуруҳга бўлинади: ишлаб чиқариш, энергетика, транспорт-омбор хўжалик ва ёрдамчи бинолар.

Ишлаб чиқариш биноларига тайёр маҳсулот ёки ярим фабрикал чиқарадиган цехлар жойлашган бинолар киради. Масалан, металлга ишлов бериш, механик йиғма, темирбетон конструкциялар ишлаб чиқариш, озиқ-овқат маҳсулотларини ишлаб чиқариш, автомобилларни ишлаб чиқариш цехлари ва бошқалар.

Энергетик биноларга саноат корхоналарини электр ва иссиқлик билан таъминловчи иссиқлик электр марказлари, трансформатор кичик станциялари, компрессор станциялари мисол булади.

Транспорт-омбор хўжалик бинолари таркибига саноат транспортлари тўхташ жойлари, гаражлар, тайёр маҳсулотлар омборлари, ўт ўчириш деполари кабилар киради. Ёрдамчи биноларга маъмурий-идоравий хоналар, жамоат ташкилотлари хоналари, маиший хизмат хоналари, овқатланиш ва медицина пунктларини мисол қилиш мумкин.

Ёрдамчи биноларни ишлаб чиқариш корхоналари таркибига лойиҳалаш мумкин.

Саноат иншоотларининг ҳажм-режавий ва конструктив ечимлари уларнинг вазифасига, жойлаштириладиган технологик жараёнларга боғлиқ бўлиб, жуда хилма-хилдир. Бундай биноларни қуйидаги белгиларига қараб таснифлаш мумкин:

1. Оралиқлар сони бўйича бир оралиқли ва кўп оралиқли саноат бинолари мавжуд. Бир оралиқлиси катта бўлмаган ишлаб чиқариш, энергетик ёки омбор бинолар учун мақсадга мувофиқ. Шунингдек, улар катта оралиқ (36 м ва ундан ортиқ) ва юқори баландлик (18м дан ортиқ) талаб этувчи ишлаб чиқариш бинолари учун ҳам қўлланилади. Кўп оралиқли саноат бинолари энг кўп тарқалган бўлиб, турли хилдаги саноат тармоқлари учун қўлланилади.

2. Қаватлар сони бўйича - бир қаватли ва кўп қаватли бинолар. Қатор афзалликлари учун замонавий саноат қурилишининг тахминан 90 % бир қаватли бинолар ташкил қилади. Уларда жиҳозларни жойлаштириш, ишлаб чиқариш оқимларини ташкил қилиш, хилма-хил транспорт ва кўтарувчи ускуналарни қўллаш учун яхши шароитлар мавжуд.

Кўп қаватли саноат бинолари қаватлараро ёпмаларда фақат енгил технологик жиҳозларни ўрнатиш қулай бўлганлиги учун чекланган. Бундай бинолар асосан енгил саноат, асбобсозлик, полиграфия саноати ва шуларга ўхшаш корхоналар учун қўлланилади. Шунингдек, ишлаб чиқариш жараёни вертикал бўйича мўлжалланган ҳолда ҳам кўп қаватли бинолардан фойдаланилади. Бундай биноларни чекланган ҳудудда қуришади. Уларда албатта техник қават лойиҳаланади.

Кўп қаватли бинолар учун устунлар тўри 6х6, 6х9 ёки 6х12 м қабул қилинади. Саноат иншоотлари баландликлари бир-биридан фарқ қилувчи бир қаватли қисмлардан ёки бир ва кўп қаватли қисмлардан ҳам иборат бўлиши мумкин. Сўнгиси аралашма қаватли бинолар деб юритилади.

3. Кўтариш - транспорт жиҳозларининг қўлланилиши бўйича крансиз ва кранли бинолар мавжуд.

4. Ёпмаларнинг конструктив схемаси бўйича каркасли текис, каркасли фазовий, осма, кесишувчан, пневматик саноат бинолари ишлатилади.

5. Асосий кўтарувчи конструкцияларнинг материали бўйича темирбетон каркасли (йигма, қуйма, йигма-қуйма), пўлат каркасли, ғиштли кўтарувчи деворли ва том ёпмали конструкциялар бўйича темирбетонли, металл ва ёғочли иншоотлар мавжуд.

6. Иситиш тизими бўйича иситиладиган ва иситилмайдиган бинолар бўлади.

7. Вентиляция тизими бўйича тўсиқ конструкциялардаги махсус жойлар орқали табиий шамоллатиш, оқувчи-тортма вентиляция билан сунъий шамоллатиш ва ҳавони салқинлатиш (конденционерлаш).

8. Ёритиш тизими бўйича табиий, сунъий ёки аралаш ёригиш.

9. Том ёпмалар кесими (профили) бўйича фонусли ва фонуссиз бинолар.

Техника тараққиёти тезлашаётган ҳозирги даврда саноат биноларининг «тилувчанлиги»ни ошириш, универсал иморатларни яратиш, саноат

корхоналари цехларини бир том остида яхлит қилиб қуриш каби масалалар алоҳида эътибор талаб қилади. Кейинги вақтларда технологик жиҳозларни очиқ жойлаштириш кенг қўлланилмоқда. Саноат қурилишида фонусли бинолар қўлланилиши кенг тарқалган.

Саноат корхонаси таркибида махсус иншоотлар ҳам барпо этилади. Булар жумласига саноат транспорти учун иншоотлар (кўприк кранлар учун эстакадалар, қия йўлаклар, галереялар), коммуникация учун иншоотлар, ер ости йўлаклари, сунъий ариқлар, алоҳида таянчиқлар, эстакадалар,...), жиҳозлар ўрништириш учун қурилмалар, жиҳозларни жойлаштириш учун махсус иншоотлар (машина ости пойдеворлари, этажеркалар, очик жавонлар), суюқликларини сақлаш учун ҳажмлар, сочилувчан материалларни сақлаш учун бункерлар, тутун қувурлари, қайта ишлатиладиган сувларни совутгичлар - гредирнялар, сув босимли миноралар қиради.

Таъкидлаш жоизки, саноат иншооти кўпинча бинонинг элементи бўлиб ҳам ҳисобланиши мумкин. Масалан, бир қаватли саноат биносидаги кўприк кранлар учун ишлатиладиган эстакадалар бинонини кўтарувчи конструкциялари таркибига қиради.

10. Оралиқларнинг ўлчамларига кўра кичик оралиқли (6,9,12 м), ўртача оралиқли (18,24,30,36 м) ва йирик оралиқли (36 м ва ундан ортиқ) иншоотлар қурилади.

Назорат саволлари


1. Бино ва иншоот деганда нимани тушунасиш?
2. Саноат иншоотларининг самарадорлиги қайси омилларига боғлиқ?
3. Саноат биноларининг таснифларини айтиб беринг?
4. Лойиҳалашда қайси экологик муаммоларга алоҳида эътибор бериш керак?
5. Иншоотнинг конструктив ечими деганда нимани тушунасиш?
6. Саноат иншоотлари қайси конструктив схемаларда қурилади?
7. Каркас деганда нимани тушунасиш?
8. Бирхиллаштириш нима?
9. Бирхиллаштиришни бажаришдан кўзланган мақсадни тушунтириб беринг?
10. Биноларнинг иситиш, шамоллатиш, салқиллатиш, ёритиш бўйича турларини тушунтиринг?

1.2. Саноат иншоотларининг юк кутарувчи ва ташувчи жихозлари. Цех ичидаги рельсли ва рельсиз транспортлар

Саноат иншоотлари ичида юкларни кўчириш кутарувчи-ташувчи транспорт жихозлари ёрдамида амалга оширилади. Транспорт тури саноат биносининг конструктив ва ҳажм-режавий ечимига таъсир кўрсатади. Кутарувчи-транспорт жихозларини тўғри танлаш эса кўп жихатдан саноат биносининг техник-иқтисодий кўрсаткичларини олдиндан аниқлайди.


Цехи ичи транспорти икки гуруҳга бўлинади: даврий ҳаракатдаги транспорт, узлуксиз ҳаракатдаги транспорт.

Биринчи гуруҳга ер усти рельсиз (автокара, автоюклагич...) ва рельсли транспорти, осма транспорт (чигир, лангарча, осма кранлар, кўприк кранлар...) киради (1.1-1.3-расмлар).




1.1-расм. Осма кранлар

1-осма кран; 2-ўтувчи кўприкча; 3-таянчиқли кўприк кран; 4-монорельс;
5-кран ости тўсини



1.2-расм. Монорельсни маҳкамлаш

1-монорельс; 2-тусининги пастки тасмаси; 3-тусин; 4-осма



1.3-расм. Электрчигирлар

а,б-осма кўчмас; в,г-ўзгичлар; д,е-илдирилган бўлимли; ж-ҳаракат бўлими

Иккинчи гуруҳга барча турдаги конвейсрлар, пневматик ва гидравлик транспортлар киради.

Цех ичи юк кўтаргич ва ташигичларини танлаш бинодаги технологик жараён, юкнинг тавсифи ва ишлаб чиқариш жараёнини замонавийлаштириш масалаларидан келиб чиққан ҳолда амалга оширилади. Иложи борица бинонинг конструктив ва ҳажм-режавий ечимига таъсир этмайдиган юк кўтарувчи ва ташувчи жиҳозлар - пол усти рельсиз, осма, конвейерли, пневматик ва гидравлик транспортлари қўлланишга, кўприк ва бошқа бинони замонавийлаштиришга тўсқинлик қилиши мумкин бўлган транспорт воситаларидан воз кечилга ҳаракат қилиш зарур.

Чигир. Қўл ёки электрик билан юритиладиган (тельфер), кўчмас ва кўчма, очик ва ёпиқ бўлмали (хонали) чигирлар саноат биноларида ишлатилади.

Лангар. Бу аравага бириктирилган чигир бўлиб, қўштаврли тўсиқнинг пастки тоқчаси (монорельс) бўйлаб занжирли узатма ёрдамида қўлда юритилади. Лангарларнинг юк кўтариш қобилияти 1-10 т. Лангарлар асосан кўтариш механизми, ҳаракатланувчи механизмли аравача ва илмоқли ҳалқа каби учта бўғиндан иборат. Чигир ва лангарлар тор йўлкали иш жойида монорельс бўйлаб хизмат кўрсатади, бу уларнинг камчилиги ҳисобланади.

Осма кранлар (кран тўсин) биноларнинг оралиқ ўлчами 30 м гача бўлган ҳолларда қўлланилади. Уларнинг асоси пулатдан ишланган ва четлари ғалтакларга ўрнатилган қўштаврли балкадан иборат.

Том ёппа кўтарувчи конструкцияларга осилган монорельсда бино узунлиги бўйлаб кран тўсин ҳаракатланади. Кран тўсиннинг пастки тоқчасида эса унинг узунлиги бўйлаб илмоғли юк кўтаргич ҳаракат қилади.

Кўприк кранлар. Булар асосан бир қаватли саноат биноларида ишлатилади. Уларнинг бошқаруви содда бўлиб, оддий электр истеъмол тизимидан иборат. Бироқ кўприк кранлар ўрнатиладиган бўлса, унда бинонинг баландлигини оширишга ва конструктив ечимини мураккаблаштиришга тўғри келади.

Бундай кранларнинг юк кўтариш қобилияти 630 т гача етади. Кичик юк кўтарувчи кранлар 5 т гача, ўртачаси - 5-50т, каттаси - 250 т ва ундан ортиқ юкка мўлжалланади.

Кўприк кранлар 50 м оралиқгача ўрнатилади. Кўприк кранлар илмоғлар, юкли электромагнитлар, лампалар ва бошқа махсус юк тутувчи жиҳозлардан иборат бўлади. Кўприк кранлар ғалтакларга ўрнатилган кўприкдан, кўтарувчи ва кўчувчи механизми бўлган аравадан ташкил топади.

Кўприк кранлар каркас устунлари рафакига ёки девор пилястрига таянган кўтаргич ости тўсини устида ўрнатилган рельсда цех узунлиги бўйлаб ҳаракатланади, юк кўтаришади ва ташишади. Улар мустақил электр

юритгичга (двигатель) эга. Кўприк кранни бошқариш кранчи томонидан кўприкка ўрнатилган ёки очилган кабинадан амалга оширилади.

Кўприк кранларнинг металлургия саноати учун ишлатиладиган махсус турлари ҳам мавжуд.

Шунингдек, махсус кранлар ҳам бўлиб, уларга рафақли-айланма, рафақ-галтакли, кран-тахламли, чорпоyli кранлар мисол бўлади. Улар махсус вазифаларни бажаришга мўлжалланган бўлиб, саноат иншоотларида қўлланилади.

Хона ҳажмидан мақсадли фойдаланиш ва кранни эркин ҳаракатланишини таъминлаш учун бино ўлчамлари ва кўтарувчи-транспорт жиҳозларининг ўлчамлари ўзаро боғланади.

Бинонинг ҳар бир оралиғи учун фақат битта асосий кран оралиғи ўрнатилади. Бу ўлчам 1,5 м (1-гуруҳ кранлар учун, яъни $Q < 50$ т) - 2,0 м (2-гуруҳ кранлар учун - $Q > 50$ т) ташкил этади. Юк кўтаргич йўли бўйлаб ўтиш йўлағи ўрнатиладиган бўлса, бу ўлчам 2,0 м ни ташкил этади. Бино оралиғи (L) ва кран оралиғи (Lк) қуйидагича боғланади:

$$L = L_k + 2a,$$

бу ерда a - иншоот ўрнини белгилловчи ўқдан юк кўтаргич ости рельси ўқигача бўлган масофа; b нинг катталиғи кўприк краннинг юк кўтариш қобилиятига, унинг иш тартибига, ўтиш йўлагининг бор йўқлиғига боғлиқ. Агар краннинг юк кўтаргич миқдори 50 т бўлса, $b = 750$ мм; 50 т дан ортиқ бўлса, $b = 1000$ мм ва ундан ортиқ (250 мм га қаррали олинади).

Юк кўтаргичларнинг ҳаракатланиш-тўхташ жараёнида бинода тик ва горизонтал йўналишдаги юклар пайло бўлади. Тик юкланишлар конструкцияларни ҳисоблаш даврида эъгиборга олинса, горизонтал юклар «боғламалар» ўрнатиш йўли билан нейтралланади. Бундай «боғламалар» бинонинг бикрлигини таъминлаш учун хизмат қилади.

Назорат саволлари

1. Цехи ичи транспорти неча гуруҳга бўлинади ва унга нималар киради?
2. Цехи ичи транспортини танлаш нималарга боғлиқ?
3. Чигир деганда нимани тушунасиш?
4. Лангар қанақа юк кўтаргич бўлиб ҳисобланади, унинг камчилиғи нимадан иборат?
5. Осма кранлар қайси ҳолларда лойиҳаланади, уларнинг конструкциялари нималардан ташкил топган?
6. Кўприк кранларнинг вазифаси ва танлаш тартиби қандай?
7. Махсус кранларга нималар киради?
8. Бино ўлчамлари билан кўприк кран ўлчамлари орасидаги боғланишни тушунтиринг?

1.3. Саноат иншоотларидаги технологик жараён

ва уларга қўйиладиган асосий талаблар

Ишлаб чиқариш жараёни материаллар ва буюмларни корхона ҳудуди бўйлаб, цехлараро ва цех ичида ҳаракатланишини, цехда ёки омборда сақланишини ҳамда технологик жараённи (ишланадиган материалдан сифатий ўзгаришлар бўлишига олиб келувчи жараённи) қамраб олади.

Технологик жараён жуда хилма-хил бўлади. Масалан, машина деталларини бўяш ёки пардозлаш технологик жараёни, уларни ташқи кўринишини ўзгариши, унга янги эстетик кўриниш бериш билан тавсифланади. Машиналарни йиғиш жараёни эса машина конструкциясини ва ишлашини ташкил этиш учун деталларни ўзаро жойлаштириш ва туташтириш билан тавсифланади.

Технологик жараён дастлабки маҳсулотга, буюмлар ярим фабрикатларига ишлов бериш ва уларни қайта ишлаш усуллари тўғрисидаги фан асосида тармоқлар технологиялари қонунларига биноан ишлаб чиқилади.

Саноат корхонасини бутунлай ёки унинг алоҳида цехини лойиҳалашда лойиҳанинг технологик қисми тузилади. Бу қисмда ишлаб чиқариш усулини, жиҳоз турини, унинг меҳнат унумдорлигини ва шунга ўхшашларни танлаш билан боғлиқ барча масалалар ечилади. Бу қисмда лойиҳалашнинг биринчи босқичида технологик схема, технологик жараёнда қабул қилинган иш бажариш кетма-кетлиги ва шундан келиб чиқиб эса жиҳозларнинг ўрнатиш кетма-кетлиги ҳамда ишлаб чиқариши хоналарини жойлаштириш тартиби ҳал этилади.

Архитектор ва қурувчи-муҳандис тармоқ муҳандис-технологлари билан ҳамда транспорт соҳаси мутахассислари билан ҳамкорликда жиҳозларни берилган кетма-кетликда схема бўйича қўйишади. Технологик жараёнга жавоб берувчи шартларга асосан бино материали ва конструкциясини танлаб, цехларни ўринларига жойлаштиришади. Бу масалани сифатли чиқиши учун архитектор ва қурувчи ишлаб чиқаришнинг технологияси асосларини билишлари муҳим ҳисобланади. Ўз навбатида технолог ҳам саноат қурилиши асосларини билиши шарт. Фақат уларнинг ўзаро ижодий ҳамкорлиги бўлгандагина самарали лойиҳалар яратиш имконияти берилади.

Технологик жараён бу бионинг ечимини, яъни унинг ўлчамлари, шакли, конструкцияси, санитар-техник жиҳозлари ва ташқи кўринишини аниқлашнинг асосий омили ҳисобланади.

Ишлаб чиқариш жараёни биноларни лойиҳалашда айрим талабларга риоя қилишга ундайди. Бу талаблар иккита асосий ҳолатдан келиб чиқади:

1. Муҳитни шундай параметрлар билан таъминлаш зарурки, маҳсулотнинг юқори сифатга эга бўлишини таъминлаш учун технологик жараён қулай шарт-шароитларга эга бўлсин.

2. Муҳитни шундай параметрлар билан таъминлаш лозимки, унда инсон иш фаолияти учун муҳим ҳисобланган санитар-гигиеник (соғлиқнинг сақланиши, юқори меҳнат маҳсулдорлигини таъминланиши, чарчашни камайтирилиши учун) қулайликлар яратилсин.

Бу шарт-шароитлардан келиб чиққан ҳолда ишлаб чиқариш биноларига технологик, техник, меъморий-бадий ва иқтисодий талаблар қўйилади.

Технологик талаблар жумласига иншоотнинг бўшлиғига (ички фазосига), ишчи бўшлиққа (фазога), ҳаво муҳитига, ёруғлик ва акустик тартибларига қўйилган шартлар кирази.

Иншоот конструкцияларининг мустаҳкам, устивор, узок муддатга чидамли, портлашга, ёнгинга хавфсиз бўлишлиги ва бошқалар техник талабларни ташкил этади.

Шаҳарсозлик, меъморий мажмуалар, бино архитектураси ва унинг интерьерига қўйилган шартлар меъморий-композициявий ечим талабларини ташкил этади.

Иқтисодий талаблар жумласига иншоот ҳажм-режавий, конструктив, меъморий-бадий ечимларига сарф бўлувчи воситаларнинг иқтисодли бўлишлиги кирази.

Ҳар қандай саноат иншооти юқорида келтирилган талабларга жавоб бериши шарт. Бу талабларга риоя қилиш учун саноат иншоотларини лойиҳалашнинг асосларини пухта эгаллаш зарур.

Назорат саволлари

1. Технологик жараёни тўлқинтириб бериш?
2. Технологик жараёнинг лойиҳалашдаги аҳамияти нимадан иборат?
3. Лойиҳалашдаги технологик, техник, меъморий-бадий ва иқтисодий талабларни тушунтириш.

2. САНОАТ БИНОЛАРИНИ ЛОЙИҲАЛАШНИНГ ФИЗИК-ТЕХНИК МАСАЛАЛАРИ

2.1. Хоналардаги ҳаво муҳити

Ишлаб чиқариш хоналаридаги ҳаво муҳити ҳолати унинг ҳарорати, намлиги ва ҳаракат тезлиги, муҳитдаги кимёвий ва механик аралашмалар билан тавсифланади. Ҳаво муҳити ўз параметрлари билан технологик ва санитар-гигиеник талабларга жавоб бериши зарур.

Саноат корхоналарида ҳаво инсон организмдан иди жараёнида чиқадиған иссиқликни олиб кетиши зарур. Организмдан иссиқликни узатилиши конвекция, нурланиш ва тери қатламидан намликнинг

бутланиш йўллари билан содир бўлади. Инсондан қанча кўп иссиқлик чиқса, ҳаво ҳарорати шунга мос паст бўлиши керак.

Ҳаво ҳарорати, намлиги ва ҳаракат тезлиги доимо биргаликда қаралади, чунки булар барчаси инсон организмга биргаликда таъсир этади. Хоналарда инсон организми билан уни ўраган муҳит орасида тўғри иссиқлик ва намлик алмашувини таъминлаш зарур.

Кишилarning саноат биноларидаги ишлари оғирлик даражаси бўйича уч тоифага бўлинади:

тизимли физик зўриқишсиз, енгил (асосан ўтириб ишлаш) - 175 вт гача энергия йўқотилади.

ўртача оғирликдаги (юриш, оғир бўлмаган нарсаларни ташиш, тик туриб иш бажариш) - 290 вт гача энергия йўқотилади.

оғир (ишлар доимий физик зўриқишлар билан боғлиқ) - 290 вт дан ортиқ энергия йўқотилади.

Ҳар қайси иш тоифаси учун ўзининг қулай ҳарорати мавжуд. Очiq иссиқлик манбаининг катталигига боғлиқ ҳолда ишлаб чиқариш хоналари икки гуруҳга бўлинади:

оз миқдорда очiq иссиқлик чиқувчи (24 вт/м гача) хоналар.

кўп миқдорда иссиқлик чиқувчи (24 вт/м дан ортиқ) хоналар.

Биринчи гуруҳга механик, механик йиғув, тикув ва шунга ўхшап цехлар мисол бўлса, иккинчи гуруҳга қуювчилик, пулат эритиш, прокат цехларини мисол келтириш мумкин. Иккинчи гуруҳ цехларини «иссиқ цех» лар деб аташади.

Саноат корхоналарини лойиҳалаш қурилиш меъёрларида ип жойи доирасида ҳаво муҳитини қулай ва рухсат этиладиган қийматларини таъминлаш кўрсатилган. Бунда иш тоифаси ва йил даври ҳисобга олинади.

Ҳавонинг эрозион моддалари ўлчовлари сифатида чанг, углерод оксиди ёки бошқа зарарли моддаларнинг чекланган миқдорлари қабул қилинган.

Ҳаво муҳитининг ортиқча намлигини тўсиқ конструкциялар ички сиртларига таъсири уларнинг сифатини ҳар тарафлама пасайишига олиб келади. Таркибида турли хил тузлар бўлган ҳавода намликни тўсиқ конструкция ичи бўйлаб ташқи сиртга ҳаракатланиши ва маълум даврда кристалланиши оқибатида тўсиқ конструкцияларнинг бузилиши ва сифатининг кескин пасайиш ҳоллари кузатилади. Шунга ўхшаш жараёнлар конструкцияларни муддатидан олдин ишдан чиқишга, ортиқча сарф-харажатларга олиб келади.

Шунинг учун ҳам саноат корхоналарини лойиҳалаш жараёнида, ҳаво муҳитини, ундаги агрессив моддаларининг тури ва миқдорини, ҳолатини жиддий таҳлил қилмоқ ва бу ҳолатларнинг ишчиларга, бино ва конструкцияларга таъсирини йўқотиш ёки кескин камайтириш чораларини белгиламоқ зарур.

БИБЛИОТЕКА
Бух. ТИП я ЛП
№ 72862

Баъзи саноат корхоналарида инсон учун зарарли бўлган кимёвий моддалар мавжуд бўлади. Зарарли кимёвий моддалар инсон организмига таъсир этиши бўйича тўрт синфга бўлинади:

1-синф - фавқулодда жуда зарарли;

2-синф - юқори даражада зарарли;

3-синф - ўртача хавфли;

4-синф - енгил хавфли.

Зарарли моддалар хоналарда рухсат этилган концентрация чегарасида мавжуд бўлиши мумкин. Бу ҳолат санитария меъёрларида белгиланган.

Саноат корхоналаридан чиқадиган чанг сунъий вентиляция орқали сўрилиши ва махсус филтрлардан олинishi мумкин.

Ҳаво муҳитида портловчи-хавфли моддаларнинг пайдо бўлиши корхоналардаги энг хавфли ҳолатлардан ҳисобланади. Лойиҳалашда бу ҳолатга жиддий эътибор берилиши зарур.

Саноат корхоналарида иш жойи учун қулай шароитни таъминлаш учун курашиш билан бир қаторда ҳаво муҳитини яхшилаш имкониятини берадиган технологик жараёнлар ва жиҳозларни такомиллаштириш ишларини амалга ошириш мақсадга мувофиқдир.

2.2. Хоналар аэрацияси

Ишлаб чиқариш корхоналарида ҳаво муҳитини ҳаракатга келтириш белгиси бўйича хоналар аэрацияси табиий ва сунъий (механик) шамоллатишга бўлинади.

Табиий вентиляция қуйидаги омиллар натижалари бўйича юзга келади:

инфильтрация;

ташқиний бошқарилмаган шамоллатиш,


ташқиний бошқариладиган табиий ҳаво алмашуви (аэрация).

Ҳаво алмашинуви олдиндан берилган ҳажмда ички ва ташқи шароитларга мос ҳолда бошқариладиган бўлса, бундай ҳаво алмашинувида аэрация лсйилади. Демак, ҳисоблар бўйича аниқланган ҳажмда бошқариладиган оқувчи ва тортувчи тешиқлар тизими орқали аэрация таъминланади.


Аэрацияга эҳтиёж айниқса ёзги ойларда катта бўлади. Қишки шароит учун аэрация очик ўринлари иш сатҳидан тахминан 4-6 м баландда ўрнатилади. Аэрация ҳаво зичлиги, шамол таъсирида ҳосил бўладиган босимлар фарқи эвазига амалга оширилади.

Табиий ҳаво алмашинувини амалга ошириш мақсадида томдаги аэрация очик ўринлари ёзги ойлар шамолнинг бош йўналишига тик бўлиши таъминланади. Шамолнинг бош йўналиши эса метеорологик қийматлар бўйича қурилган шамол атиргулидан аниқланади (1.4-расм).


а) Шамол йўналиши



б) Шамол йўналиши



в) Зарарли ажратмалар манбаи



1.4-расм. Аэрация схемаси ва тортма тешиклар
а-бир қаватли бир оралиқли бино; б-бир қаватли кўп оралиқли, баланд оралиқлар бўлганда; в-шундай, баланд фонарлар бўлганда

Бинонинг аэрация жараёни таҳлил қилинадиган бўлса, у уч қисмга бўлинади:

статик босим нолга яқин бўлган бинонинг қисми;

аэродинамик соя ҳосил бўладиган қисм;

мусбат босим кузатиладиган қисм.

Том қиялиги кескин бўлганда ёки бино томида кенг фонуслар ўрнатилганда аэрация самараси ошади.

Бинонинг мусбат босим пайдо бўладиган томонидан аэрация очиқ ўринларини, босимсизлик кузатиладиган бошқа томонида эса шомолни чиқариш ўринларини лойиҳалаш асосли ҳисобланади.

Баъзи ҳолларда, яъни бинонинг кенглиги 100 м гача бўлганда, ҳавони кириши босим остида турган деворнинг пастги қисмида ўрнатилган очиқ ўринлар орқали таъминланса, томдаги фонарлар (фонуслар) орқали эса иссиқ ва ёқимсиз ҳаво чиқиб кетади. Бунинг самарали натижаси 50-60 м кенгликкача сезилади.

Аэрациядан кутилган натижага эришилмаган барча ҳолларда сунъий шомоллатиш усулидан фойдаланилади.

Баъзи ҳолларда аэрация тизимини ишончли ишлашини таъминлаш мақсадида бинонинг «фаоллаштирилган кесими»дан, яъни иссиқ ораликқа катта баландлик берилган лойиҳавий ечимдан фойдаланилади. Бу баландлик бино фонуслари конструкцияларини паст (ҳаво кирувчи) ва баланд (ҳаво чиқувчи) қилиш йўли билан 2,5 - 4 м дан ортиқ, ҳам амалга оширилади. Баланд фонуслар оралиги 24-40 м олинади.

Аэрация очиқ ўринларини юзасини аниқ ҳисоблашнинг «иситиш ва вентилизация» фани тўлиқ ўрганади. Бироқ шуни таъкидлаш лозимки, одатда очилмайдиган аэрация очиқ ўринлар майдони бино тўшмаси юзасининг ҳамда 1 % ташкил этиши зарур.

Табиий ёритиш бўлмаган ёки ёритиш фонуслари очилмайдиган биноларда сунъий шомоллатишдан фойдаланилади.

2.3. Хоналарни ёритиш

Ишлаб чиқариш шароитида инсонни ўраб турувчи ҳаво муҳитининг сифатини аниқловчи энг муҳим омиллардан бири бўлиб, sanoat биноларини ёритиш тартиблари ҳисобланади. Кўпчилик ишлаб чиқариш хоналари учун яхши ёруғлик тартиблари зарур. Бунга эришиш учун иш жойини зарурий ёритилганлик билан таъминлаш, меҳнат объектини текис ёритиш, меҳнат предмети билан унинг таги орасида рангни қулай ўзгаришига ва ҳамда ёруғлик манбаи ҳамда унинг иш сиртидан ёруғликнинг қайтиши натижасида ялтиламаслигига эришиш зарур.

Мақсадга эришиш эса ўз навбатида, ёруғликнинг спектрал таркиби, ишлаб чиқариш корхонасини ўраб турувчи қурилиш конструкцияларининг

ҳамда хонада жойлаштирилган жиҳозларнинг рангларига боғлиқ қулай ёруғлик тартиблари нафақат хоналарда зарурий ишлаш шароитини яратиш учун, шунингдек, инсоннинг кўриш органлари ва асаби учун ҳам катта санитар-гигиеник аҳамиятга эгадир.

Ишлаб чиқариш хоналари табиий, сунъий ва интеграл усулларда ёритилиши мумкин.

Табиий ёритиш ташқи тўсиқ конструкцияларга ўрнатилган ўринлар орқали амалга оширилади. Табиий тизимнинг ён томондан, тепадан ва аралаш ёритиш усуллари мавжуд.

Сунъий ёритиш электр ёриткичлар ёрдамида амалга оширилади.

Ёритишнинг интеграл (аралаш) тизимида табиий ва сунъий ёритиш усуллари биргаликда қўлланилади.

Аниқ ишларни бажаришда табиий ёруғликдан фойдаланиш давомийлиги камаяди. Бир, икки ва уч сменали иш ташкил этилганда табиий ёруғликдан фойдаланиш 50, 30 ва 25 % ташкил этиши мумкин. Демак, табиий ёритиш бор жойда сунъий ёритишнинг бўлиши ҳам зарур. Бундан ташқари, табиий ёритиш тизимини ташкил этишда томда фонусларни ўрнатиш ҳам керак бўладиким, бу ечимни ҳал этиш қўшимча маблаг(бино умумий нархидан 7 % миқдорида) талаб қилади.

Шунингдек, фонусларнинг борлиги бир томондан эксплуатация харажатлари (тозалаб туриш учун) талаб этса, иккинчи томондан киш даврида бинодан иссиқликнинг йўқотилишига, ёзда эса бинони иссиқшига ҳам сабаб бўлади.

Таъкидланган ҳолатлардан келиб чиқадиган хулоса шуки, ишлаб чиқариш биноларини лойиҳалаганда бу масалаларга жиддий эътибор бериш ва конструктив ечимини асосли ишлаб чиқмоқ зарур.

Бино ҳолларида эса ишлаб чиқариш биноларини табиий ёруғликдан фойдаланмайдиган ва фонуссиз қилиб қуриш мақсадга мувофиқ бўлмоқда.

Шу билан бир қаторда фақат сунъий ёруғликдан фойдаланиш ҳам ўзининг салбий томонларини кўрсатди. Булар жумласига санитария-гигиеник шартларини тўла қондирмаслик, рангларни ва сояларни ажратиш каби масалаларни келтириш мумкин. Табиий ёритиш мавжуд бўлмаган ҳолларда хоналарда ультрабинафша нур чиқарувчи лампаларни ўрнатмоқ зарур.

Ҳали ёруғликнинг кишилар асабига таъсири тўла ўрганилмаган. Шунга қарамай, дастлабки тадқиқотлар натижасидан маълумки, кишиларнинг дераза орқали ташқи муҳит билан узвий алоқада бўлиб туришлари уларнинг асаб тизимларига ижобий таъсир этади. Фақат сунъий ёритиш тизимидан фойдаланиш асосан асабга зиён етказди. Амалиётда ҳар иккала ёритиш тизимини танлашда ишлаб чиқариш хоналаридаги иш тартиблари чуқур ўрганилади ва шу асосда табиий ёритиш усули қўлланиб келинади.

Баъзи ҳолларда, айниқса кўп иссиқлик ажралиб чиқадиған цехларда иморатларни замонавий кўринишда фонуссиз қуриш мақсадга мувофиқ бўлмай қолади, чунки қиммат ҳисобланған сунъий шамоллатишни ташқиқ этиш бундай биноларда ўзини оқламайди.

Ўритиш тизимини танлаш масаласи ҳал этилар экан, бунда иқтисодий масалаларни четлаб ўтиб бўлмайди. Агар табиий ёритишда дераза ва фонуслар учун эксплуатация (тозалаш, таъмирлаб туриш) харажатлари сарф этилса, сунъий ёритишда бундан ташқари лампаларни ёниб туриши ва шамоллатиш тизимини ишлатиш учун катта миқдордаги электр энергияси сарф бўлади.

Шунинг учун ҳам мутахассисларнинг эътиборини ёритишнинг аралаш тизими кўпроқ жалб этмоқда. Бунда табиий ва сунъий ёритиш тизимларининг ижобий томонларидан фойдаланишга диққат қилинади.

Табиий ёруғлик етарли бўлмай қолған вақтдан бошлаб сунъий ёритиш тизимини автоматик ишга солиш амалга оширилади. Амалиётда сунъий ёритиш тизими билан энергетик бакалаврлар шугулланса, табиий ёритиш тизими масалаларини қурувчи-муҳандислар ҳал этадилар.

Табиий ёритиш тизимини ҳал қилишнинг меъёрий жиҳатлари махсус қурилиш меъёрлари ва қоидаларида (ҚМҚ «Табиий ва сунъий ёритиш») ёки ишлаб чиқариш корхоналарининг тармоқ меъёрларида келтирилған.

Меъёрлаш учун табиий ёритиш коэффициенти ($k_{e.o}$)дан фойдаланишади. Бу коэффициент очик осмон остидаги ёритилғанликнинг фойзи сифатида қабул қилинған.

Меъёрий ҳужжатда турли ёритиш учун мўлжалланған очик ўринлар ёруғлик техник тавсифлари келтирилған. Ёни томондан ёритиш учун мўлжалланған очик ўринлар хоналарни жуда ҳам нотекис ёритади. Ёнг яхши ёритилғанлик деразалар яқинида бўлғанлиги сабабли иш ўринларини шу ерда жойлаб туришади. Деразадан узоқда (бино чуқурида) эса ўтиш йўлаклари ёки ёритилғанлик унча талаб этмайдиган иш ўринлари жойлаштирилади. Дераза яқинини ёритиш учун деразалар деворнинг пастига ўрнатилиши, бинонинг чуқур қисмини ёритиш учун эса деразалар деворнинг тепа қисмида лойиҳаланади.

Томда ўрнатилған учбурчак кўринишидаги фонуслар бино ўрта қисмини яхши ва нотекис ёритса, трапеция кўринишидаги фонуслар сал камроқ, лекин текисроқ ёритиш имкониятини беради. Тўғри бурчакли фонуслар хоналарни янада камроқ ёритишига қарамай, нотекислиги аввалгидан кўра яхшироқ бўлади. Зенит типидagi фонуслар (айниқса улар шахмат тартибда кўпроқ ўрнатилса) хоналарни яхшироқ ва етарли даражада текисроқ ёритади. Зенит фонуслари квадрат, тўғри тўртбурчак, айлана ва бошқа шаклларда бўлади. Буларнинг ёруғлик ўтказувчанлик коэффициентни анча юкори бўлиб, 0,8 ни ташкил этади. Кейинги вақтда эса фонусларнинг такомиллашған кўринишлари ишлаб чиқилди. Булар

ангъанавий турлардан самарадорликлари билан фарқ қилади. Фонуслар ўлчами, сонлари ва жойлаштирилиши ҳисоб бўйича аниқланади.

2.4. Хоналарни шовқиндан муҳофаза қилиш ва вибрация

Технологик ва муҳандислик жиҳозларининг ишлаш жараёнида солир бўладиган шовқин ишлаб чиқаришга жиддий зарар етказади. Агар шовқин рухсат этилган қийматидан 15-20 дБ ортса, ишлаб чиқариш унумдорлиги 10-20% камаяди, травматизм ортади, касбий касалликлар пайдо бўлади.

Шовқин қуйидаги белгиларига кўра таснифланади:

1. Пайдо бўлиш табиати бўйича механик ва аэродинамик шовқинлар.
2. Спектр тавсифи бўйича кенг тасмали ва тоналъ шовқинлар. Бу тавсиф бўйича шовқинлар кичик частотали (20-25Гц), ўрта частотали (500-1000Гц), текис спектрли (63-8000Гц), юқори частотали (1000-8000Гц) каби турларга бўлинади.
3. Вақтинчалик тавсифи бўйича доимий (вақт бўйича шовқинни ўзгариши 5 дБ) ва доимий бўлмаган шовқинлар мавжуд. Шовқиннинг доимий бўлмаган тури вақт бўйича ўзгариб ёки узилиб туриши мумкин.
4. Шовқин босимининг даражаси бўйича кучсиз (босими 40 дБ гача), ўртача босимдаги (40-80 дБ) ва юқори босимли (80 дБ дан ортик) турлари учрайди.

Шовқинни меъёрлаш корхоналарда у билан курашишнинг энг муҳим тадбири ҳисобланади.

Шовқиннинг инсонга салбий таъсирини санитария-гигиена меъёрлари билан чеклаш, пунингдек, машиналарнинг шовқин даражасини техник меъёрлар воситасида чеклаш хавфсизликни таъминлайди. Шовқиннинг қиймати иш даврида эшитишни пасайтирмаслиги ва 1,5 м масофадан гапирувчининг сўзини аниқ эшитиш имкониятини таъминлашни талаб этилади.

Ишлаб чиқаришда шовқиндан ҳимоя қилиш энг муҳим масала ҳисобланади. Агар шовқиндан ҳимоя тадбирлари лойиҳалаш жараёнида амалга ошириладиган ва акустик ҳисобларга таянадиган бўлса, унда катта самарадорликка эришилади (шовқиндан ҳимоя қилиш бўйича ҚМҚ 2.01-08-96).

1.1-жадвал. Меъёрий ҳужжатда келтирилган шовқиннинг рухсат этилган босими

Иш ўринлари	Ўртача геометрик частота билан товуш босими даражаси Дб да Гц даги								Дба даги товушнинг эквивалент даражаси ва товуш даражаси
	63	125	250	500	1000	2000	4000	8000	
Корхоналар худуди ва ишлаб чиқариш хоналари доимий иш ўринлари ва бўлимлари	99	92	86	83	80	78	76	74	85

Шовқин манбаи битта бўлган ҳолда ишлаб чиқариш хонасининг хоҳлаган нуқтасидаги дб да тавсифланадиган шовқин босими даражаси куйидаги формула орқали аниқланиши мумкин:

$$L = L_p + 10L_g \left[\frac{\Phi}{s} + \frac{4(1-\alpha)}{\alpha s} \right]$$

бунда:

L_p - манба шовқинининг товуш қуввати октаври даражаси (дб).

Φ - манба шовқинининг йўналтирганлик омили, ўлчовсиз, тажриба йўли билан аниқланади; бир хил товуш тарқатувчи манбалар учун $\Phi=1$;

S - манба шовқинини ўраб олган тўғри геометрик шакл деб олинган сиртнинг майдони (m^2): $S=S_1 + r_2 \cdot S_2$ - товуш тарқалишининг фазовий бурчаги; Манба устунда ўрнатилганда (фазода) $S_2=4\pi$: деворда бўлса $S_2=2\pi$; $S=\Omega \cdot r^2$

r - шовқин манбаидан ҳисобланаётган нуқтагача бўлган масофа (м);

$S_{\text{умум}}$ - ишлаб чиқариш хонасини чекловчи тўсиқ конструкцияларнинг умумий юзалари (m^2)

L - шовқинни юғишнинг ўртача коэффициенти (тажрибада аниқланади), ўлчовсиз катталик.

Логарифма белгиси остидаги қўшилувчиларнинг биринчи қисми тўғри товушга, иккинчиси қайтиб келган товушга мос тушади. Агар хонада бир нечта шовқин манбаи қабул қилинса, ҳисоб ҳар бири учун алоҳида амалга оширилади ва берилган нуқта учун ҳисобий қийматлар жамланади.

Ишлаб чиқариш корхоналарида шовқиндан ҳимоя қилиш икки йўналишда бажарилади. Биринчи йўналиш шовқинни манбанинг ўзида пасайтириш бўлса, икинчиси шовқинни архитектуравий-режавий ва қурилиш-акустик усуллар билан камайтириш ҳисобланади.

Амалиётда цехлардаги шовқинни камайтиришнинг самарали йўлларидан бири қурилмаларни ғилофлар билан ўраш ҳисобланади.

Ғилофлар металдан, ёғочдан ёки полимер материаллардан ясалиб, ички сирти товуш ютгичлар билан қопланади.

Цехларда бу ечимни амалга ошириш имконияти бўлмаса, хизмат қилувчи ишчилар учун шовқиндан ўралган бўлмалар таъкил қилиш мумкин. Ишчиларни тўғри таъсир этаётган товуш энергиясидан ҳимоя қилиш мақсадида акустик экранлар ўрнатиш мумкин. Бундай экранлар қалинлиги 2-3 мм бўлган пўлат ёки алюмин варақлардан, қалинлиги 4-10 мм бўлган фанерадан ёки 5-10 мм қалинликдаги органик шишадап тайёрланади. Варақнинг шовқинга қараган томони товуш ютгич материаллар билан қопланади. Бу тадбир хонадаги товуш босимини 5-15 дБ камайтириш имкониятини беради.

Шовқиндан ҳимоя қилишда хоналар тўсиқ конструкциялари сиртларини товушни ютувчи материаллар ва воситалар билан қоплаш керак. Бу тадбирнинг акустик самарадорлиги 2-3 дБ (тўғри тушувчи хона қисмида) гача бўлади.

Вибрация ҳам саноат корхоналарида фойдаланиладиган қурилмаларнинг ишлаши натижасида пайдо бўлади. У учун шовқин ва титраш жараёнлари тавсифли. Агар бинолар консрукциялари ва ўрнатилган жиҳозлар вибрацияларининг частоталари мос тулса, резонанс ҳосил бўлади. Бу ҳолат эса жуда хавфли ҳисобланади. Вибрациянинг инсонга таъсири ҳам зарарлидир. Шунинг учун вибрацияни камайтириш масалалари ҳам ҳал этилиши зарур. Виброизоляциялар сифатида металл пружина, резина каби материаллар ишлатилади. Вибрациянинг иш давомида рухсат этилган қийматлари давлат стандартларида (СТ СЭВ 1932-79 «Вибрация рухсат этилган даражаси») келтирилган.

Саноат корхоналарини лойиҳалашда вибрацияни кескин камайтирувчи тадбирлардан фойдаланмоқ зарур.

Назорат саволлари

1. Хонадаги ҳаво муҳитини изоҳлаб беринг?
2. Ёруглик даражаси бўйича ишнинг таснифи?
3. Иссиқ цех деганда нимани тушунасиз?
4. Ҳавонинг яроқсиз моддалари ўлчовларини тушунтиринг?
5. Ҳаво намлиги нима, у қайси ҳолатларда ва даврда зарар етказиши?
6. Ҳаво намлигининг зарар етказиш механизмини тушунтиринг?
7. Хоналар аэрацияси деганда нимани тушунасиз?
8. Хоналарда қандай йўللар билан табиий ҳаво алмашинуви бўлади?



9. Бино қисмлари бўйлаб ҳаво босимини тарқалиш қонуниятини кўрсатинг?
10. Аэродинамик соя нима?
11. Бино кенглиги катталашганда (100 м гача) қандай тадбирлар кўрилади?
12. Бинолар фонуси қайси мақсадларда қўлланилади?
13. Фонусларнинг анъанавий ва замонавий конструкцияларини изоҳланг?
14. Хона қисмлари бўйлаб ёруғликнинг тарқалиш қонуниятини кўрсатинг?
15. Хоналарда ёритишни текислаш мақсадида қайси тадбирлар амалга оширилади?
16. Табiiй ёритиш тизимининг афзалликлари ва камчиликлари нималардан иборат?
17. Сунъий ёритиш тизими қайси ҳолларда қулай ҳисобланади?
18. Интеграл ёритиш усули қайси ҳолларда қўлланилади?
19. Ён томондан ёритиш қайси ҳолларда, фонуслар билан ёритиш эса қайси вақтда қулай ҳисобланади?
20. Ёритиш самарадорлиги деганда нимани тушунасиш?
21. Шовқин нима? Товуш билан шовқиннинг фарқи нимада?
22. Шовқиннинг босим даражасини тушунтиринг?
23. Шовқинни ҳисоблаш тартибини тушунтиринг?
24. Шовқиндан ҳимояланиш усуллари тушунтиринг?
25. Вибрация нима?
26. Вибрациядан ҳимояланиш ечимларини тушунтиринг?

2.5. Саноат иншоотларининг ҳажм-режавий ва конструктив ечимларини бажаришда ишлаб чиқариш технологияси ва муҳитининг ўрни

Авалги мавзулардан маълум бўлдики, саноат биноларининг ҳажм-режавий ва конструктив ечимларини бажаришда ишлаб чиқариш технологияси ва муҳит муҳим ўрин тутди. Бу ерда ишлаб чиқариш муҳити деганда физик-техник аспект, яъни хоналарнинг ички фазосини тўлдирувчи ҳаво муҳити, ёритиш ва товуш ҳамда товуш тартиблари тушунилади.

Шунингдек, ишлаб чиқариш муҳити ҳам ҳажм-режавий ва конструктив ечим орқали бинонинг ва ишлаб чиқариш корхонасининг ташқи қиёфасига таъсир этади.

Саноат корхонасининг ташқи кўриниши бўйича унинг вазифасини ва қўлланилган конструкцияларни енгил аниқлаш мумкин (1.5-расм). Бошқача қилиб айтганда, саноат иншоотларини лойиҳалашда ва қуришда архитектуранинг технологик, техник ва бадиий томонларининг ўзаро боғлиқлиги сезиларли бўлади.



1.5-расм. Саноат корхонаси мажмуининг мейморий-фазовий ечими



а-тутун қувурлари билан; б-градирнялар билан

Одатда, технологик жараён ўрнатиладиган жиҳозлар ва бошқа буюмлар иншоотнинг ўлчамлари ва шаклини аниқлайди. Масалан, самолёт йиғиш цехларида бинони ўлчамлари самолётнинг ўлчамларига бевосита боғлиқ бўлади. Бино фазоси технологик жараёндан келиб чиқиб аниқланади. Бунда жиҳозлар ашёвий материаллар ва тайёр маҳсулотлар ўлчамлари ва сонлари ҳам ҳисобга олинади. Инсон учун ишчи фазоси эса унинг иш жараёнидаги ҳолатларидан шу ишни бажариш учун қулай шароит яратиш ҳамда санитария-гигиена қоидаларига тўла риоя қилиш асосида аниқланади.

Умумий ишчи фазоси эса ўринлар сонининг йиғиндиси сифатида аниқланади. Шунингдек, иш жойларига бориш, жиҳозларни бошқариб туриш мақсадида ўтиш йўлаклари ва коммуникация хоналари лойиҳаланади. Бинонинг ҳажм-режавий счимида ёрдамчи вазифаларни бажариш, маданий-маиший хизмат кўрсатиш, қурилиш конструкциялари эгалланган ҳажмлар ва бошқалар учун хоналар жойлаштирилади. Лойиҳалаш жараёнида бино ҳажмини қисмларга ажратиш мақсадга мувофиқ бўлади.

Фермалар орасидаги ҳажм қурилиш конструкциялари ҳосил қилган ҳажмга киради. Бу ерда муҳандислик жиҳозлари (вентиляция ва бошқалар) жойлаштирилади. Ўз-ўзидан ушбу ечим анча иқтисодли ҳисобланади.

Саноат корхонасининг атроф муҳитга салбий таъсири



1.6-расм. Саноат корхонасининг инсонга салбий таъсири
яшаш, ишлаш ва дам олиш шароитининг ёмонлашуви

Кўп ҳолларда технологик жараёнда зарарли газлар, суюқликлар ёки қаттиқ моддалар ажралиб чиқиши мумкин. Бундай ҳолларда бинонинг конструкцияларини коррозиядан сақлашга эътибор бериш зарур. Турли хилдаги технологик ва конструктив тадбирлар белгиланиши лозим. Бир томондан конструктив элементларни тайёрлаш жараёнида чидамли ашёлар ёки ечимлар қўлланиши зарур бўлса, иккинчи томондан емирилиши мумкин бўлган конструкциялар сиртларини агрессив муҳитни ўтказмайдиган материаллар билан ҳимоя қилиш ечимларидан фойдаланилади.

Баён этилган мавзулардан келиб чиқиб, шуни алоҳида таъкидлаш зарурки, саноат корхоналарини лойиҳалаш масаласи кўп қиррали бўлиб, энг аввало бу ишни амалга ошириш даврида хоналарнинг ҳаво муҳити, аэрация, ёритиш тизими, шовқиндан ҳимоя қилиш, ишлаб чиқаришнинг технологик жараёни ва муҳити каби муҳим масалаларни албатта ҳисобга олимоқ лозим.

Назорат саволлари

1. Ишлаб чиқариш технологияси деганда нимани тушунасиш?
2. Ишлаб чиқариш муҳити нима?
3. Ишлаб чиқариш технологияси бино ҳажми ва конструктив тизимига қандай таъсир кўрсатади?
4. Конструкциялар эгаллаган ҳажм нима ва ундан қандай мақсадларда фойдаланиш мумкин?
5. Иншоотлар конструкцияларини коррозиядан ҳимоя қилиш чораларини тушунтиринг?

3. САНОАТ ИНШООТЛАРИНИНГ ҲАЖМ-РЕЖАВИЙ ЕЧИМЛАРИ

3.1. Модуль координациясининг ўзига хослиги. Бирхиллаштириш ва туркумлаштириш

Саноат корхоналарида руй берадиган технологик жараёнлар хилма-хил бўлишига қарамай лойиҳалашда модул тизимига асосланган бирхиллаштирилган (унификациялаштирилган) режавий ва конструктив ечимлардан кўпчилик ҳолларда фойдаланилади.

Ҳажм-режавий ва конструктив ечимларни бирхиллаштиришнинг иккита шакли мавжуд: тармоқли ва тармоқлараро. Илгарилари фақат тармоқли вариант қўлланилган бўлса, ҳозирги вақтда эса тармоқлараро бирхиллаштириш кўпроқ ишлатилади. Бу эса конструкцияларнинг

туркумлари сонини қисқартиради, қурилиш нархини камайтиради ва тармоқни индустриалаштириш даражасини оширади.

Бирхиллаштиришда қулайлик яратиш учун саноат иншооти ҳажмининг қисмлар ва элементларга ажратишди. Ҳажм-режавий элемент ёки фазовий катакча (ячейка) деганда ўлчамлари бинонинг баландлиги, оралиги ва қадамига тенг бўлган иншоот қисмига айтилади.

Режавий элемент ёки катакча деганда ҳажм-режавий элементнинг горизонтал сояси тушунилади. Режавий, ҳажм-режавий элементлар жойлашувига қараб, бинонинг бурчаги, чети, ёни, ўртаси ва ҳарорат чоки учун мўлжалланади.

Бир неча ҳажм-режавий элементлардан ташкил топган, бўйлама ва кўндаланг ҳарорат чоклари оралигида жойлашган (шунингдек ҳарорат чоклари ва бинонинг чегги ёки бўйлама деворлари оралигида жойлашган) бинонинг қисмига ҳарорат блоки дейилади.

Пайдо бўлиши давридан бошлаб бирхиллаштириш ўзининг чизиқли, фазовий ва ҳажмий босқичларини босиб ўтди.

Биоларнинг оралиқлари ва баландликларини, устунларнинг қадами, кўприк кранларнинг юк кўтариши ва конструкциялари чизиқли йўл билан бирхиллаштирилган.

Фазовий бирхиллаштириш йўли билан иншоотларнинг оралиқлари, баландликлари ва устунларнинг қадамлари бўйича ишланган вариантлар қисқартирилган. Шу асосда бирхиллаштирилган керакли ҳажм-режавий элементлар қабул қилинган. Бунинг амалда қўлланилиши турли қамровдаги саноат биоларининг кўплаб схемаларини яратиш имкониятини беради.

Саноат иншоотининг бирхиллаштирилган қамровли схемаси технологик жараён тавсифига қараб, саноатнинг турли тармоқларида ишлатилиши мумкин. Ҳажмий бирхиллаштириш биолар конструкциялари ва деталларини, туркумлари сонини қисқартириш ва шу йўл билан уларни тайёрлашнинг чекланганлигини кўтариш ҳамда нархини камайтиришга олиб келди. Ижобий технологик ечимларни яратиш ва татбиқ этишга шароит ярадади.

Саноатнинг баъзи тармоқларида ишлаб чиқариш биолари йиғма темир-бетонли каркасдан тайёрланиб, осма ёки юк кўтариши 50 т бўлган кўприк кранлар билан жиҳозланди. Бу тармоқларда биоларнинг лойиҳаларини ишлаб чиқиш бирхиллаштирилган туркумли бўлимлар (БТБ) ёки бирхиллаштирилган оралиқлар (БО) асосида амалга оширилди.

Бирхиллаштирилган туркумли бўлимлар бинонинг ҳажмий бўлаги бўлиб, доимий баландликдаги бир неча оралиқлардан ташкил топади. Бўлимнинг ўлчамлари бинодаги технологик жараён ва конструктив ечимга боғлиқ бўлади. Бундай бўлим кўпинча ҳарорат бўлимидан иборат бўлади.

Бирхиллаштирилган туркумли бўлимлар (БТБ) ва оралиқлар (БО) ўзаро бирлаштирилса, технологик шароитларга жаяб берувчи ўлчамлардаги (оралиқ, қадам, баландликдаги) саноат биносининг ҳажм-режавий ва конструктив ечими ҳосил бўлади.

БТБнинг ўлчамлари 144х72м бўлади. Қўшимча равишда 72х72 м, 30х72м ўлчами бўлган бўлим ёки оралиқлар юқорида кўрсатилган ўлчамдаги бўлимга бирлаштирилиши ва шу асосда бионинг ҳажм-режавий ечими ишлаб чиқилиши мумкин бўлади. Техник-иқтисодий жиҳатдан асосланганда бу ўлчамлардан четга ҳам чиқиш мумкин.

Ҳар қандай БТБ ва БО учун иш чизмалари ишлаб чиқилган ва кўп амалда нашрдан чиқарилган. Бундан фойдаланиш лойиҳа ҳужжатларининг ҳажмини қисқартиришга, лойиҳалаш муддатини камайтиришга, лойиҳа сифатини кўтаришга ва кам сондаги конструктив элементларни қўллашга шароит яратади.

БТБ ва БО ларнинг камчиликлари жумласига ишлаб чиқариш бинолари юзаси ва ҳажмини талаб этилгандагидан ошиб кетишини келтириш мумкин. Ҳозирги даврдаги лойиҳачиларнинг асосий вазифаси тармоқлараро бирхиллаштиришдан кўринишлараро бирхиллаштиришга ўтиш ва шу асосда лойиҳалаштириш ишларини такомиллаштиришдан иборат. Ишлаб чиқариш, қишлоқ хўжалик ва фуқаролик бинолари учун умумий бўлган ҳажм-режавий ва конструктив ечимларни топиш кўринишлараро бирхиллаштиришга мисол бўлади.

Шуни таъкидлаш лозимки, юқорида кўриб чиқилган масалалар фақат биноларнинг ва конструкцияларнинг ўлчамларини мослаштириш йўли билан ягона модул тизими асосида (йириклаштирилган модулларни қўллаган ҳолда) амалга оширилиши мумкин.

Конструктив ечимини соддалаштириш мақсадида бир қаavatли саноат биносини асосан бир йўналишдаги оралиқ, бир хил кенглик ва баландликда лойиҳалашади. Бу тартиблардан фақат технологик жараён талаб этган ҳоллардагина чиқилади. Кўп оралиқли биноларда баландликлар фарқи 1,2 м дан кичик бўлганда бинолар ҳар хил баландликда лойиҳаланмайди. Баландликлар фарқи 1,2м ва ундан ортиқ бўлишлиги талаб этилганда, бу фарқ ҳисобга олинади ва ҳарорат бўлими чегарасида амалга оширилади.

Каркаснинг устунлари қадами 6 ёки 12м деб қабул қилинади. Хона баландлиги ва устунлар кран рафақи устки белгиси нафақат бино оралиқларига, балки краннинг юк кўтариш миқдори ва устунлар қадамига ҳам боғлиқ (1.3-жадвал).

Кўприк кранлар билан жиҳозланган йиғма темирбетон каркасли бир қаватли биноларда устун рафақи устги белгиси

Оралиқ L, м	Хона баландлиги H, м	Краннинг юк кўтариш қобилияти Q, т	Устунлар қадами а(м) бўлганда ушун кран рафақи устги белгиси h, м	
			6м	12м
18;24	8,4	10	5,2	4,6
18;24	9,6	10;20	5,8	5,4
18;24	10,8	10;20	7	6,6
18;24;30	12,6	10;20;30	8,5	8,1
18;24;30	14,4	10;20;30	10,3	9,9
24;30	16,2	30;50	11,5	11,1
24;30	18	30;50	13,3	12,9


Кўп қаватли саноат биноларида каркас устунлари тўри 1м² юзага тушадиган юкка қараб қабул қилинади. Бунда бино оралиқлари 3 м га, устунлар қадами 6 м га каррали олинади. Бир м² юзадаги юк миқдори 10000 н/м² (1000кг/м²) гача бўлса, устунлар тўри 9х6 м, 20000-25000 н/м² бўлса - 6х6 м қабул қилинади. Бино баландлиги камида 3 м, кейинги баландликлар эса 0,6 м га каррали олинади.

Кўп қаватли саноат биноларининг ҳажм-режавий структурасини ҳосил қилиш ҳам бир қаватли биноларга ўхшаш тарғибда амалга оширилади.

Бинолар конструктив элементларининг турлари сонини камайтиришда ва бирхиллаштиришда деворлар ва шунга ўхшаш бошқа элементларни модулли бўлиш ўқларига нисбатан жойлаштириш масаласи муҳим аҳамиятга эга. Бунда конструктив тугунларнинг бир хил ечимини олиш ва конструкцияларнинг ўзаро алмашинувини амалга ошириш имконияти яратилади.

Конструктив элементларни бир қаватли каркасли саноат биноларининг бўлиш ўқларига боғлашнинг бир неча хиллари амалиётда кенг ишлатилади (1.7-расм). Шулардан бири «нолли боғланиш» деб номланади. Бу боғланишда четки қаторлар устунларининг ташқи қирраси биноларнинг четки бўлиш ўқлари билан устма-уст тушади. Агар четки қаторлар устунларининг қирралари биноларнинг четки бўлиш ўқларидан 250 ёки 500 мм ташқарига силжитилса 250 ёки 500мм масофада боғлаш деб айтилади.

Боғланишларни у ёки бу хилини танилаш кўприк кранларнинг юк кўтариш қобилияти, устунлар қадами ва бино баландлигига боғлиқ.



1.7-расм. Бир қаватли каркасli саноат биноларининг бўлиш модуль ўқларига конструктив элементларни боғлаш йўллари

Асосий каркас четки қаторларнинг устунларини геометрик ўқлари бинонинг кўндаланг бўлиш ўқларидан 500мм ичкарига сурилади. Четки деворларнинг ички сиртлари эса кўндаланг бўлиш ўқлари билан устма-уст тушиши даркор (нолли боғланиши). Шундай ечим қабул қилинганда четки деворларнинг фахверк устунларини эркин жойлаштиришга, қўшимча ёпмаларисиз бино томини бажаришга имконият топилади.

Акс ҳолда қанча қийинчиликлар пайдо бўлиб қолади. Ҳарорат чоклари, одатда, жуфт устунларда ўрнатилади. Кўндаланг ҳарорат чокининг ўқи бинонинг кўндаланг бўлиш ўқи билан устма-уст тушиши керак. Устунларнинг геометрик ўқлари эса бинонинг бўлиш ўқидан 500 мм ичкарига силжитилади. Пулат ёки аралаш каркасли биноларда бўйлама ҳарорат чоки бир устулда силжувчи таянч ўрнатиш йўли билан лойиҳаланади.

Бир йўналишдаги оралиқлар орасидаги баландликлар фарқи узаро тик оралиқларда жуфт устунлар ўрнатиш усули билан ёки ён қаторлар четки устунлари учун қабул қилинган қоидага биноан амалга оширилади. Ўрнатмаларнинг кенглиги 300, 350, 400, 500 ёки 1000 мм қабул қилинади. Ўлчамлари 300-400 мм бўлган ўрнатмалар бирхиллаштириш қоидасига бўйсунмайди.

Юк кўтариш миқдори 50 т бўлган кўприк кранлар кран ости рельслари ўқларининг бинолар бўйлама бўлиш ўқларига боғлаш ўлчами 750мм; кран ости йўллари бўйлаб ўтиш жойлари лойиҳаланганда эса 1000 мм ни ташкил этади.


Ташқи кўтарувчи деворли бир қаватли биноларда конструкцияларни бўлиш ўқларига боғлаш кўтарувчи ёпма конструкцияларини етарли таянгиришни таъминлаш ҳисобидан келиб чиқиб (120-400мм) амалга оширилади.

Кўп қаватли каркасли саноат биноларида ўрта қаторлар устунларининг геометрик ўқлари бинонинг бўлиш ўқи билан устма-уст тушади (1.8-расм).

Деформация чоклари жойларида, баландликларнинг фарқлари бўлган вақтда ёки устунлар таянчлари ҳар хил бўлган ҳолларда бу қоидадан четга чиқиши мумкин.

Четки қаторлар устунлари ёки «нолли боғланиш» қоидаси бўйича жойлаштирилади ёхуд устунларнинг ички қирраси модулли бўлиш ўқларидан (устун қалинлигининг ярми) маълум масофада жойлаштирилади.

Саноат бинолари асосий ўлчамларини координация қилиш ва конструктив элементларни бинолар модули ўқларига боғлаш уларнинг ҳажм-режавий ва конструктив ечимларини бирхиллаштириш ва қурилишни янада саноатлаштиришга имконият яратади.



1.8-рasm. Кўп қаватли қаркасли саноат биноларининг модуль бўлиш ўқларига конструктив элементларни боғлаш

Юқорида кўрилган масалалар асосан йиғма темирбетон ёки пўлат каркасли биноларга тегишлидир. Боғланишнинг бошқача самарали ечимлари ҳам йўқ эмас. Қўйма темирбетон конструкциялар ёки фазовий тизим кўринишидаги ёпмалар қўлланилганда бино ўқларига боғлаш, деформация чокларини лойиҳалаш бошқача ҳал қилиниши ҳам мумкин.

Назорат саволлари

1. Модуль координацияси нима?
2. Биноларни бирхиллаштиришнинг моҳиятини тушунтиринг?
3. Туркумлаштириш нима беради?
4. Ҳарорат блоки нима?
5. Ҳажм-режавий элемент, фазовий ячейка деганда нимани тушунасан?
6. Режавий элемент нима?
7. Чизиқли бирхиллаштириш нима мақсадларда қўлланилади?
8. Фазовий бирхиллаштириш нима?
9. Ҳажмий бирхиллаштириш қайси мақсадларда қўлланилади?
10. Бирхиллаштирилган туркумли бўлимнинг моҳияти нимада?
11. Бирхиллаштирилган оралиқ деганда нима тушунилади?
12. Ягона модуль тизими нега зарур ва ўзига хослиги нимада?
13. Бир қаватли ва кўп қаватли каркасли sanoat биноларида модулли бўлиш ўқларига боғланиш қандай амалга оширилади?

3.2. Ҳажм-режавий ва конструктив ечимларни ишлаб чиқишнинг умумий тартиблари

Замонавий ишлаб чиқаришнинг ва демак технологик жараёнларнинг серкйрралиги ўз навбатида sanoat биноларининг хилма-хил ҳажм-режавий ва конструктив ечимларини яратишни тақозо қилади.

Лойиҳалашга кириша туриб, энг аввало бинога жойлаштириладиган ишлаб чиқариш жараёни ўрганилади. Сўнгра технологик жараёни қониқтирадиган ва бионинг ҳажм-режавий ҳамда конструктив ечимлари жавоб бералган талаблар аниқланиди.

Ишлаб чиқариш турига кўра бу талаблар турлича бўлиши мумкин. Бир ҳолатда метеорологик тартиб ва ҳаво таркибини, иккинчи ҳолатда кучли азрацияни таъминлаш (иссиқ цехларда), учинчи ҳолатда тайёрланадиган буюмларнинг ўлчамларига мослаштириш (масалан, самолёт йиғиш цехлари) ва яна бир ҳолатда ўрнатилган жиҳозлар ўлчамларига асосланиш (масалан, прокат цехи) талаб этилиши мумкин.

Биноларнинг ҳажм-режавий ва конструктив ечимларини ҳал қилишнинг умумий принциплари ажратилиши мумкин. Булар ичида баъзи ишлаб чиқариш хоналари ёки цехларини битта sanoat биносига бирлаштириш ечими алоҳида ўрин эгаллайди. Бу усулни қўллаш завод

хулуди майдонини 30%гача, ташқи деворлар периметрини 50% гача, қурилиш нархини 15-20% камайтириш имкониятини беради. Шу билан бир қаторда биноларни шийпонли (павильонли) қуриш усули ҳам ўз аҳамиятини сақламоқда (масалан, кўп миқдорда иссиқлик ва газ ажралиб чиқадиған цехлар учун).

Асбобсозлик саноати учун модулли принцип самарали ҳисобланади.

Ушбу ечимлардан бирор усулни танлашда албатта иқтисодий меъзонларга ҳам алоҳида диққат қаратилиши зарур.

Қаватни танлаш ҳам лойиҳалаш жараёнида энг муҳим масалалардан ҳисобланади. Қаватлар сони масаласи кўпгина омилларга боғлиқ ҳолда ҳал этилади (юк миқдори, буюм ва жиҳозларининг ўлчамлари, қурилиш учун ажратилган майдон, унинг рельефи, жойнинг иқлимий таъсифи, техник кўрсаткичлар, иқтисодий кўрсаткичлар,...).

Яхши ҳажм-режавий ва конструктив ечимни танлаш бино ечимини бирхиллаштириш принципи йули билан ҳал этилади.

Бу масалани ечими биноларнинг универсаллигини ёки эгилувчанлигини оширишга имконият беради.

Бинони лойиҳалаб туриб, саноатнинг ушбу тармоғини ривожини башоратлай олиш самарали ҳисобланади (масалан, буюмларнинг ўлчамини ошиб бориши кўтилаётган ҳолат).

Лойиҳалаш жараёнида саноат биноларининг узоқ муддатга чидамлик масалаларни ҳам ҳал қилмоқ зарур.

Саноат биноларнинг майдонлари ва ҳажмларидан самарали фойдаланиш масалалари эътибордан четда қолмаслиги керак.

Бинонинг ҳажм-режавий ечими, иложи борича, шакли бўйича содда бўлиши керак. Бино режада туғри тўртбурчак шаклида бўлиши афзал. Бир хилдаги параллел ориқлар ва ўзгармас баландликларни қабул қилиниши бино конструктив ечимини соддалаштиради, йиғилиш даражасини оширади ва турлар сонини камайтиради. Лойиҳалаш жараёнида зарарли ишлаб чиқариш хоналарини бошқаларидан ҳимоялаш зарур.

Саноат биносининг ҳажм-режавий ва конструктив ечимига табиий иқлим шароитларини албатта таъсир этишини ҳам ҳисобга олиш керак.

Ёнғин хавфсизлиги талабларини бажармай туриб бинони тўлақонли лойиҳалаб бўлмайди.

Фавқулотдаги ҳолатлар бўлиши мумкинлигини ва бундай вақтда кўшиларнинг бинодан хавфсиз чиқишини таъминлаш масалаларини ҳам ечиш лозим (ҚМҚ «Ёнғинга қарши меъёрлар», ҚМҚ «Ишлаб чиқариш бинолари»).

Бир қаватли саноат биноларининг конструктив тизимини каркасли схемада бажарилиши кўп ҳолларда мақсадга мувофиқ ҳисобланади. Демак,

бунга ҳам амал қилмоқ керак. Кичик оралик (12 м гача) талаб этилганда кўтарувчиси девор бўлган иншоот конструкцияси қўлланилади.

Бир қаватли саноат биносининг юк кўтарувчи синчи сифатида унинг кўндаланг чорчўпи (рама) ва у билан алоқадор бўлган буйлама элементлари хизмат қилади.

Каркас устунларининг қадами 12 м ва ундан ортиқ бўлганда лойиҳалашда чордоқ тўсини ости конструкциялари қабул қилинади. Бу конструкция устида ҳар 6 ёки 12 м да тўсин ёки ферма ўрнатилади. Баъзи ҳолларда эса 12 мм ёпмалар ишлатилади холос (қадам 12 м бўлиб, осма юк кўтаргичлар ишлатилмаса).

Юпқа деворли фазовий конструкциялар кўринишидаги ёпмалар (қобиқли, гумбазли, букланувчан) жуда истиқболли ҳисобланади.

Кўп қаватли саноат бинолари, одатда, тўлиқ темирбетон каркас билан деворлари ўзини кўтарувчи ёки осма қилиб лойиҳаланади. Каркасининг асосий элементлари бўлиб устунлар, тўсинлар, ораёпмалар, томёпмалар ва боғловчилар хизмат қилади.

Йиғма темирбетон каркаслар чорчўшли, чорчўпли-боғламли ёки боғламли тизим ечимида ишланиши мумкин. Каркасининг чорчўпли тизимида бинонинг фазовий бикрилиги ҳам тик, ҳам горизонтал юкларни қабул қилувчи каркаснинг чорчўпи томонидан таъминланади. Чорчўп боғламли тизимда тик юклар каркас чорчўпи томонидан қабул қилинса, горизонтал юкларга чорчўплар ва тик боғламалар тўсиқлик қилади.

Боғламли тизимда тик юкларнинг каркаснинг устунлари қабул қилса, горизонтал юкларни вертикал боғламалар қабул қилади.

Чорчўп-боғламли тизимнинг баъзи афзалликлари бор. Бу афзалликлар қуйидагилардир. конструктив ечимда элементларнинг туташган тутунлари соддалашади, метални иқтисод қилишга эришилади ва уларни бирхиллаштириш имконияти яратилади. Айрим ҳолларда ушбу вариантнинг ечими тўсинли ораёпма ёки бикр темирбетонли қуйма ўзақли (ядролли) конструкцияда ишланади.

Биноларда ёнғин хавфини олдини олиш учун ёнғинга қарши тўсиқдеворлар - брандмауэрлар, ёнғинга қарши қисмлар, кўп қаватли иншоотларда эса ёнғинга қарши ораёпмалар ўрнатилади. Брандмауэрлар томдан 0,6 м (томнинг бирор материали ёнувчи бўлса) ёки 0,3 м баланд бўлиши зарур. Ёнғинга қарши қисмларнинг эни 6м бўлиб, улар бинони бутун эни бўйлаб бўлимларга ажратади.

Демак, саноат иншоотларининг ҳажм-режавий ҳамда конструктив ечимлари юқорида баён этилган тартибда асосли ишлаб чиқирилиши лозим.

Назорат саволлари

1. Иншоотнинг ҳажм-режавий ва конструктив ечимни ишлаб чиқиш тартибларини тушунтиринг?
2. Ҳажм-режавий ва конструктив ечимни ишлаб чиқишда қўйиладиган талаблар нималардан иборат?
3. Саноат тармоқларини башорат қилишга мисоллар келтиринг?
4. Бинонинг шакли қандай бўлиши керак?
5. Қаватлар сони қандай танланади?
6. Йигма темирбетон каркаслар ечимлари қандай тизимда ишланиши мумкин?
7. Чорчўп-боғлама каркасли ечимнинг афзалликлари нималардан иборат?
8. Бинога бикр темирбетонли куйма ўзак ўрнатишдан мақсад нима?

3.3. Бир қаватли саноат бинолари: оралиқли, катакли, зал туридаги бинолар

Бир қаватли саноат бинолари режада содда ва мураккаб шаклда бўлиши мумкин. Ҳозирги вақтда, кўп ҳолларда, режада катта ўлчамларни ташкил этган туғритўртбурчак шаклидаги (яхлит қурилиш) бинолар қўлланилмоқда. Режада II-III каби мураккаб шаклда бўлган бинолар аэрация қилинадиган ишлаб чиқариш корхоналарида кўп иссиқлик ва газ аралашима чиққан ҳолларда ишлатилади, чунки ривожланган периметрлар ҳавони алмаштиришга ва тозалашга яхши имконият яратади.

Технологик жараённинг тавсифига кўра бир қаватли саноат биноларининг ечими оралиқ, зал, катак (хонача) ва бирлаштирилган турда амалга оширилади.

Технологик жараён оралиқ бўйлаб йўналган ва юк кўтаргичлар билан хизмат қилинган ҳолларда оралиқ турдаги бинолар қабул қилинади. Оралиқлар ўлчами технологик жараёнга, жойлаштириладиган жиҳозлар ва буюмларнинг қамровларига боғлиқ бўлиб, 12-36м қабул қилинади. Устунлар қалами 6,12м ва ундан ортиқ ҳам (бмга каррали) қабул қилиниши мумкин. Бино бўйлаб транспорт алоқаси кўприк, осма юк кўтаргичлар, конвейрлар ва тўшама усти транспортлари ёрдамида амалга оширилади.

Аввал кўрсатиб ўтилганидск, саноат биноларини лойиҳалашда ўлчамлари 72х72, 144х72 м булган БТБ ва БО лардан кенг фойдаланилади.

Йирик ишлаб чиқариш корпусларини қатнов йўллари билан алоҳида даҳа(квартал)ларга бўлишади. Цехларни даҳаларга жойлаштиришда технологик жараёнлар шартларидан келиб чиқиб, бино фойдали майдонларини қисмларга ажратилади. Бўйлама ва кўндаланг қисмларга

ажратиш усуллари лойиҳалашда қўлланилади. Бу иш бино ҳажмидан самарали фойдаланиш имкониятини беради.

Индивидуал лойиҳалашда бир қаватли крансиз ёки юк кўтариш қобилияти 5т гача бўлган (осма) бир қаватли саноат биноларида устунлар тўри 12х6, 18х6, 24х6, 18х12, 24х12м қабул қилинади. Агар иншоотда кўприк кран лойиҳаланиб, унинг юк кўтариш қобилияти 50 т гача бўлса, бинодаги устунлар тўри 18х12, 24х12, 30х12м қабул қилинади.

Технологик жараён йирик ўлчамли маҳсулотларни ишлаб чиқариш ёки йирик жиҳозлар ўрнатиш билан боғлиқ бўлган ҳолда зал туридаги бинолар лойиҳаланади. Бундай биноларнинг оралиқлари 100м ва ундан ортиқ бўлиши мумкин. Одатда бундай бинолар фазовий конструкциялар билан ёпилади. Заллар бинода бўйлама ёки кўндаланг йўналишда жойлаштирилиши мумкин.

Зал туридаги бинолар бошқа турдаги бинолар билан битта бинога бирлаштирилиши ҳам мумкин. Яхлит, бир қаватли квадрат устун турли саноат биноларида технологик жараёни тез-тез замонавийлаштириш масаласини амалга ошириш осон. Ҳажм-режавий ечимнинг бундай структураси катакли структура деб, иморатлар эса эгилувчан ёки универсал бинолар деб аталади. Ушбу турдаги биноларда устунлар тўри 12х12, 18х18, 24х24, 30х30 ва 36х36м қабул қилинади. Йирик устунлар тўридан фойдаланиш ишлаб чиқаришни замонавийлаштириш учун самарали ҳисобланади.

Назорат саволлари

1. Режада бино шакли қанақа бўлиши керак?
2. Оралиқли бинолар қайси ҳолларда қўлланилади?
3. Залли бинолар қайси ишлаб чиқариш тармоқлари учун лойиҳаланади?
4. Катакли бинолар деганда нимани тушунасиш?
5. Катакли биноларнинг афзалликларини тушунтиринг.
6. Қайси ҳажм-режавий ечимлар технологик жараёнларни замонавийлаштиришга шароит яратади?

3.4. Кўп қаватли саноат бинолари

Кўп қаватли саноат биноларининг уч хилдаги асосий ҳажм-режавий структураси мавжуд: маромли; бир қаватли бинолар билан бирлаштирилган ёки охириги қаватда жойлашган катта оралиқли хоналари маромли; маромсиз. Ҳажмий-режавий ечим ҳажмий-режавий элементларни бирлаштириш йўли билан ҳосил қилинади. Бундай бинолар одатда 2-5 қаватдан ташкил топади, режасининг шакли: тўғри тўртбурчакли, бурчакли, Ш ва П-га ўхшаш, ички ёпиқ ҳовитили.

Катак типдаги элементлар асосида қурилган ва режада тўғри тўртбурчак шаклини олган маромли тузилишдаги ҳажм-режавий ечим амалиётда кенг қўлланилади.

Маромли тузилишдаги ҳажм-режавий ечимдан химия, озиқ-овқат, электротехника, енгил саноат ва шунга ўхшаш тармоқлар иншоотларини лойиҳалашда фойдаланилади.

Ички ёпиқ ҳовлиси бўлган биноларни лойиҳалаш технологик жараён имконият берган ҳолларда амалга оширилади. Ички ҳовлининг кенглиги уни қўшаб олган бинолардан энг баландини баландлигидан ва 18м дан кичик бўлмаслиги керак.

Шунингдек, иншоотнинг биринчи қават сатҳида эни 4 м, баландлиги эса 4,5м дан кам бўлган ўтиш йўллари лойиҳаланади. Бу ўтиш йўллари нафақат ички ҳовлини саноат корхонаси ҳудуди билан боғлаш, балки ички ҳовлини шамолатиш учун ҳам хизмат қилади.

Кўп қаватли биноларнинг лойиҳалаш жараёни меҳнатини ҳамда қурилиш нархини камайтириш, уларнинг зилзилабардошлигини ошириш мақсадида режа тузишда оддий, тўғри тўртбурчакли шакллардан кўпроқ фойдаланилади.

Кўп қаватли биноларни лойиҳалашда қаватларни, баландликларни ўзаро боғлашда зиналардан, пассажирлар ва юкларни кўтаргичлардан ёки элеваторга ўхшаш махсус транспорт қурилмаларидан фойдаланилади.

Маром туридаги кўп қаватли саноат бинолари устунлар тўғри 6х6 ёки 9х6м ни ташкил этган жатакли ёки оралиқ тузилишига эга бўлади. Битта бинодаги қаватлар баландлиги бир хил қабул қилинади. Бу қоидадан фақат биринчи қават баландлиги мустасно бўлиши мумкин.

Маъмурий ва меъиший хоналар ишлаб чиқариш қавати, болохона, ертўла чегарасида ёки бирлашган алоҳида бинода лойиҳаланади.

Маромли ҳажм-режавий тузилишдаги бинолар (ҳарорат бўлими) қуйидаги ўлчамларда лойиҳаланади: эни 12-60 м (6м га қаррали), бўйи 60м ёки ундан кичик (6м га қаррали): баландлиги 3.6: 4.8: 6: 7.2 м (1.2 м га қаррали). Ҳарорат бўлимларини бирлаштириб туриб, кўп қаватли биноларнинг хилма-хил ўлчам ва шакллардаги лойиҳавий ечимларини ишлаб чиқиш мумкин. Биноларнинг энини ошириш уларнинг нархини камайтиради. Масала, устунлар тўғри 6х6 м бўлган биноларда уларнинг энини 18 м дан 30м гача ошириш нархини 14-15% га камайтириш имконини беради. Бинолар энини танлашда иш жойларини табиий ёруғлик билан ёритишга ҳам эътибор берилиши зарур. Эни 30м гача бўлган биноларни (қават баландлиги 5.4м) лентали деразалар орқали ёритиш қулай ҳисобланади. Бино энининг кейинги ошиб бориши эса интеграл ёритиш тизимини қўллашга олиб келади.

Бино узунлигини ҳар 1 м га ошириш 1м^2 фойдали майдоннинг нархини сезиларли камайтиришга олиб келса, баландликни ўзгариши эса аксинча ҳолатга олиб боради. Қават баландлигини 4,8 м дан 6м гача ошириш 1м^2 фойдали майдоннинг нархини 8 % га ошириши мумкин.

Маромли ҳажм-режавий тузилишдаги кўп қаватли биноларни бир қаватли бинолар ва тепа қаватда жойлашган йирик оралиқли хоналар билан бирлаштириш саноат қурилишида кенг тарқалган.

Саноат корхоналарининг ҳудудларини қисқартириш, йўллар ҳамда тармоқлар узунликларини камайтириш ҳамда қурилиш нархини камайтириш мақсадида кўп ва бир қаватли биноларни бирлаштириб туриб яхлит тизимда лойиҳаланади.

Тепа қаватдаги оралиқ биринчисидан кўра каттароқ бўлган икки қаватли иншоотлар барпо этиш саноат қурилишидан кенг ўрин эгаллаган.

Биринчи қаватда оғир технологик жиҳозлар жойлаштирилса, иккинчи қаватда эса енгил жиҳозлар ўрнатилади. Бундай биноларда технологик ва муҳандислик тармоқлари кўлами камаяди.

Иккинчи қаватда катта оралиқларни қўллаш, у ерда йирик ўлчамли буюмлар чиқариш имкониятини яратади. Масалан: автомобиллар ишлаб чиқаришда бундай ечимни қўллаш мақсадга мувофиқ келиши мумкин.

Маромсиз ҳажм-режавий тузилишдаги кўп қаватли саноат бинолари, одатда, кўмир, тоғ рудалари, целлюлоза-қоғоз ишлаб чиқариш ва шунга ўхшаш корхоналар учун мақсадга мувофиқ келади.

Бундай тармоқларда технологик жараён алоҳида турувчи жиҳозлар ёки иншоотлар билан боғлиқ бўлади.

Маромсиз ҳажм-режавий тузилишдаги кўп қаватли саноат бинолари кўпчилик ҳолларда бир қаватли бинолар билан бирлаштирилади.

Қаралаётган тузилишдаги биноларнинг ён томондан кўриниши баландликларнинг кескин фарқ қилишлиги билан тавсифланади. Оралиқ ўлчамлари 6,9,18м, каркас қадами 3 ва 6м, бино баландлиги 20 м гача ёки ундан ортиқ бўлиши мумкин. Бундай биноларнинг тузилиши катак кўринишидаги ёки катта ўлчамли бир оралиқли ечимдан иборат бўлади.

Кичик эгилувчан бинолар, одатда, устунлар тўри 6х6м бўлган катак кўринишидаги режадан иборат бўлади. Бино ўлчамлари 36х42 м бўлган бўлимдан ташкил топади. Бўлимнинг ўрта қисмида зина ўрнатилади. Бинонинг деразага яқин қисми периметр бўйлаб ипчи ўринлари жойлаштирилади. Бинонинг ўрта қисмида эса, одатда, хизмат хоналари лойиҳаланади. Зарур ҳолларда бу жой ҳам ишлаб чиқариш мақсадларида фойдаланилади. Бинонинг биринчи қаватида маъмурий-хўжалик хоналари, озиқ-овқат бўлими, тиббиёт бўлими, тайёр маҳсулотлар омбори ва ярим фабрикалар жойлаштирилади. Қаралаётган тузилишдаги бинолар ўлчамлари катта бўлмаган жиҳозлар билан кичик қамровли маҳсулотлар ишлаб чиқаришга мўлжалланади.

Ўртача эгилувчанликдаги иншоотлар массаси енгил, қамрови ўртача ва йирик бўлган буюмлар ёки қамрови йирик буюмлар ва енгил жиҳозлар ўрнатилишига мўлжалланади. Устунлар тўри 12х12, 18х18 ёки 12х6 м қабул

қилинади. Устунлар тури квадрат шаклида бўлганда ораётма конструкциялари кессон ёки тўсиқсиз кўрнишда бўлади.

Катта эгилувчанликка эга бўлган бинолар 24,30 ва 36м ли оралиқлар билан лойиҳаланади. Бундай бинолар баландликлари бўйича гакрорланадиган ишлаб чиқариш ва техник қаватлардан ташкил топади. Техник қаватларда ёрдамчи ишлаб чиқариш хоналари, ашёлар, яримфабрикатлар ва тайёр буюмлар омбори, маиший ва маъмурий хоналар ҳамда бинога техник хизмат кўрсатиш билан боғлиқ бўлган хоналар жойлаштирилади.

Катта эгилувчанликдаги биноларнинг кичик эгилувчанликдаги бинолардан энг асосий фарқларидан бири бу ҳам бўлса техник қаватлар ҳисобида ёрдамчи майдонларнинг кўпайтирилиши ҳисобланади.

Саноатда герметикли (зич) хоналари бўлган бир ёки кўп қаватли ишлаб чиқариш бинолари ҳам қўлланилади, (масалан, радио саноати, асбобсозлик,...). Герметик хоналар ишлаб чиқариш буюмларини чанг ва ҳар қандай бошқа ифлослантирувчи моддалардан ҳимоя қилади. Бундай хоналардаги чанг заррачаларининг энг йирик ўлчами 0,3 мк дан, концентрацияси 0,001 мг/м³ дан ошмаслиги керак. Герметик хоналарда ҳарорат кўрсаткичи 20°C, нисбий намлиги эса 40% ни ташкил этади. Ҳароратнинг ўзгариши 0,5°C, нисбий намликнинг ўзгариши 0,5% дан ошмаслиги, ҳаво ҳаракати тезлигининг эса 0,2 м/с гача бўлишлигига рухсат этилади. Бундай хоналарда совутиш тизими ўрнатилади. Натижада ҳосил бўлган оргикча босим четдан чангни киришига қаршилик кўрсатади. Сунъий ёриткич тизимидан фойдаланилади. Хоналар чанглари йиғувчи мосламалар билан жиҳозланади.

Назорат саволлари

1. Кўп қаватли ишлаб чиқариш биноларининг фойдаланиш соҳаларини тушунтиринг.
2. Маромли ҳажм-режавий тузилиш деганда нимани тушунасиш?
3. Маромли ҳажм-режавий тузилишдаги бинолар қайси ҳолларда қўлланилади?
4. Бир қаватли бинолар билан бирлаштирилган тузилишга мисол келтиринг?
5. Маромсиз ҳажм-режавий тузилишнинг ўзига хос хусусиятлари нималардан иборат?
6. Маромсиз ҳажм-режавий ечим қайси ҳолларда қўлланилади?
7. Эгилувчан бинолар деганда нимани тушунасиш?
8. Кичик эгилувчанликка эга бўлган биноларга изоҳ беринг?
9. Ўртача эгилувчанликдаги биноларнинг моҳияти нимада?
10. Катта эгилувчанликдаги биноларга мисоллар келтиринг?
11. Герметик хоналарнинг аҳамиятини тушунтиринг?

3.5. Саноат иншоотларининг ҳажм-режавий ва конструктив ечимларининг техник-иқтисодий баҳолаш

Саноат бинолари учун ҳам фуқаролик бинолари учун ҳам ҳажм-режавий ва конструктив ечимларининг техник-иқтисодий кўрсаткичларига келтирилган харажатлар (Π) бўйича хулоса қилинади.

$$\Pi = K + T_n C,$$

бу ерда K - смета нархи билан аниқланувчи бинони қуриш учун сарфланадиган харажатлар;

C - бинони эксплуатация қилиш даврида сарфланадиган йиллик харажатлар;

T_n - капитал маблағларни қоплашнинг меъсрий муддати.

Ўз навбатида T_n қуйидагича аниқланади:

$$T_n = \frac{1}{E_n} \text{ йил,}$$

бу ерда E_n - капитал маблағлар иқтисодий самарадорлигининг меъсрий коэффиценти (саноатнинг барча тармоқлари учун $E_n = 0,12$).

Ҳисобланган Π нинг қийматини Π_z (келтирилган харажатларнинг эталон қийматлари) билан солиштирилади ва иқтисодий самарадорлик ($\mathcal{E}$) қуйидагича аниқланади: $\mathcal{E} = \Pi_z - \Pi$.

Демак, иншоотнинг лойиҳавий ечими самарали бўлиши учун K ва C нинг қийматларини камайтириш йўллари топиш зарур. Шу мақсадда биноларни лойиҳалаш жараёнида қабул қилинган ечимларни техник-иқтисодий баҳолаш ишлари бажарилади. Сметани камайтиришга қаратилган эксплуатация қилиш шароитларини тўла ҳисобга оладиган ечимлар қабул қилинади.

Лойиҳанинг қурилиш ва технологик қисмларини ҳисобга олувчи умумий техник иқтисодий кўрсаткич сифатида бинонинг 1 м^2 ишлаб майдонидан ишлаб чиқариладиган маҳсулот миқдори хизмат қилади. Ҳар м^2 хона майдонидан қанчалик кўп маҳсулот ишлаб чиқарилса, ушун шунчалик самарали фойдаланади.

Саноат биноси ҳажм-режавий ечимига тавсиф берувчи ҳисобий бирлик бўлиб, 1 м^2 қурилиш майдони, 1 м^2 фойдали майдон, 1 м^3 ҳажм хизмат қилади.

Бинонинг пойпепи (цоколь) сатҳида деворларнинг таъқиқ периметри бўйича аниқланган майдонга қурилиш майдони деб аталади. Қурилиш майдони фойдали ҳамда конструкциялар эгаллаган майдонлардан иборат бўлади.

Бинонинг фойдали майдони барча қаватлар хоналари соф майдонларнинг йиғиндисидан иборат. Фойдали майдонга, шунингдек, ёрдамчи хоналар, болохоналар, очик жавонлар, узун айвонлар, эстакадалар майдонлари ва конструктив майдонлар ҳам киради. Конструктив майдон қаватлар бўйича аниқланиб, унга зинапоя катаклаи, ички деворлар, устунлар, парда деворлар, шакталар эгаллаб турган майдонлар кирази.

Ишчи майдон маҳсулот ишлаб чиқариладиган хоналар юзларининг йиғиндисидан иборат. Яримфабрикатларни жойлаштириш мақсадида фойдаланиладиган хоналар майдони ҳам ишчи майдонга киради.

Транспорт, санитар-техник ва энергетик жиҳозлар учун ажратилган майдонлар, даҳлизлар (коридор), кириш жойлари, ўғиш йўлаклари, техник хоналар (техник) ва шунга ўхшаш бошқа майдонлар йиғиндиси ёрдамчи майдонларни ташкил этади.

Омбор майдони ашёларни, маҳсулот ишлаб чиқариш ва таъмирлаш учун зарур бўлган хилма-хил материаллар ва буюмларни, тайёр маҳсулотларни жойлаштириш мақсадида ишлатиладиган хоналар майдонлари йиғиндисидан иборат.

Лойиҳанинг технологик қисми биттагидан сўнг иншоотнинг ишчи, ёрдамчи ва омбор майдонлари белгиланади. Шунинг учун $1м^2$ ишчи майдон кўрсаткичи орқали бинонинг нархи, сермеҳнатлилиги ва асосий материаллар сарфи бўйича қурилиш ва технологик қисмарига умумий баҳо берилади.

Бинонинг қурилиш ҳажми унинг қурилиш майдонини биринчи қават поли сатҳидан чордоқли ёпманинг устигача (ёки том қопламасининг устки қисмигача) бўлган баландликка кўпайтириш йўли билан аниқланади. Бино ҳажми таркибига фонуслар ва ертўлалар ҳажми ҳам киритилади.

Иншоотнинг ҳажм-режавий ва конструктив ечимини баҳолаш ва уни мавжуд яхши ечимлар билан таққослаш қуйидаги техник-иқтисодий белгилар бўйича амалга оширилади:

1. Саноат иншоотининг смета нархлари асосида аниқланган $1м^2$ ва $1м^3$ утун сарфланган пул воситалари харажатлари бўйича (ҳисоблашда ертўла ҳажми киритилмайди).
2. Ишлаб чиқариш ҳудудини қурилиши-қурилиш зичлиги бўйича $Пз$. $Пз$ умумий қурилиш майдонининг ишлаб чиқариш ҳудуди майдонига бўлиш орқали аниқланади.

Бу кўрсаткичнинг энг кичик миқдори меъёрий ҳужжатларда келтирилади. Масалан, металлургия заводлари учун $Пз=28-35\%$, химия учун -30% , текстил, нефть сапоати учун -50% , пахтақогоз ва атлас газмоллар корхоналари учун -60% ва ҳоказо.

Бу кўрсаткич ҳам йўллар, муҳандислик тармоқлари, ободонлаштириш каби омиллар орқали саноат биносининг нархиға таъсир кўрсатади.

3. K_1, K_2 ва K_3 коэффициентлар орқали аниқланган ҳажм-режавий ечимнинг сифати бўйича:

- K_1 - бино ишчи майдонининг умумий майдонига нисбати;
- K_2 -бино ҳажмининг ишчи майдонига нисбати;

- K_3 - тўсиқ конструкциялар сиртлари майдонининг фойдали майдонга нисбати.

K_1 катталаша бориши, K_2 ва K_3 лар кичиклашиши билан бионинг техник-иқтисодий самарадорлиги орта боради.

4. 1м^3 бионинг ҳажми ёки унинг 1м^2 фойдали майдонига ишлатилган асосий қурилиш материаллари (пўлат, цемент...)нинг сарфланиши бўйича.
5. Иншоотнинг 1м^3 ҳажми ёки 1м^2 фойдали майдонини қуриш учун сарфланган солиштирма оғирлик бўйича.
6. Бионинг оғирлиги бўйича; енгил конструкцияларни қўллаш билан бу кўрсаткични яхшилашга эришилади (ташиш ва тиклаш харажатлари камаяди).
7. Йигма элементларни бирхиллаштириш даражасини тавсифловчи кўрсаткичлар бўйича; бино учун танланган йигма элементлар сони, турлари, маркаси, элементнинг максимал ва ўртача массаси бу меъзонни аниқлайди.

Юқорида келтирилган лойиҳа ечимининг барча кўрсаткичлари қўйилган талабларни қониқтиргач, бионинг якуний смета нархи (K) аниқланади.

Бионинг йиллик эксплуатация харажатлари таркибига, санитар-техник тизими, ёритиши, санитар-гигиеник ишлари, таъмирлашни таъминлаш билан боғлиқ бўлган ишлар киритилади. Бино учун ишлатилган материалларнинг сифати ҳам муҳим ўрин тутали. Баъзида қимматроқ бўлсада, лекин эксплуатация даврида таъмирлаш учун сарфланадиган харажатларни камайтириш имкониятини берувчи материаллар ва технологиялардан фойдаланиш катта самара келтиради. Келтирилган харажатлар миқдори аниқлангач, у эталон бўйича сарфланадиган харажатлар билан таққосланади. Шу асосда лойиҳаланган иншоот ҳажм-режавий ва конструктив ечимларининг самарадорлиги аниқланади.

Мисол тариқасида 1.4-жадвалда иншоотнинг сметасига нисбатан асос ва пойдеворларнинг нархи келтирилган.

Лекин шуни таъкидлаш лозимки, ҳамма вақт ҳам кичик нарх бионинг яхши ечимини аниқлаб беролмайди (масалан, бионинг универсаллигини таъминлаш зарурияти бўлса). Шунинг учун ҳам бионинг лойиҳалашда барча зарурий омилларни ҳисобга олиш зарур.

Саноат иншоотлари асосий конструктив элементларининг мўлжалланадиган нархи, умумқурилиш ишлари умумий нархининг фоизи ҳисобида

Бинолар элементлари	Бинолар учун нарх %		
	Бир қаватли бино оралиқлари қуйидагича бўлганда 12-18м крансиз 18-24 кранли		Қўп қаватли
Асослар ва пойдеворлар	4-5	6-8	7-8

Назорат саволлари


1. Лойиҳанинг техник-иқтисодий кўрсаткичлари деганда нима тушунилади?
2. Лойиҳалаш жараёнида келтирилган харажатлар қандай аниқланади ва нима билан таққосланади?
3. Йиллик эксплуатация харажатлари нималардан иборат?
4. Қурилиш майдони, бинонинг ишчи ва фойдали майдонлари нималардан иборат?
5. Ёрдамчи, омбор майдонлари қайси хоналар майдонларидан таъқил тонади?
6. Лойиҳани баҳолаш учун зарур бўлган техник-иқтисодий белгилар қайсилар?
7. Техник-иқтисодий белгиларни таҳлил қилинг?
8. Қайси ишлар бажарилаган, бинонинг якуний смета харажатларини аниқлашга киришилади?
9. Лойиҳанинг ҳажм-режавий ва конструктив ечимлари самарадорлигини аниқлаш тартибини тушунтиринг?

4. САНОАТ ҚОРХОНАЛАРИНИНГ БОШ РЕЖАСИ

Саноат ишлаб чиқариш қорхоналари шаҳар ёки тумanning аввалдан тайёрланган бош режасига биноан жойлаштирилади. Ишлаб чиқариш учун мўлжалланган ҳудудни тежаш, унда саноат қорхонасини қулай жойлаштириш катта самара беради. Ишни амалга оширишда қурилиш меъёрлари ва қоидаларига (ЎЗРСТ 21.204-93. Бош режалар ва ... Т.Давлат архитектура ва қурилиш қўмитаси.1993,88 б.) тўла риоя қилиш зарур.

Бош режаларни (1.9-расм) ишлаб чиқиш жараёнида таъқиқ ишлаб чиқариш, транспорт ва бошқа ўраб турувчи қорхоналар ва муҳандислик

тармоқлари билан боғланиш; яташ жойлари билан алоқани ўрнатиш; чиқишдишларни ташлаш жойлари, сув тарқатувчи ва тозаловчи иншоотларни жойлаштириш; корхона ишлаб чиқариш фаолияти билан боғлиқ бўлган транспорт, муҳандислик ва бошқа объектларнинг борлигига эътибор бериш; алоҳида корхоналарнинг келажакдаги ривожланиши каби муҳим масалалар ҳисобга олинади.



1.9-расм. Енги автомобиллар йирик заводининг бош режаси
а-умумий схема; б-перспектива:

1-автозавод; 2-сув қувурларининг тозалаш иншоотлари; 3-шлам чуққич; 4-ахлатни қайта ишлатиш заводи; 5-асфальтбетон заводи; 6-иссиқлик электр маркази; 7-қурилиш ишлаб чиқариш базаси; 8-юкли ҳовли; 9-саноат-коммунал бўлим

Саноат тугунлари лойиҳаларини ишлаб чиқишда қурилиш ҳудудининг табиий иқлим хусусиятлари (ҳаво ҳарорати, нисбий намлиги...) ҳам ҳисобга олинади.

Шаҳарда бир ёки бир неча саноат ҳудудлари бўлиши мумкин. Саноат ҳудудлари лентали (яшаш жойи бўйлаб) ва чуқурликли усулла режалаштирилади. Биринчи усул ишлаб чиқариш корхоналари санитария тавсифномаси бўйича бир хил ёки яқин синф бўлган ҳолда қўлланилади.

Бош режани тузиш жараёнида саноат ҳудудини ўтиш йўллари ва магистраллар билан кварталларга бўлишади.

Бўйлама ўтиш йўллари бўйича бир неча кварталларни бирлаштириш «панель» деб юритилади. Бундай қурилишни квартал-панелли қурилиш деб аташди. Кварталлардан битирилган технологик жараёнлар қисмларини бир бўлимга бирлаштириш кварталли бўлимли қурилиш деб аталади.

Кварталлар, панеллар ва бўлимлар қамровлари ишлаб чиқариш қўрилишига, унинг қуввати ва санитарлик тавсифномасига боғлиқ. Бирхиллаштириш мақсадида ўлчамларни йирик модулга каррали қилиб олишади. Бирхиллаштирилган панеллар ўлчами модулли ўлчам (72м, 100м) асосида қабул қилинади. Кварталлар қамровларини 10,12,16 ва 20 га тенг лойиҳалаш амалиётдан кенг ўрин эгалламақда.

Саноат ҳудудида хизмат радиуси 1,5... 2,0 км бўлган бир ёки бир неча жамоатчилик маркази лойиҳаланади. Ҳудудларни ва ишлаб чиқариш корхоналари бош режаларини ишлаб чиқиш жараёнида ҳудудни технологик белгиларига қараб бўлимларга ажратишга эътибор берилади.

Саноат ҳудуди тўртта бўлимга ажратилади:

1. Завод олди бўлими; бу бўлимга маъмурий, соғлиқни сақлаш, ўқув муассасалари, жамоат ташкилотлари, маданий оқартув хоналари, тажриба, илмий-тадқиқот бўлимлари, кириш йўллари, транспорт турар жойлари ва шуларга ўхшашлар киради.
2. Ишлаб чиқариш бўлими; бу бўлимга асосий ва ёрдамчи цехлар тўпланади.
3. Ёрдамчи бўлим; бу бўлимга энергетика, муҳандислик тармоқлари ва шунга ўхшаш иншоотлар лойиҳаланади.
4. Омбор бўлими; Омбор бўлимига материаллар, яримфабрикатлар ва тайёр маҳсулотларни сақлаш бинолари, транспорт иншоотлари киради.

Бош режани тузиш даврида юқорида кўрсатиб ўтилган бўлимларни ишлаб чиқариш корхонасида амалга ошириладиган технологик жараёнга мос келадиган қилиб жойлаштирилади.

Ҳудудни бўлимларга ажратиш вақтида пиёдалар ва транспорт йўллари эътибор берилади. Бу йўллар хавфсизлик қоидаларига риоя

қилинган ҳолда лойиҳаланади. Ҳар икки хил йўл бир-биридан ҳимоя қилинмоғи лозим. Уларнинг кесишув жойлари турли хилдаги сатҳларда лойиҳаланади. Ётиқ бўлимлаш билан бир қаторда тик бўлимлаш масаласига диққат қилинади. Тик бўлимлаш қуйидагиларга бўлинади: ер усти, ердан баландликдаги ва ер ости бўлиналари. Ер устидан одамлар ва транспорт ҳаракат қилади, ердан баландликдаги бўлимда асосий цехлар жойлаштирилади, ер ости бўлимига омборлар ва бошқа ёрдамчи цехлар лойиҳаланади.

Ишлаб чиқариш корхонасининг хусусиятига қараб бош режадаги қурилиш зичлиги умумий майдоннинг 30-60% атрофида қабул қилинади.

Бош режа лойиҳаси тегишли техник-иқтисодий кўрсаткичлар бўйича асосланади.

Назорат саволлари

1. Бош режани тузишда нималарга эътибор берилади?
2. Қандай ҳолларда бош режа лентали кўринишда ишлаб чиқилади?
3. Квартал, панель ва бўлимлар деганда нимани тушунасиз?
4. Бош режани ишлаб чиқишда ҳулудни бўлимларга ажратиш хилларини тушунтиринг?
5. Бинонинг тиклиги бўйича бўлимлари нималардан иборат?


5. САНОАТ КОРХОНАЛАРИНИНГ ЁРДАМЧИ БИНО ВА ХОНАЛАРИ

Инсон соғлигини сақлаш, унинг меҳнат қилиш шароитларини яхшилаш, касб маҳоратини ошириш тўғрисида гамхўрлик қилиш пировард мақсадларимиздан ҳисобланади. Саноат ишлаб чиқариш корхоналарида ташкил этиладиган маданий-маиший хизмат кўрсатиш сифати корхонада кадрлар тизимини шакллантиришга, улар таркибининг доимийлигини сақлашда, меҳнаткашларнинг соғлигига ва кайфиятига ижобий таъсир кўрсатиб, натижада ишчиларнинг меҳнат маҳсулдорлигини ва ишлаб чиқариш сифатини сезиларли оширади.

Саноат корхоналарининг ёрдамчи биноларида, одатда санитар-маиший, маданий ва спорт, коммунал-маиший, маъмурий-техник, савдо, техник хизмат кўрсатиш, соғлиқни сақлаш, умумий овқатланиш, касб-ҳунар ўрганиш ва жамоат таъкилотлари хоналарни жойлаштирилади (1.10-расм).

Саноат корхоналарига маданий-маиший хизмат кўрсатиш тизими 4 босқичла амалга оширилади:

1. Биринчи босқич цех ичи хоналари ва инпоотларни қамрайди. Буларга ҳожатхона, чекиш жойи, сув ичиш жойи, савдо киоскалари



1.10-рasm. Цехга туташ қурилган ёрдамчи бинонинг функционал бўлимларга бўлиш схемаси

1-эркаклар маиший хоналари; 2-аёллар маиший хоналари; 3-ошхона; 4-медицина пункти; 5-муҳандис-техник ходимлар хоналари; 6-конструкторлик бюроси, ўқув машгулотлари ва жамоат ташкилотлари хоналари; 7-маданий хизмат хоналари; 8-гардероблар; 9-зиналар

ва автоматлари, дам олиш хонаси каби бирламчи хизмат кўрсатиш тизими объектлари (хизмат радиуси 75-100 м) киради.

2. Хизмат кўрсатишнинг 2-босқичига цех ва цехлараро хоналар ва қурилмалар киради. Буларнинг бариси кундалик хизмат кўрсатиш объектлари (хизмат кўрсатиш радиуси 300-400м) деб юритилади ва уларнинг таркибига уст кийимни ечиш хонаси (гардероб), душ хонаси, ювиниш хонаси, овқатланиш, фелдшерлик пунктлари, жамоат ташкилотлари хоналари киради.
3. Учинчи босқич даврий хизмат кўрсатиш объектлари бўлиб (хизмат радиуси 800-1000м), буларнинг таркибига умумзавод врачлик-соғлиқни сақлаш пунктлари, поликлиникалар филиаллари, ошхоналар, спорт заллари ва клублар киради.
4. Тўртинчи босқич ҳудудий аҳамиятдаги объектлар бўлиб, хизмат кўрсатиш радиуси 1,5-2,0 км: Эпизодик хизмат кўрсатиш объектлари жумласига умумий овқатланиш корхоналари, поликлиникалар, тиббий-санитария қисмлари, санъат саройлари, муҳандислик марказлари киради.

Санитар-маиший хоналар умумий ва махсус хоналарга бўлинади. Умумийларига гардероблар, ювиниш хоналари, ҳожатхоналар, чекиш жойлари, гўдакларни эмириш хоналари ва бошқалар мисол бўлади. Махсус хоналар жумласига дупи хоналари, кир ювиш, кийим ва пойафзалларни тозалаш, чангсизлаштириш, қуришти, таъмирлаш хоналари, ишчиларни иситиш ва салқинлатиш хоналари, оёқ ванналари хонаси, ичимлик суви таъминоти, тоза ва ифлос кийимларни жойлаштириш жиҳозлари ўрнатилган хоналар киради.

Қаватлар бўйича ёрдамчи бинолар бир ва куп қаватлиларига (<9) бўлинади.

Саноат корхоналарининг қурилиш меъёрлари ва қоидаларига зид бўлмаса хилма-хил вазифалар учун мўлжалланган барча хоналар битта бинода жойлаштирилади. Ёрдамчи бинолар имконияти борида иш жойларига яқин қилиб, турли хиллаги зарарли моддалар таъсирлари минимал бўлган ерда лойиҳаланади. Лойиҳада ишчиларнинг (агар улар у ерда ишламасалар) зарарли моддалар мавжуд жойдан А, В тоифадаги ёнтин портлаш руй берадиган ёки Е тоифадаги портлаш хавфи бор ердан ўтиб қайтишларига рухсат этилмайди.

Ёрдамчи бинолар, одатда, 2-синфга оид, хизмат муддати 50-100 йил этилиб, яхшиланган пардоз билан лойиҳаланади (ҚМҚ 2.09.04-98. Корхоналарнинг маъмурий ва маиший бинолари.Г,1998).

Конструктив схемаси бўйича ёрдамчи бинолар 2 гуруҳга бўлинади: каркасли ва юк кўтарувчи деворли бинолар.

Ёрдамчи биноларнинг умумий фойдали майдони, одатда, саноат корхонасининг умумий фойдали майдонини 20-30% ташкил этади. Хизмат кўрсатиш хоналарининг умумий рўйхатдаги ҳар бир кишига тўғри келадиган майдони 4 м² деб қабул қилинади. Аниқланган умумий майдоннинг 65% санитар-маиший хизматга, 25% умумий овқатланишга, 2% медицина хизматига ва 8% маданий хизмат кўрсатиш хоналарига ажратилади.

Ёрдамчи бинолар барча қулайликларга эга бўлишлари, уларда барча санитар-гигиеник тартиблар ташкил этилиши талаб этилади.

Юқорида кўрсатилган талаблардан ташқари, муҳандис-техник ва ёрдамчи ходимларга ишлаб чиқариш жараёнини ташкил этиш ва таъминлаш билан боғлиқ бўлган барча шароитлар яратилиши керак. Ёрдамчи биноларда танаффус вақтларида ва ишдан кейин ишчилар ва ходимларнинг тулақонли дам олишлари учун барча шароитларнинг яратилиши уларнинг чарчаишларини камайтиради, соғлиқларини сақлайди ва меҳнат маҳсулдорлигини оширишга имконият беради.

Ёрдамчи биноларни саноат корхонаси ҳудудида жойлаштиришда одатда, бирлаштириш усулидан фойдаланишади. Бундай биноларда жойлаштирилладиган хоналар таркиби, уларнинг ўлчамлари ва жиҳозлаш тартиблари корхонада ишлайдиганлар сонига ва ишлаб чиқариш жараёнларининг санитар-гигиеник шароитларига боғлиқ. Лойиҳалаш жараёнида табиий иқлим, санитар-гигиеник, ёнтинга қарши ва бошқа омиллар ҳисобга олиниши лозим. Биноларнинг ҳажм-режавий ва конструктив ечимлари меъморий-бадий ва иқтисодий талабларни қониқтириши шарт.

Ёрдамчи бинолар алоҳида ишлаб чиқариш биноси ёнида ёки ичда лойиҳаланиши мумкин. У ёки бу ечимни танлаш технологик жараёнининг

санитарлик тавсифномасига, саноат корхонаси ҳудудининг ўлчамларига, ишловчилар сонига ва бошқа омилларга боғлиқ.

Ёрламчи бино алоҳида иншоот бўлганида ишлаб чиқариш биноси билан унинг алоқаси ер усти ёки ер ости йўлаклари орқали амалга оширилади. Бинида қуриладиган бўлса, у бино узунлиги ёки четки қисми деворлари бўйлаб лойиҳаланади. Ҳар иккала ечимнинг ўзига хос камчиликлари ва афзалликлари мавжуд.

Саноат корхоналаридаги ишлаб чиқариш жараёни санитарлик тавсифномаси бўйича тўрт гуруҳга бўлинади:

- Биринчи гуруҳ ўз навбатида 3 гуруҳчага бўлиниб, ишлаб чиқариш жараёнларининг нормал шароитда бориши ва зарарли газларнинг бўлмаслиги билан тавсифланади.
- Иккинчи гуруҳ ўз навбатида беш гуруҳчага (а, б, в, г, д) бўлинади ва ишлаб чиқариш жараёнларининг ноқулай метеорологик шароитда (ёки чанг ажралиш билан) бориши, оғир физик меҳнат билан тавсифланади.
- Учинчи гуруҳ тўрт гуруҳчага (а, б, в, г) бўлинади ва ишлаб чиқариш жараёнлари зарарли моддалар ажралиши, ҳамда ишчи кийимларнинг ифлосланиши билан тавсифланади.
- Тўртинчи гуруҳ уч гуруҳчага (а, б, в) бўлинади ва ишлаб чиқариш жараёнлари маҳсулот сифатини таъминлаш учун махсус тартиблар талаб этади.


Ёрдамчи биноларни лойиҳалади жараёнида, одатда, уст кийимни ечиш, душ ва ювиниш хоналари «гардероб бўлимига» бирлаштирилади. Гардероблар кўча, уй ва махсус кийимлар учун мўлжалланади (1.11-1.12-расмлар).

I, II ва III ишлаб чиқариш жараёнларида гардероб бўлими барча кийимлар учун умумий лойиҳаланса, бошқа ҳолларда ҳар қайси гуруҳлар учун алоҳида лойиҳаланади.


II (IIа дан ташқари), III ва IV ишлаб чиқариш жараёнлари гуруҳларида махсус кийимлар учун алоҳида гардероб лойиҳаланди.

III (энг кўп сменадаги ишловчилар сони 30 дан ортиқ), IIIа, IIIб, IIIг ва IVб бўлганда, ҳар қайси гуруҳ учун махсус кийимлар гардероби алоҳида бўлиши шарт. Кўча, кўча ва уй кийимлари гардероби юқоридаги барча ҳоллар учун ишлаб чиқариш жараёнлари гуруҳидан қатъий назар умумий бўлиши мумкин.

IV гуруҳда ҳам махсус кийимлар учун алоҳида гардероб лойиҳаланади.



1.11-расм. Гардероб бўлими схемалари



1.12-расм. Жавонлар билан жиҳозлар гардеробнинг счими

а-режавий элементлар; б-умумий кўриниш; в-йиғма бўлимли металл жавонлар;
г-кийимлар учун ёғочли жавонлар

Агар иш шароити юзасидан тўла қайта кийиниш зарурияти пайдо бўлмаса, II, III ва IV гуруҳларда кийимларнинг ҳамма хиллари учун умумий гардероб лойиҳаланади.

Ювиниш жойи махсус кийимлар гардероби ёки умумий гардероб ёнида лойиҳаланади. Душ ҳам гардероб билан қўшни хонада жиҳозланади. Душ хоналари ёнида душ олди хонаси лойиҳаланади. Барча кийимлар учун умумий бўлган гардероблар олдида кийимларни қайта кийиш жойи ҳам лойиҳаланади. Кўча ва уй кийимлари учун алоҳида, махсус кийимлар учун алоҳида гардероблар лойиҳаланадиган ҳолларда улар орасида душхона ва душ олди хонаси жойлаштирилади.

Ишга келувчи ипчилар кийимларини (кўча ва уй) етгач, душ олди хонасини четлаб ўтиб, махсус кийимлар гардеробига ўтадилар. Ишдан қайтгач эса душхона ва душ олди хонаси орқали кўча ва уй кийимлари гардеробига борадилар.

II ва III ишлаб чиқариш жараёنлари учун ёрдамчи биноларга кийимларни қуриштириш, чангсизлантириш, тоза ва ифлос ич кийимларини сақлаш, респиратор (чангдан нафас йўллариини ҳимоя қилувчи буюмлар) хоналарини лойиҳалаш талаб этилади.

Шундай қилиб, гардероб бўлимларини лойиҳалашда ишга келувчи ва ишдан қайтувчи ишчилар оқимини аниқ билиш, кишилар орасидаги унрашувни қисқартиришга йўналтирилган ечимлардан фойдаланиш зарур.

Ҳар бир хона учун функционал жараёни аниқлагач, ишловчилар ва жиҳозлар сонини, бир киши ва жиҳозлар тўплами эгаллаган майдонни, ўтиш йўллари учун зарур бўлган юзаларни билиш зарур. Ҳар бир хонадаги ва хоналар орасидаги функционал жараёни белгилаб бўлгач, бутун ёрдамчи бино хоналарининг ўзаро алоқадорлик функционал схемаларини тузиш мумкин. Бу эса ўз навбатида бинонинг ҳажм режавий, конструктив ва меъморий-балний ечимларини ишлаб чиқиш учун хизмат қилади.

Ёрдамчи биноларнинг ҳажм-режавий ечимлари, одатда, бирхиллаштирилган қамровли схемалар ёки турланган режавий элементлар асосида ишлаб чиқилади. Бундай схемаларнинг сони 12(ёнида қурилган бинолар учун) ёки 18 м (алоҳида турган бинолар учун), узунлиги 36, 48, 60 м ва қаватлар сони иккидан-тўрттагача бўлади. Қаватнинг баландлиги 3; 3,3; 3,6; 4,2; 4,8 м қабул қилинади. Агар ошхона, йиғилиш ва мажлислар заллари 300 м² дан ортиқ бўлиб майдонларнинг 60% дан ортигини ташкил этса ёки баландликни талаб қилувчи жиҳозлар ўрнатилиши билан шартланган бўлса, бинонинг баландлиги 3,6 ёки 4,2 м қабул қилинади.

Қатор ёрдамчи биноларнинг (масалан, маъмурий) эни 15 м қабул қилинса, яна баъзи бир бинолар учун бу катталиқ 24, 36 м ва ундан ортиқ ҳам бўлади.


Бинолар даҳлизли (коридорли) ёки даҳлизсиз лойиҳаланиши мумкин. Даҳлизлар ва ўтиш йўлларининг энг кам ўлчами 1,4 (эвакуация талаб этилганда) ва 1,0 м (одамлар сонига кўра) қабул қилинади.

Курилиш меъёрлари талаблари бўйича ҳар бир бинода камида иккита эвакуация (чиқиш) жойи бўлиши зарур. Чиқиш эшиги билан энг узоқ хона эшиги орасидаги масофа бинонинг оловбардошлик даражаси билан белгиланади. Зинапоя катаклари ёки чиқиш эшиклари орасидаги хоналар учун энг узоқ чиқиш масофаси 20-50 м, бир томони ёпиқ даҳлизларда жойлашган хоналар учун бу масофа 10-25 м ни ташкил этади.

Саноат корхоналарида ёрдамчи бинолар таркибига кирувчи умумий овқатланиш маиший хоналари, тиббий ва маданий оқартув хоналари, цехлар жамоат ташкилотлари ва маъмурий хоналари, одатда, табиий ёруғлик билан таъминланади.

Ёрдамчи бинолардаги хоналарни ҳам жой-жойига ишловчилар учун қулай қилиб лойиҳалаш зарур. Масалан, ошхона, соғайтириш пункти, маданий-оқартув хоналари, гардероб-душхона бўлимлари биринчи қаватда, ўтиш йўлагига яқин жойда жойлаштирилади.

Гардеробларда кийимларни сақлаш илгакда (1.13-расм), ёпиқ индивидуал жавонда, аралаш ҳолда амалга оширилиши мумкин. Жавонлар очиқ ёки ёпиқ кўринишда бир ёки икки томонлама конструкцияда тайёрланади. Жавонлар бўлимларининг ўлчамлари қуйидагича қабул қилинади: чуқурлиги 500 мм, эни 200-500 мм, баландлиги 1650 мм; жавондаги бўлимлар сони 2,3,4,5. Жавонлар тайёрланадиган материаллар намга чидамли бўлиши зарур. Шунинг учун улар металлдан, пластмассалардан, намга чидамли пардози бўлган ёғочдан тайёрланади.



1.13-расм. Очиқ илгаклар билан жиҳозланган гардероблар схемаси

Гардероблар ўриндиқлар билан ҳам таъминланади (1а гуруҳ бунга кирмайди). Ўриндиқларнинг кенглиги 250 мм бўлиб, жавонлар қатори бўйлаб ўрнагилади. 16 ва 1а гуруҳлардаги ишлаб чиқариш жараёnlари мавжуд корхоналарда ёрдамчи хоналардаги ўриндиқлар жавонлар орасидаги ўтиш йўллариинг бир тарафига жойлаштирилади; қолган ҳолларда икки тарафига жойлаштирилади.

Жавонлар олд томонлари орасидаги масофа 1 м (ўриндиқлар бўлмаса); 1,4 м (ўриндиқлар бир тарафда жойлаштирилса) ва 2 м (ўриндиқлар икки тарафлама жойлаштирилса) қабул қилинди.


Гардероблар илгаклар билан жиҳозланадиган бўлса, 1 м узунликда 8 ёки 6 та илгак қабул қилинади. Илгак қаторлари орасидаги масофа хизмат ташкил этилганда 2 м, ўз-ўзига хизмат бўлганда 2,4 м олинади. Илгаклар тик текисликда жойлашганда бу масофалар мос ҳолда 1,2 м ва 1,5 м ни ташкил этади.

Қўл-юз ювгичлар олатда гардероблар олдида жойлаштирилади. Уларнинг 40% миқдори эса ишлаб чиқариш цехлари ёнида иш жойларига яқин ерда лойиҳаланади. Маъмурий идора ходимлари учун қўл-юз ювгичлар ҳожатхонага киришдаги хонада жойлаштирилади.

Қўл-юз ювгич жўмраклари технологик жараённинг тавсифи ва энг кўп сонли смснадаги ишчилар сони бўйича аниқланади. Бунда ошхонадаги ва ҳожатхонадаги жўмраклар сони ҳисобга олинмайди. Жўмраклар орасидаги масофа 0,65 м, қатор жўмраклар ўртасидан ўтадиган йўлакнинг кенглиги 2 м, бир қатор жўмраклар ва девор орасидаги йўлакнинг кенглиги эса 1,5 м лойиҳаланади. Айлана қўл-юз ювгичлар қабул қилинганда бу масофа мос ҳолда 1,2 ва 0,9 м қабул қилинади.

Душларнинг сони ҳам қўл-юз ювгичлар сонидай аниқланади. Битта душ хонасида ўрнатиладиган душ турларининг миқдори 30 тагача қабул қилинади. Физик камчилиги бор шахслар учун индивидуал душлар лойиҳаланади (10% миқдорида).

Душ хонасида ҳар қаторда 6 ва ундан ортиқ дупл түри жойлаштирилса, душ қаторлари орасидаги соф масофа 2 м, дупл тури сони 6 тадан кам бўлса 1,5 м қабул қилинади. Девор билан душ қатори орасидаги ўтиш масофаси мос ҳолда 1,5 м ва 1 м қабул қилинади. Душ олди хоналари ўриндиқлар (эни 0,3 м, бўйи ҳар ўринга 0,4 м) билан таъминланади (1.14-расм). Уларнинг қаторлари орасидаги масофа камида 1 м қабул қилинади.




1.14-расм. Душ хонасининг счими ва жиҳозланиши

а-зал тизимидаги гарлеробда жойлаштириш; б-бўлимларга ажратилган душ хоначалари; в-умумий кўриниш

Санитарлик тугунлари (ҳожатхона) маиний хоналарда, бевосита цехларда (иш жойидан узоғи билан 75 м масофада) ёки очик майдонларда (иш жойидан узоғи билан 150 м масофада) жойлаштирилади. Кўп қаватли ишлаб чиқариш биноларининг ҳар қаватида ёки қават ташлаб (ҳодимлар сонига боғлиқ) ҳожатхона жойлаштирилади.

Санитарлик тугунда (1.15-расм) кириш жойида қўл-юз ювгич ўрнатилади. Ҳар тўртта ҳожатхона тувагига битта қўл-юз ювгич режалаштирилади. Ҳар 15 ишловчига битта тувак ўрнатилади.



1.15-расм.Санитария тугуни режаси

Ҳожатхона туваклари жойлашган қаторлар орасилаги масофа 2 м (туваклар сони 6 ва ундан ортик) ёки 1,5 м (туваклар сони 6 тадан кам) қабул қилинади. Бир томони девор бўлганда бу кенглик 1,3 м олинади. Кўп қаватли ишлаб чиқариш корхоналарида ҳожатхона бинонинг зинапоя катаклари ёнида лойиҳаланса, бир қаватли шундай корхоналарда у ертўла қисмида, болохонада ёки уралган ёпиқ хоналарда жойлаштирилади. Энг кўп сонли иш сменасида 15 ва ундан ортик аёл меҳнат қилганда, улар учун шахсий гигиена хоналари лойиҳаланади. Бундай хоналар аёллар ҳожатхоналари ёнида жойлаштирилади. Қаралаётган хоналар ечиниш жойи ($0,7 \text{ м}^2$ ҳар бир кишига) ва шу алоқа бўлимидан (ўлчамлари $1,8 \times 1,2 \text{ м}$ бўлган душ) иборат бўлади. Ҳар юзта аёлга 1 та душ бўлими қабул қилинади.

Умумий овқатланиш хоналаридаги ўринлар энг кўп сонли иш сменасидаги ишловчилар сонига боғлиқ (1.16-расм).

Ишчиларнинг ошхонага бўлишига 20 минут, буфетда бўлишларига эса 12 минут вақт ажратилади. Овқатланиш тизимини ҳисоблашда энг кўп сонли сменадаги 60% ишловчилар ошхонадан, 20% буфетдан, 10% овқат қабул қилиш хонасидан фойдаланишади ва қолган 10% кишилар таътилда ёки турли хил сабаблар билан йўқ деб қаради. Жойларни ҳисоблашда смена учун кўпи билан тўрт марта ўтирилади деб қаралиши мумкин. Баъзи ҳолларда корхонада битта танаффус овқатланишга деб қабул қилинади. Бундай ҳолларда ўтириладиган ўринлар сони сменадаги ишчилар сонига тенг деб қабул қилинади. Овқатланиш ўз-ўзига хизмат шаклида ташкил этилади.

нарсаси қўйиш жойи; 8-шамолатиш бўлими; 9-совутич хонаси; 10-шифокор бўлими; 11-диет ошхона; 12-даҳлиз

Ёрдамчи биноларда соғлиқни сақлаш хоналари ҳам жойлаштирилади. Масалан, корхонадаги ишлайдиганлар сони 300 дан ортиқ бўлганда фельдшерлик пунктлари лойиҳаланади.

Бошқариш учун мўлжалланган хоналарга раҳбар ходимлар кабинетлари (иш хоналари), йиғилишлар ва мажлислар зали, даҳлизлар, гардероблар, конструкторлик бюроси, ўқув машғулотлари ва жамоат ташкилотлари каби хоналар мисол бўлади. Кўпчилик ҳолларда бир ходимга тўғри келадиган майдон 4 м^2 қилиб олинади. Конструкторлик бюросида эса 1 кишига 6 м^2 майдон меъёрланган. Ўқув машғулотлари хонаси майдони ҳар кишига $1,75 \text{ м}^2$ ҳисобдан аниқланади.

Раҳбар таркибнинг кабинетлари майдони ишчи хоналар майдонига боғлиқ (10-15% чегарасила).

Мажлислар зали хонасининг (100 ўринлигача) аниқлашда бир ўринга $1,2 \text{ м}^2$ майдон олинади. Ўринлар сони 100дан ошса $0,9 \text{ м}^2$ қабул қилинади.

Ёрдамчи биноларнинг конструктив ечимларига ҳам ишлаб чиқариш бйноси ечимига ўхшаш талаблар қўйилади. Кўпинча ИИС-04 конструкциялар серияси қўлланилади. Устунлар тўри $6 \times 6 \text{ м}$ олинади. Каркаснинг барча элементлари темирбетондан тайёрланади. Устунлар кесими $300 \times 300 \text{ мм}$ бўлиб, бир ёки икки қаватлидир. Тўсинларнинг устунлар билан бирлашган тугунлари «ёпиқ рафақ» кўринишида бажарилади. Тўсинларнинг баландлиги 400 мм бўлиб, токчалардан иборат. Кўндаланг раманнинг устиворлиги элементларни тугунга бикр қилиб бирлаштириш орқали ҳал этилади. Бинонинг ҳарорат чоклари жуфт устунлар қабул қилиш йўли билан ҳал этилади.

Каркас устунлари бино ўқларига нулли усулда боғланади. Ташқи деворлар ўзини кўтарувчи ёки осилган конструкцияда бажарилади. Ташқи девор сифатида йирик панеллардан фойдаланиш гиштли деворга нисбатан ҳар бир м^2 юза учун 10% миқдорида фойда келтиради. Бино томлари чордоқли ва чордоқсиз конструкцияларда бажарилади.

Назорат саволлари

1. Ёрдамчи бинолар ва ёрдамчи хоналарнинг аҳамиятини тушунтиринг.
2. Саноеат корхоналарига маданий-маиший хизмат кўрсатиш тизими босқичларини тушунтиринг?
3. Умумий ва махсус хоналар нималардан ташкил топади?
4. Ёрдамчи биноларнинг хизмат муддати печа йил?
5. Ёрдамчи биноларнинг конструктив ечимини тушунтиринг?
6. Ёрдамчи биноларнинг умумий фойдали майдони қандай аниқланади?
7. Хоналарнинг умумий фойдали майдони қандай тақсимланади?

8. Ёрдамчи биноларни саноат биносига бирлаштириш йўллари тушунтиринг?
9. Саноат корхоналаридаги ишлаб чиқариш жараёни санитарлик тавсифномаси бўйича гуруҳларини тушунтиринг?
10. Ёрдамчи биноларда бўладиган функционал жараёнини изоҳланг?
11. Ёрдамчи биноларнинг ҳажм-режавий ечимини ишлаб чиқишни тушунтиринг?
12. Гардеробларни лойиҳалаш қоидалари қайсилар?
13. Кўл-юз ювгичларни, душхоналарни танлаш ва жойлаштириш қоидаларига нималар қиради?
14. Санитарлик тугунини изоҳланг?
15. Умумий овқатланиш хоналарини аниқлаш ва лойиҳалаш принципларини тушунтиринг?
16. ИИС-04 конструкциялар сериясини тушунтиринг?

6. САНОАТ ИНШООТЛАРИНИНГ МЕЪМОРИЙ-КОМПОЗИЦИЯ ЕЧИМЛАРИ

Инсон туғрида гамхўрлик қилиш, унинг меҳнат қилиши учун соғлом шароитларни таъминлайдиган атроф муҳитни яратиш давлатимиз сиёсатининг энг муҳим йўналиши ҳисобланади. Бу эса ўз навбатида, замонавий саноат корхоналари ва уларнинг мажмуаларини архитектуравий ечимларини ишлаб чиқиш йўналишларини аниқлаб беради.



Ҳозирги даврдаги саноат корхоналари ўзларининг ташқи қиёфалари билан баъзи жамоат биноларидан (масалан, маъмурий, илмий-тадқиқот муассасалари биноларидан) деярли фарқ қилмайди.

Бироқ бу яқинликни бадий ифодаларнинг ажралиб туриши билан аралаштирмаслик керак.

Саноат иншоотининг бадий ифодаси, энг аввало, у ердаги технологик белгилар билан аниқланади. Бу белгилар бинонинг ҳажм-режавий ва конструктив ечимларида ўз аксини топади (1.17-расм). Шунингдек, бинолар бадий ечимда давр мазмуни ҳам акс эттирилиши мақсадга мувофиқ ҳисобланади.

Иншоотларнинг ташқи қиёфасига технологик белгилар билан бир қаторда махсус вазифалар учун мўлжалланган муҳандислик иншоотлари (масалан, хампа, яъни бункер, эстакада...), технологик жиҳозлар элементлари ҳам сезиларли таъсир кўрсатади.

Саноат иншоотларининг кўринишлари фронтал-симметрик ва фронтал-ассиметрик композиция ечимларда ишлаб чиқилади. Кейингиси технологик жараёнлар учун қулайроқ ҳисобланганлиги сабабли кўпроқ қўлланилмоқда. Саноат иншоотларининг ҳажм-режавий ва конструктив ечимлари кўтарувчи ва тўсувчи конструкцияларнинг йирик шаклдаги элементларидан ташкил топганлиги билан тавсифланади ва композицияда ўз аксини топади.



1.17-расм. Нефтехимия саноат корхонаси мажмуининг меъморий-фазовий
ечими
а-тутун қувурлари ва очиқ технологик жихозлар билан;
б-градирнялар билан

Саноат иншоотлари кўнчилик ҳолларда узун бўлганликлари учун бир хил шаклдаги элементларни кўп марта такрорлашни тақозо этади. Бундай композицияларда ритмик, метрик қаторлар усулидан фойдаланилади. Фасадни ритмик бўлиш деворнинг деразали ва деразасиз қисмларини ёки том элементларини такрорлаш орқали амалга оширилади.

Лойиҳалашда архитектуравий иншоотлар конструктив элементларидан бадий мақсадларда ҳам фойдаланилади (тектоника). Алоҳида элементларнинг ўзаро пропорцияси ҳам бинонинг меъморий ифодасини яхшилашга хизмат қилади.

Замонавий бир қаватли саноат бинолари учун фасадларни ётиқ (горизонтал) бўлиш яхши композицияга эришиш имкониятини яратади. Баъзи биноларда фасадларни яхлит шипалаш ишлари бажарилмоқда, лекин бу ечимнинг ҳар тарафлама асосланган бўлиши талаб этилади.

Иншоотнинг меъморий ифодасини ошириш учун фасадда рангнинг кескин ўзгаришига (контраст) ҳаракат қилинади. Меъморий-композициявий ечимда фасаднинг баъзи конструктив элементларига диққат қилиш (акцент) усуллари ҳам ёмон натижа бермайди.

Саноат иншоотининг меъморий ифодаси шунингдек, кичик меъморий шакл бериш, материалга 3 қатлам фактура бериш, сунъий манументаль воситаларни қўллаш йўллари билан амалга оширилади.


Иншоотларнинг меъморий-бадий ифодасини шакллантиришда янги қурилиш материалларини қўллаш ҳам катта аҳамиятга эга ҳисобланади.

Саноат корхоналарида биноларнинг ташқи қиёфасига эътибор бериш билан бир вақтда уларнинг ички кўринишларига (интерьерига) ҳам диққат қилинади (1.18-1.21-расмлар).



Бинолар ичида барча қулайликлар, шарт-шароитларни яратиши, интерьерни замонавий усулда пардозлаш катта аҳамиятга эга. Бундай хоналарда ишловчиларнинг руҳияти кўтарилади, соғлиги йўқолмайди, кам чарчайди ва уларнинг ишлаб чиқарган маҳсулоти сифатли бўлади.

Бинолар интерьери ҳам технологик жараёндан, табиий-иқлим шароитларидан, метеорологик тартиблардан ва санитар-гигиеник талаблардан келиб чиққан ҳолда пардозланади. Бунда ички яхлитлик ва ташқи муҳит билан алоқа таъминланиши, конструктив элементлар, жиҳозлар, баъзида ишлаб чиқиладиган маҳсулотлардан ёруғлик, рангдан фойдаланишга эътибор берилиши лозим. Кейинги вақтларда ичкарида ҳар хил деворлар ва пардеворлар ўрнатишдан чекиниш ҳолатлари кузатилмоқда. Бу ҳолатлар эса ички фазовий бирлиكنи яратиш имкониятини бермоқда. Ритм, шакл, пропорция, масштаб, фактура, конструктив элементлар ва технологик жиҳозларга ранг ва ёруғлик бериш интерьернинг меъморий


қўриғишга ижобий таъсир кўрсатади. Шунинг учун бу усуллардан мақсадли фойдаланиш катта аҳамиятга эга.




1.18-расм. Шийпон (павильон) туридаги ишлаб чиқариш биносининг интерьери



1.19-расм. Интерьернинг фазовий қурилишига бинолар ёпма кўтарувчи элементлари турларининг таъсири
а-рама тўсияли ёпма; б-арра шаклидаги чорчўп; в-қобикли; г-гиперболик параболойда шаклидаги қобикларда



1.20-расм. Машинасозлик ва металлургия заводидаги цехларнинг ички
қурилиш вариантлари
а-йигма конвейер билан; б-станокли жиҳозлар билан



1.21-расм. Йирик устунлар тури билан тикланадиган бир қаватли универсал
саноат биносининг интерьери

Назорат саволлари

1. Иншоотларнинг меъморий композиция ечими деганда нимани тушунаси?
2. Иншоотнинг ташқи қиёфасини меъморий композициясини ечишда қайси усуллардан фойдаланилади?
3. Ритмик усулни тушунтиринг?
4. Тектоника деганда нимани тушунаси?
5. Контраст, акцент деганда нимани тушунаси?
6. Интерьернинг фазовий яхлитлигини таъминлаш масаласи қандай ҳал қилинади?
7. Ташқи муҳит билан алоқа ўрнатишнинг аҳамияти нимада?
8. Интерьерда ритм, шакл, пропорция, масштаблик деганда нимани тушунаси?

II ҚИСМ. ИНШООТЛАР КОНСТРУКЦИЯЛАРИ


7. КОНСТРУКТИВ ЭЛЕМЕНТЛАРНИ ЛОЙИҲАЛАШНИНГ УМУМИЙ ТАМОЙИЛЛАРИ

Иншоотларнинг тузилиши улар қайси мақсадларда мўлжалланганлигидан қатъий назар, маълум тартибда ўзаро боғланган бутун конструктив тизими, жумладан алоҳида олинган унсурларни мустаҳкамлиги, устиворлиги ва узоқ муддатга чидамлилигини таъминлай оладиган турли конструктив элементлар тўпламидан иборат (2.1-расм).

Конструктив элементлар ва уларнинг ўзаро бирлашув тўғунлари танқи кучларнинг қиймати, йўналиши ва бошқа таъсирларидан келиб чиққан ҳолда лойиҳаланади. Шунингдек, конструктив элементларни танлашда бинода бўладиган технологик жараёнлар, ҳаво муҳити ўлچовлари, ҳажм-режавий ечим ва шуларга мос конструктив ечим асос қилиб олинади.


Конструктив элементлар эксплуатация даврида рўй берадиган барча таъсирларга (2.2-расм) чидамли бўлишлари лозим. Улар саноатлаштириш ҳамда иқтисодий талабларни ҳам қондиришлари керак.

Бинолар ҳар қандай элементининг конструктив ечимини танлашда унинг вазифаси, бинодаги ўрни, таъсир этувчи ташқи кучлар аниқланиши, ташқи таъсирлар остида ҳосил бўладиган ҳодиса ва жараёнлар ўрганилиши, лойиҳалаш меъёрлари ва қоидаларига тўғри келувчи талаблар қўйилиши, мумкин бўлган ечим танланиши ҳамда баҳоланиши ва ниҳоят элементнинг энг сўнгги конструктив ечими қабул қилиниши, зарурий ҳисоблар ва техник-иқтисодий асослашлар амалга оширилиши мақсадга мувофиқ ҳисобланади.



2.1-расм. Темирбетон каркасли бир қаватли саноат биноси (фрагменти)нинг конструкцияси

1-устун ости пойдевори; 2-ўрта устун; 3-фонус; 4-чордоқ тўсини ости фермасы; 5-ёпма фермасы; 6-ёпма плитаси; 7-двор панели; 8-кран ости тўсини; 9-ташқи двор атрофи тушамаси; 10-пойдевор тўсини; 11-тик боғлама; 12-четки устун



2.2-расм. Каркас элементларига
ташқи таъсирлар
1-доимий юклар; 2-вақтинчалик
юклар; 3-ташқи ҳаво ҳарорати; 4-
иссиқлик зарбаси; 5-суюқлик ва
буг ҳолатидаги намлик; 6-салбий
кимёвий моддалар; 7-
микроорганизмлар; 8-адашган
тоқлар; 9-товуш

Бундан кўриниб турибдики, иншоотнинг қулай конструктив элементни излаш мураккаб вазифа бўлиб, бир неча мезонлар бўйича таҳлил қилишга асосланган. Кўп ҳолларда бундай ишларни бажаришнинг иложи бўлмай қолади. Шунда изланиш баъзи келишиладиган яъни, битта мезон бўйича яхши бўлмасада, мезонлар йиғиндиси бўйича қулай ҳисобланган ечимни танлашга қаратилади. Бу вазифани ҳал этиш ҳар тарафлама ва чуқур билимли бўлишни, жумладан ушбу фанни яхши ўзлаштиришни талаб этади.

Қурилиш техникасининг тарихий даврида бу муаммонинг қулай ечимини топиш ишлари бўйича талайгина тажрибалар тўпланган.

Лойиҳалашнинг биринчи босқичида бинода ишлатиладиган конструктив элементнинг вазифаси ва ўрни аниқланади.

Иккинчи босқичда лойиҳаланадиган унсурга уни тайёрлаш, тапиш, монтаж қилиш ва кейинги эксплуатация қилиш жараёнларида таъсир этадиган барча таъсирларни схемага солиш ва оддий таъсирлар тизими кўринишида тасвирлаш зарурияти туғилади. Бундай бажарилган ишлар ҳақиқатга яқин бўлиши зарур.

Ҳисобланадиган ечимни аниқ тизимга солиш, уни компьютердан фойдаланиб аниқлашга кирилишда элементга таъсир этадиган барча ташқи

таъсирларни юзага келиш табиати, таъсир вақти ва тавсифи бўйича таснифлашади.

Ташқи таъсирлар юзага келиш табиати бўйича қуйидагиларга ажратилиши мумкин:

1. Бинонинг умумий контруктив схемасида қаралаётган элементнинг ўрни билан аниқланадиган таъсирлар.

2. Хоналарни эксплуатация қилиш шароитлари ва уларда ўрнатилган технологик жиҳозларни ишлашдан пайдо бўладиган таъсирлар.

3. Элементларни тайёрлаш, монтаж қилиш ва қурилиши ишларини бажариш жараёнида ҳосил бўладиган таъсирлар.

Эксплуатация жараёнида таъсирлар бир мартали ёки такрорланадиган, бири иккинчисига қўшиладиган ёки қўшилмайдиган, сезилмас ёки жуда кучли бўлиши мумкин.

Қаралаётган конструктив элементларни ечишда асосий роль уйнайдиган барча таъсирларни аниқлаш бу босқичнинг бош вазифаси ҳисобланади.

Барча кучли ва кучли бўлмаган (ҳарорат, намлик, қуёш радиацияси,...) таъсирлар қаралаётган элементда ҳар хил деформациялар (шакл ўзгаришлар), кўчишлар, материалнинг физик-механик хоссаларини ўзгартиришларига олиб келиши мумкин. Булар барчаси қайтадиган ва қайтмайдиган тавсифда бўлиши мумкин.

Оқибатда биноларда ёриқлар ҳосил бўлиши, чокларининг очилиб қолиши, иссиқлик ўтказувчанлигининг кўтарилиши, коррозия жараёнининг ривожланиши, мустаҳкамликнинг камайиши, чидамлилигининг пасайиши каби ҳоллар рўй беради. Нагижа эса конструкцияларнинг эксплуатациявий сифати ёмонлашганлигини, хизмат муддати камайганлигини билдиради.

Таъсирларни турли ҳилда бирлашиши, бирини иккинчисига қўшилиши натижасида конструкция ишлаши учун жуда қулай шароит яратилиши ёки яратилмаслиги мумкин.

Ҳосил бўлиши, такрорланиши ва устма-уст тушишини ҳисобга олувчи таъсирларнинг асосий кўринишлари билан шартланган барча оқибатларни аниқлаш конструкциялаш **учинчи босқичининг** асосий вазифаси ҳисобланади.

Тўртинчи босқичда конструкцияланаётган элемент қаноатлантирадиган талаблар қўйилади. Бу талаблар хизмат қилиш шароитларидан келиб чиқади. Талаблар руҳсат этилган чекинишларни хизмат муддатини, ишлатиш сифатини, эстетик сифатини ва саноатлаштириш даражасини кўрсатади.

Қўйилган талаблар эса ўз навбатида элементнинг мустаҳкамлиги, устиворлиги, ҳимоялаш қобилияти, узоқ муддатга чидамлилиги, оловбардошлиги, гигиениклиги, бадий ифодаси, техник-иқтисодий мақсадга мувофиқлигини аниқлайди.

Барча таъсирлар топилган ҳолда схемага солиниб, уларнинг оқибати аниқлангач, элементларга қўйиладиган талаблар маълум бўлган энг сўнгги бешинчи босқичга, яъни турли вариантларни солиштириш орқали уйланган

конструкцияни ва унда фойдаланиладиган материалларни танлашга ўтилади. Айниқса мана шу масалани ечишда мутахассиснинг касбий гайёргарлиги, тажрибаси ва ижодий қобилиятлари зарур бўлади.

Юқорида элементларни конструкциялаш услубининг умумий жиҳатлари кўриб чиқилди. Конструкциялаш билан боғлиқ бўлган барча аниқ масалалар «Қурилиш конструкциялари» фанида чуқур ўрганилади.

Назорат саволлари

- 1) Иншоотарнинг тузилиши нимадан иборат?
- 2) Конструктив элементларни лойиҳалаш ва танлашда нималарга таянилади?
- 3) Конструкцияларни танлашда қанақа меъзонлар бор?
- 4) Конструктив элементларни лойиҳалаш босқичларини тушунтиринг?
- 5) Конструкцияларни лойиҳалашнинг иккинчи босқичида нима иш бажарилади?
- 6) Конструкцияларни лойиҳалашнинг якуний босқичи нимадан иборат?


8. ИНШОЛАРНИНГ КАРКАСЛАРИ. БИР ҚАВАТЛИ САНОАТ БИНОЛАРИНИНГ ТЕМИРБЕТОН КАРКАСЛАРИ.

Бир қаватли саноат биноларининг каркаслари, одатда, устунлар ва ёпмаларнинг кўтарувчи конструкцияларидан иборат бўлган кўндаланг чорчўп (рама)лар ва бўйлама элементлар: пойдевор, кран ости, боғлама тўсинлари, тўсин ости конструкциялари ҳамда ёпма плиталардан ташкил топади (2.1-расм).


Каркас материали у қабул қиладиган кучли ва кучли бўлмаган таъсирлар тавсифи, оралиқлар ўлчамлари, устунлар қадами, бино баландлиги, қурилиш жойи, ўтга чидамлилиқ талаблари ҳамда техник-иқтисодий кўрсаткичларга асосланиб қабул қилинади. Замонавий қурилиш саноатида асосан йиғма темирбетонли каркаслар ишлатилади.

Каркас устунлари. Устунлар кўприк кранли ва крансиз бинолар учун мўлжалланади. Конструктив ечими бўйича бир шохли ва икки шохли устунлар тайёрланади. Бинода жойлашган ўрни бўйича четки, ўрта бўйлама қаторлар ва четки кўндаланг қаторларда қўлланиладиган устунлар мавжуд (2.3-2.4-расмлар).

Пол тўшамасидан кўтарувчи ёпма конструкциялар пастги сатҳигача баландлиги 9,6 м гача бўлган кўприк крансиз биноларда қўлланиладиган устунларнинг кесими 400х400, 500х500, 600х500 мм қабул қилинади. Кесими 400х400 мм бўлган ўрта қаторлар устунлари устида тўсинлар таянишини яхшилаш мақсадида махсус рафақлар лойиҳаланади. Крансиз бино баландлиги 9,6 м дан ошса, бу вақтда кранли бинолар учун мўлжалланган устунлар ишлатилади.



2.3-расм. Бир қаватли ишлаб чиқариш биноларининг темирбетон устунлари
а-бир шохли тўртбурчак кесимли – четки ва ўрта; б-шундай, икки шохли



2.4-расм. Йиғма темирбетон
устунда пўлатли деталларни
жойлашуви

1-пўлатли тахтача зулфинлар
билан;

2-кран ости тўсинини
маҳкамлаш детал;

3-устунни кутариш учун
кувурча;

4-кран ости тўсинини
таянтириш учун пўлатли таянч
тахтача;


5-ташқи деворни маҳкамлаш
учун мўлжалланган элементлар

Кўприк кранли биноларда қўлланиладиган устунлар кран усти ва кран ости қисмларидан иборат. Ўрта қаторларнинг устунлари иккитадан, четги қаторларнинг устунлари биттадан рафаққа эга бўлади. Четки ва ўрта қаторлар устунларнинг қадами 6 м бўлганда уларнинг кесими 400х600 ва 400х300 мм, 12 м бўлганда эса 500х800 мм қабул қилинади.

Кранлар юк кўтариши 30 т гача ва бино баландлиги 10,8 м дан ошганда икки шохли устунлар ишлатилади. Улар боскичли ва боскич-рафақли бўлиб, мос ҳолда четки ва ўрта қаторлар устунлари сифатида қабул қилинадилар. Устунлар баландлиги 10,8 дан 18 м гача бўлади.

Устунни 0 белгидан пастга чуқурлаштириш катталиги уни хили ва баландлиги, кранларнинг юк кўтариш қобилияти, пол сатҳидан пастда хоналарнинг мавжуд бўлишлигига боғлиқ ҳолда қабул қилинади. Осма жиҳозлари бўлган ёки бўлмаган биноларда устунларнинг чуқурлаштириш катталиги 0,9 м олинади. Кўприк кранли биноларда тўғри тўртбурчак кесимли устунлар қабул қилинса, чуқурлаштириш катталиги 1,0 м; икки шохли устунлар қабул қилиниб, уларнинг баландлиги 10,8 м бўлса-1,05 м; 12,6 - 18 м бўлса-1,35 м; юк кўтариши 50 т дан ортиқ кран лойиҳаланган бўлса, 1,6 м қабул қилинади. Устунларнинг ижобий конструктив ечимларига шилиндрик кўринишдагилари мисол бўлади. Бу ечимни қўллаш бетон сарфини 30-50%, пўлат - 20-30% га камайтириш имкониятини яратди.

Устунлар ости пойдеворлари. Устунлар ости пойдеворларига сарф бўладиган бстон ҳажми саноат биноси учун ишлатиладиган умумий бетоннинг 20-35% ни, нархи эса бино нархининг 5-20% ни ташкил этади. Демак, пойдеворлар конструкцисини асосли танлаш катта аҳамиятга эга. Саноат иншоотларида қуйма ва йиғма пойдеворлар ишлатилади (2.5-расм).



2.5-расм. Ишлаб чиқариш биноларининг темирбетон пойдеворлари

1-пойдеворлар турлари: а-куйма; 6-йигма; в-шундай, кавклар билан; г-козққли; II-пойдевор тўсинлари; III-пойдевор тўсинларини таянтириш, бунда а-йигма устунча орқали, 6-чиқиб гурувчи арматура орқали; в-устунлар қатори ташқи томони бўйича: 1- устунча; 2- пойдевор; 3- пойдевор тўсини; 4- бетон қатлам; 5-ташқи девор; 6- ташқи девор атрофи тўшамаси (отмостка); 7-қумли ски шағалли тўкма

Пойдеворлар қалинлиги 100 мм ли шагали (қуруқ грунтларда) ёки бетонли (нам грунтларда) тайёрламалар устида ўрнатилади. Битта пойдеворлар бўлимига тўрттагача (ҳарорат чоки жойларида) устун ўрнатиш мумкин.

Массаси 12т гача бўлган бир бўлимли пойдеворлар заводларда йиғма ҳолда, бошқа ҳолатларда эса қурилиш майдончасида қўйма тарзда тайёрланади. Йиғма пойдеворларга ҳамма вақт ортиқча бетон ва пўлат сарфланишини унутмаслик керак.

Пойдевор устки сатҳининг белгиси пол белгисидан 150 мм пастда бўлиши керак.

Каркас устунини пойдевор билан бирлаштириш, одатда, бикр тугун қўрилишида бажарилади. Бунинг учун устун пойдеворда лойиҳаланган махсус жойга (станкага) қўйилади ва атрофидаги бўшлиқ поналар билан вақтинча зичлангач, бетонланади.

Пойдеворлар тўсинлари. Иншоотнинг ташқи ва ички ўзакларини қўтарувчи деворлари пойдеворлар устида ўрнатилади. Деворлар юклари пойдеворлар тўсинлари орқали пойдеворлар зинасига ўрнатилган махсус устунчаларга узатилади.


Асосий пойдеворлар тўсинлари баландликлари, устунлар қадами 6 м бўлганда 450 мм, 12 м бўлганда 600 мм қабул қилиниб, энлари 260, 300, 400 ва 520 мм ни ташкил этади (2.5-расм). Бу ўлчамлар саноат бинолари учун кенг тарқалган деворлар қалинликларига мос тушади.

Пойдеворлар тўсинларининг кесимлари тавр, трапедия ва тўғри тўртбурчак шаклида ишлаб чиқарилади.

Тўсинларнинг устки сатҳлари пол сатҳидан 30-50 мм пастда, текисланган ер сатҳидан эса тахминан 150 мм баландда туриши лозим. Тўсинлар бўйлаб намдан муҳофазалаш ишлари бажарилади. Бино атрофида тўсинлар бўйлаб отмаска ўрнатилади.

Боғловчи тўсинлар. Бундай тўсинлар бино баландликлари ўртасида фарқ бўлган ҳолларда ташқи деворларни ўрнатиш (улар кичик элементлардан йиғилган бўлганда) мақсадида қўлланилади. Боғловчи тўсинларнинг узунлиги 6 м, баландлиги 600 мм, эни эса 250, 300 мм ва бошқа ўлчамларда лойиҳаланиши мумкин.

Темирбетон кран ости тўсинлари. Куприк - кранлар ҳаракатланадиган релсларни таянштириш учун хизмат қилади. Кран ости тўсинлари шунингдек бинонинг узунлиги бўйича унинг фазовий бикрлигини таъминлайди (2.6-расм).



2.6-расм. Темирбетон кран ости тўсинлари

а-оралиғи 6 м; б-оралиғи 12 м; в-кран ости тўсинини устунга таянтириш; г-рельсни тўсинга маҳкамлаш; 1-устунлар ичига ўрнатилган деталлар; 2-шундай, кран ости тўсининики; 3-пулат тахтача; 4-пулат булакча; 5-рельсни маҳкамлаш учун тешиклар; 6-рельс; 7-резинали қистирма; 8-болт; 9-тўсин; 10-пулат қистирма


Темирбетонли кран ости тўсинлари тавр-трапеция ёки қўш-тавр шаклида тайёрланади. Бундай тўсинлар устунлар қадами 6 ва 12 м, қўприк-краннинг юк қўтариши 30 т гача бўлганда қўлланилади. Тўсинларнинг пастки қисми устуннинг рафақига болтларга тортиш ва пайвандлаш орқали, устки қисми эса устунга (олдиндан ўрнатилган пулатга) пайвандлаш йули билан маҳкамланади. Кран ости тўсини устидан қалинлиги 8-10 мм бўлган резина тасма ётқизилгач, рельс ўрнатилади ва тўсинларда қўйилган тешиклардан ўтказиладиган болтлар билан махсус қисувчи лапкалар ёрдамида уларга маҳкамланади. Юк қўтариши 10-30 т бўлган кранлар остига Р-43, КР-70, КР-80 маркали рельслар қўлланилса, 5-10 т бўлганда - Р-38 маркалининг мақсадга мувофиқ келадди.

Био четларида кран ости тўсинлари устига кранин тўхтатувчи тўсиқлар ўрнатилади.

Саноат бинолари том ёпмаларининг қўтарувчи конструкциялари тўсинли, тўсин остида қўйиладиган ёки ёпманинг тўсувчи қисми қўтарувчи элементлардан ташкил топган бўлиши мумкин.

Тўсинли қўтарувчи конструкциялар текис (тўсин, ферма, равоқ ва чорчўп) ва фазовий (қобиқли, букланган, гүмбазли, қуббали, осма) тизимлардан иборат.

Темирбетон тўсинлар (2.7-расм) оралиқлари 6, 9, 12 ва 18 м бўлган саноат биноларини ёпишда ишлатилади. Тўсинлар бир нишабли, икки нишабли ёки параллель белбоғли бўлиши мумкин. Оралиқлари 6, 9, 12 м бўлганда тўсинлар қадами 6 м, оралиқлари 18 м бўлганда - 6 ёки 12 м қабул қилинади. Осма транспорт бўлган барча ҳолларда тўсинлар қадами 6 м қабул қилинади. Тўсинлар, одатда олдиндан зўриқтирилган темир бетонлардан тайёрланади.



2.7-расм. Йиғма темирбетон ёпма тўсин ва фермалар
а-чортоқли тўсинлар; б-фермалар; в-ёпма тўсинини устунга маҳкамлаш детали
1-тўсин; 2-ёпма плитани пайвандлаш учун пўлатли деталь; 3-тапиқи деворни
пайвандлаш учун пўлагли деталь; 4-тўсиннинг таянч тахтачаси; 5-устуннинг таянч
тахтачаси; 6-зулфинли болт; 7-устун

Тўсинлар вазнини енгиллаштириш ва улар эгаллаган фазода муҳандислик тармоқларини жойлаштириш мақсадида фойдаланиш учун тўсинлар деворларига тешиклар лойиҳаланиши мумкин.

Бир нишабли тўсинларнинг қиялиги қуйидагича лойиҳаланади: оралиқ 6м бўлганда 1:10, 9м бўлганда 1:15, 12м бўлганда 1:20. Икки нишабли тўсинларнинг устки қиялиги 1:12 ни ташкил этади.

Устунлардан чиқарилган зулфинли болтлар ёпма тўсинларининг таянч қисмларига ўрнатилган пўлат тахталарнинг тешикларидан ўтказилади ва уларга винт (мурват) буралади. Шу йўл билан улар бир-бирларига маҳкамланади.

Темирбетон фермалар (2.7-2.8-расмлар), одатда 18,24 ва 30 мм оралиқларда қўлланилади. Улар 6 ёки 12мм қадам билан жойлаштирилади. Оралиқлари 24 ва 30 м бўлган биноларда фермалардан фойдаланиш тўсиқларга нисбатан 30-40% миқдорда материални тежашга имкон беради.

Саноат қурилишининг замонавий амалиётида сегментли фермалар кенг тарқалди. Фермалар ҳам тўсинларга ўхшаб олдиндан зўриқтирилган темир бетондан тайёрланади.


Темирбетон равоқлар (аркалар) ни оралиғи 40 м ва ундан кўп бўлган ҳолларда қўллаш мақсадга мувофиқ. Улар ошиқ-мошиқсиз, икки ёки уч ошиқ-мошиқли бўлиши мумкин. Уларга таянч бўлиб бинолар устунлари ёки махсус пойдеворлар катта оралиқларда хизмат қилиши мумкин (2.9-расм).

Бинонинг том қисми ечимини мураккаблаштирилганлиги учун уч ошиқ-мошиқли равоқлар амалиётда унча кенг тарқалмади. Қурилиш ва эксплуатация даврлари учун қулай бўлган икки ошиқ-мошиқли равоқлар кўп қўлланилади. Бу хил равоқларда ҳосил бўладиган бўйлама кучларни махсус тортмалар қабул қилади ва таянчга узатади. Ошиқ-мошиқсиз равоқлар учун қувватли пойдеворлар ўрнатилиши зарур бўлади.


Амалиётда асосан йигма равоқлардан фойдаланилади. Узун равоқлар қурилиши майдончасида калта элементлардан йиғилиб, ҳосил қилинади.

Темирбетон чорчўплар (рамалар) бир оралиқли ва кўп оралиқли қилиб ўрнатилади. Улар йигма ёки қўйма вариантда тайёрланади.


Чорчўплар геометрик ўзгармаслиги ва бикрлиги тугунларда таъминланган ўзакли конструкциядан ташкил топган (2.10-расм).



2.8.а-расм. Ёпмаларнинг темирбетон фермалари
а-қия тирговучсиз; б-сегментли қия тирговучли




2.8.б-расм. Йиғма темирбетон фермалар
а-пишабли ёпмасы булган бинолар учун; б-ясси томли бинолар учун; в-ёпманинг
умумий кўриниши; г-иккита ярим фермадан иборат равоқ; 1-қўшимча устунча; 2-ёпма
плита; 3-чордоқли ферма; 4-чордоқ ости фермасы



2.9-расм. Темирбетон равоқ(арка)лар

а-икки шарнирли; б-шарнирсиз, пойдеворга таянган; в-шарнирсиз, устунларга таянган: 1-равоқ бўлими; 2-таянч тўсин; 3-осма; 4-тортма; 5-ёппа плита; 6-каркас устун; 7-фазовий турдаги осилган ёппа



2.10-расм. Темирбетон чорчўп (рама)лар
а, в-бир оралиқли қўйма; б-кўп оралиқли йиғма


Чорчўп элементларини тугушларда бикр улаш ёпиладиган оралиқнинг ўлчагини ошириш имконини беради.

Қобиклар эгри чизиқли сиртларга эга бўлган фазовий юпка конструкциялардир. Уларга қисқа ва узун цилиндрик қобиклар, икки хил эгри чизиқли сиртдан ташкил топган қобиклар, призмали қобиклар букламаларни мисол келтирса бўлади. Текис ўзакли конструктив тизимдан фарқли ўларок, қобикларда фазовий кучланганлик ҳолати ҳосил бўлади ва шунинг учун булар кўпчилик ҳолларда иқтисодли ҳисобланади. Афзалликларидан яна бири шундан иборатки, бу конструкцияларда юк кўтарувчи ва тўсувчи элементлар ўзаро бирлашади. Шу сабабли материал иқтисод бўлади, мустаҳкамлик ва бикрлик ошади, оралиқни кенгайтириш учун имконият яратилади.

Қобикларни тайёрлаш ва тиклаш жараёнида ссрмеҳнатлилик талаб этилиши уларнинг камчилиги ҳисобланади.



Цилиндрик қобиклар 24-48 м ли оралиқларни ёпиш учун ишлатилади. Улар йиғма ва қўйма усулда тайёрланади. Қобиклар четлари билан устунларга ўрнатилган диафрагмалар (тўсинлар) га таянади.

Цилиндрик қобиклар бир ёки кўп оралиқли, бир ва кўп тўлкинли конструкцияларда бўлиши мумкин. Қобик тахталарининг режадаги ўлчамлари 3х6 ёки 3х12 м бўлиши мумкин (2.11-2.12-расмлар).



2.11-расм. Юпқа деворли фазовий конструкциялар

а-уzun цилиндрик қобик; б-қиска цилиндрик қобик; в-иккита мусбат эгриклик қобик; г-режаси квадрат булган мусбат гаусс эгриклик қобик; д-гулкниги гумбат; е-гиперболик параболоида шаклидаги қобик




2.12-расм. Йиғма темирбетонли қиска қобик

а-умумий кўриниши; б-туташув тўғриси:

1-ферма-диаграмма; 2-ёнма плита; 3-бетон пона; 4-ён элемент

П-1 ва П-2 қобик панеллари қалинликлари 40 ва 50 мм бўлиб, четки элементлари ўлчамлари 800х1300 мм, бирлаштирувчи қовурғалар баландлиги эса 250мм дан иборат (2.13-расм). Цилиндрик қобикларни қия ўрнатиш асосида фонусли қобикларни ҳосил қилиш мумкин.




2.13-расм. Букланган ёпмалар
а-кундаланг қирқим; б-йигма элементлар;
П-1-буклама элементи; 1-айлана дераза;
П-2-буклама элемент; 2-қия шишаланган

Букланган турдаги конструкциялар иншоотлар оралиқлари 18-36 м, устунлар қадами 12 м бўлган ҳолларда қўлланилади. Цилиндрик қобиқлардан кўра текис элементлардан тайёрланган букламалар саноатлироқ ҳисобланади. Шунинг учун буларни тайёрлаш, ташиш ва монтаж даврида нисбатан камроқ меҳнат сарфланади.

Букламалар четки тўсин, равоқ-диафрагма ва уч турдаги қовурғали (баландлиги 200 мм) тахталардан иборат. Устун қадами 12 м бўлганда, тўлқин бўйлаб букламалар ўлчамлари 3х6 м бўлган тўртта элементдан йиғилади.

Қовурғаларига кран йўлларини осийш мумкин. Текис элементлардан қўрилган букламалар бетон қўйилиб ўзаро бирлаштирилади. Томнинг бикрлилиги элементларни бир-бирига пайвандлаш ва сўнгра бетон қўйиб маҳкамлаш йўли билан амалга оширилади.

Гумбаз (қубба) лар режада айлана шаклда бўлган саноат биноларини ёпиш учун ишлатилади. Гумбазлар (2.14-расм), одатда, қўйма (текис) ёки йигма (қовурғали) конструкцияда қўрилади. Амалиётда қўлланилган гумбазлар тахталарининг қалинлиги 30мм ташкил этади. Гумбазли томлар қобиқдан ва ҳалқа таянчдан иборат бўлиб, бошқа хилдаги қобиқли конструкциялардан арзон ҳисобланади. Текис гумбазлар билан бир қаторда, амалиётда бошқа гумбазлар ҳам қўлланилади. Бундай конструкцияларни тиклаш учун панжарали тўртбурчак, учбурчак, олтибурчак ва ромб кўринишидаги панеллардан фойдаланилади. Тепада сиқувчи кучларни қабул қилиш учун очик ҳошияловчи ҳалқа қўйилади. Пастги ҳалқа чўзувчи кучларни қабул қилишга мўлжалланади.



2.14-расм. Йиғма темирбетонли гумбаз
а-сирғи радиал кесилган элементлардан иборат; б-сирғи радиал-ҳалқа шаклида кесилган
элементлардан иборат;
1-устки таянч ҳалқа; 2-остки таянч ҳалқа; 3-гумбаз элементи

Крансиз ёки 5 т.гача юкни кўтаришга мўлжалланган кранлардан фойдаланиладиган саноат биноларини ёпиш учун қиялама қобиқлар ҳам ишлатилади. Бундай конструкциялар устунлар тўри 18х18-36х36 м бўлган бинолар учун мақсадга мувофиқ келади. Қобиқлар йиғма элементлардан иборат бўлиб, махсус ферма, равоқ ёки деворларга таянади. Қобиқнинг асосий қисми сиқилишга, бурчак бўлимлари эса чўзилишга ишлайди. Қобиқ ўлчамлари 3х6 м бўлган тахталардан (қалинлиги 30-50 мм, диагональ қовурғалари баландлиги 200 мм) йиғилади.

Тахталардан чиққан арматураларни узаро ҳамда булар бирлашадиган фермаларга ўрнатилган металлارга пайвандлаш, сўнгра бетонлаш йули билан қобиқлар маҳкамланади.

Гиперболик параболада шаклидаги қобиқлар (қўш манфий эгрилик) ҳаттор афзалликлари билан бошқаларидан фарқ қилади. Меъморий имкониятининг кенглиги, кичик ҳажм ва тўғри-ясовчи бўлганлиги шулар жумласидандир.

Бундай конструкциялар устунлар тўри 18х6, 24х6 м ва ҳоказо тўртбурчак, 18х18, 24х24, 30х30, 42х42 м ва ундан катта квадрат бўлган саноат биноларида томларни ёпиш учун ишлатилади. Кўтарувчи-ташувчи жиҳозларни жойлаштириш учун имконият бор.

Устунлар тўри 30х30 м ли саноат биносиди турли сим билан арматураланган қалинлиги 35-40 мм, қовурғаларининг баландлиги 120 мм, режадаги қамрови 3х3 м бўлган тахталардан фойдаланилади. Чоклар пайвандланади, сўнгра бетонланади.

Оралиги 30 м келадиган фермаларга қобиқлар чеккалари бўйлаб миндирилади ва маҳкамланади.

Иқтисодий афзалликлари метални иқтисод қилиш билан, камчиликлари эса тайёрлашнинг сермеҳнатлилиги билан тавсифланади.

Гумбазлар оралиқлари 100 м ва ундан ортиқ бинолар томларини ёпиш учун ишлатилади. Конструкцияларнинг энг яхши хусусиятларидан бири таянчларга узатиладиган тортқичнинг борлиги ҳисобланади.

Гумбазлар бевосита пойдеворларга ёки бионинг тик кўтарувчи конструкцияларига таянади.



Тўлқинли элементлардан йиғиладиган биринчи гумбаз 1920 йилда Францияда Э.Фрейссине томонидан лойиҳаланган ва у раҳбарлигида қурилган эди. Бу гумбазнинг оралиги 80,7 м, баландлиги 54 м ва узунлиги 300 м ни ташкил этган. Қўлланилган тўлқиннинг узунлиги 7,5 м, баландлиги 3-5,4 м. Ушбу эллингнинг қобиғи 40 та тўлқиндан иборат бўлиб, бир звено қолинлар (ҳаракатланувчи хавозада силжийдиган) ёрдамида бетонлаштирилган эди.

Ленинград уйсозлик комбинатини ёпишда оралиги 100 м бўлган гумбаз қурилган. Бу гумбаз устки тасма ва пулат илгаклар ёрдамида маҳкамланган иккита олдиндан зуриқтирилган тортқичлардан ташкил топган. Устки тасма ўн битта оралиқ ва иккита таянч темир бетон бўлимдан йиғилган. Бўлимнинг режадаги ўлчами 7,5х8,36 м бўлиб, у чекка тўсинли элементдан иборат цилиндрик қобиқ шаклига эга. Бўлимлар орасида қалинлиги 60 мм бўлган текис диафрагмалар ўрнатилган. Гумбазнинг элементлари арматуралар орқали пайвандланиб, бетонлаштирилган.


Равоқли гумбазлар тўсин ости конструкциялари ёки пойдеворлар тўсинларига таянтирилади. Равоқлар икки хил, яъни ўртада ва узунлиги ҳамда катта қиялик бурчаги 50-60 градус билан фарқ қиладиган, четда қўйиладиган элементлардан йиғилади.

Пойдевор тўсинларига таянадиган равоқлар қўлланилганда қурилиш нархи 15-20%, пулат сарфи 10-15% ва бетон 35-40% камаяди.


Осма том ёпмалар (2.15-2.17-расмлар) асосан катта оралиқли бинолар томларини ёпиш учун қўлланилади.



2.15-расм. Осма конструкциялар
а-панелли осма ёпмалар; б-панелли тортма ёпмалар



2.16-расм. Эгилувчан вантали осма темирбетон қобиклар



2.17-расм. Марказий таянчли осма ванталар

1-қуйма бўлим; 2-диаметри 65 мм ли ванталар; 3-пойдеворлар ўқи; 4-марказий тахирч ўқи; 5-иситувчи; 6-ҳалка чоки арматураси; 7-ёпма плита

Бу конструкцияларнинг афзалликлари қуйидагилар: асосий юк кўтарувчи пўлат арқонлар (трослар) фақат чўзилишга ишлаганлиги сабабли, уларнинг кесимларини фақат мустаҳкамлик шартларидан келиб чиққан ҳолда лойиҳаланади. Осма томлар монтаж қилиш учун содда ҳисобланади, бино режаси шакллари турлича бўлганда ҳам бундай конструкциялар бемалол қўлланилади. Конструкцияларнинг фазовий бикрлигини таъминлаш қийинлиги, тортқичларни қабул қилувчи таянч қисмларининг мураккаблиги осма том ёпмаларнинг камчиликлари ҳисобланади.


Улар икки гуруҳга бўлинадилар: туташган ва туташмаган контурли конструкциялар. Конструктив схемаси бўйича осилувчи ёки осма, текис ёки фазовий, бир ёки кўп оралиқли бўлади.

Арқонлар бўйлаб йиғма темир бетон плиталар ётқизилади. Деформацияни камайтириш мақсадида бетонлашдан олдин (юк ортиш йўли билан) ёпма олдиндан зўриқтирилади. Саноат қурилишида чодир тўридаги осма пўлат арқонли конструкциялар кенг тарқалган. Мисол сифатида Красноярск шаҳрида қурилган 78м оралиқли гаражни келтириш мумкин. Киевдаги автобус паркиннинг оралиғи 161м дан иборат (2.17-расм). Айлана шаклидаги бу конструкция ҳалқа бўйлаб баландликлари 18 м келадиган 84 та устунга таянади. Бино ўртасида диаметри 8 м ва баландлиги 18 м келадиган темир бетон минора ўрнатилган бўлиб, марказий таянч вазифасини ўтайди. Зулфинли болтлар ёрдамида минорага марказий пўлат ҳалқа маҳкамланган. Тўртбурчак шаклидаги режага эга бўлган биноларда бундай конструкцияларни қўллаш унча самарали бўлмайди, чунки бунда тортқични қабул қиладиган махсус таянч қурилмаларни яратиш зарурияти туғилади.

Чордоқ ости тўсини (2.18-расм) конструкцияларни устунлар қадами каркас тўсинлари қаламидан ортиқ бўлган ҳолда қўлланилади. Улар баландлиги 1500мм бўлган тўсин ёки баландлиги 2200 ва 3300 мм бўлган ферма шаклида лойиҳаланади. Чордоқ тўсини ушбу конструкциянинг пастги белбоғига таянади.




Том ёпмалар тўсувчи қисмларининг кўтарувчи элементлари сарров (прогон)ли ва саровсиз конструкцияларда бажарилади. Сарровсиз конструкциялар йирик панеллардан иборат бўлиб, амалиётда кенг қўлланилади. Сарровли конструкциялар иситилмайдиган хоналарда уларнинг устидан асбестцементли ёки шиша толали тунукалар бевосита ётқизиладиган ҳолларда ишлатилади.

Темир бетондан тайёрланган том ёпма плиталарининг ўлчамлари 3х6, 1,5х6, 3х12, 1,5х12 м қабул қилинган. Кейинги вақтларда бу ўлчамларни оширишга эътибор берилмоқда. Енгил бетонлар асосида тайёрланадиган плиталар ўлчами 1,5х6 м ни ташкил этади. Бундай плиталарнинг аниқ шартлар бўйича конструкциялари темирбетон конструкциялари фанида ўрганилади.



2.18-расм. Темирбетонли чордоқ ости тусини ва фермаси

а, б-конструктив схемалар, в-умумий кўриниш: 1-тўсин; 2-ферма; 3-плитани маҳкамлаш учун ўрнатма деталь; 4-фермани маҳкамлаш учун ўрнатма детал



2.19-расм. Тик боғламалар


1-тик хочли боғлама; 2-диафрагма; 3-тортма; 4-ёпманинг кўтарувчи конструкциялари; 5-ўрнатма деталлар; 6-деформация чоки ўқи; 7-металли тахтача; 8-устун

2.20-расм. Ёпмада боғламаларни жойлаштириш схемаси

а-тўсинли конструкцияда; б-фермали конструкцияда: 1-устун; 2-тўсин; 3-ферма; 4-ёпма плита; 5-боғламали тик ферма; 6-боғлама тортқич

Барча турдаги йирик ўлчамли плиталар бурчакларига қўйилган метал деталлар билан кўтарувчи тўсинларга ўрнатилади ва тўсинлар устки белбоғларининг белгиланган жойларига ўрнатилган металл деталларига маҳкам пайвандланади.

Боғламалар саноат биноларининг бикрлигини таъминлаш, ётиқ кучларни қабул қилиш ушун хизмат қилади. Амалиётда тик ва ётиқ боғламалар қўлланилади (2.19-2.21-расмлар). Биринчиси устунлар ва том ёппа маҳсулотларнинг ўртасида ўрнатилади ва бино қарқасининг геометрик ўзгармаслиги ҳамда бикрлигини таъминлайди.



Барча ётиқ кучларни қабул қилиб, пойдеворга узатади. Тик боғламалар ҳар бир ҳарораг бўлимида устунлар қатори ўртасида ўрнатилади.

кўрсатилган баландлик 8-14,6м бўлганда қўлланилади. Иккинчи конструкция қўлланганда пол усти транспортини ишлатиш ҳам қулай ҳисобланади.

Крансиз саноат биноларида шамол таъсиридан уларнинг четги деворларида ҳосил бўладиган босим кучлари плиталар билан тўсинларнинг бирлашган тугунларида ўрнатилган пайванд чоклари орқали қабул қилинади. Бу ҳолда устунлар бўйича боғламалар қўйилмайди. Боғламалар, олатда, пўлат прокатлардан тайёрланади.

Бино нишабли томдан иборат бўлса ва тўсинининг таянч қисмидаги баландлиги 900 мм дан ошмаса ёки чордоқли том тўсини қўлланилса, иморатнинг ёпма қисмида тик боғламалар ўрнатилмайди.

Тўсин ёки фермаларнинг таянч қисмлардаги баландликлари 900 мм дан ошса, том ёпма конструкциялар ҳарорат бўлими қисмининг чекка катакларида, ёпма сатҳида, узун ўқ бўйлаб боғламалар ўрнатилади.

Бундай боғламалар тасмалари параллел бўлган пўлатли фермалардан иборат бўлади. Пўлатли боғламалар устуннинг ва том ёпма конструкциясининг устки қисмларига пайвандланади. Ҳарорат бўлимининг ўрта қисмларида эса устунлар устки сатҳида пўлатли ёки темирбетонли горткичлар ўрнатилади.

Ётиқ боғламалар том ёпма кўтарувчи конструкцияларининг устки ва остки тасмалари бўйича ўрнатилади. Том ёпмалари сифатида йирик панеллар ишлатилса, кўтарувчи тўсин ёки ферманинг устки тасмаси бўйича махсус боғламалар ўрнатилмайди. Бу вазифани тўсинлар устига пайвандланиб маҳкамланган плиталар бажаради. Кўприк кранлар ўрнатилган оғир тартибли биноларда устки тасма сатҳида, шунингдек крест шаклидаги боғламалар ҳам ўрнатилади. Бунда плиталар горткич вазифасини бажаради.

Бинода фонуслар лойиҳаланган ҳолларда, ҳарорат бўлимининг чекка ораликларида ферманинг қисилган тасмаси чегарасида, унинг устиворлиги йўқолмаслигини таъминлаш учун крестли боғламалар пайвандланади. Фонуслар бинонинг чекка ораликларигача қўзилмаган бўлса, бу тадбир амалга оширилмайди.

Тўсинларнинг пастки тасмаси бўйича бинода крест шаклида параллел тасмали ферма кўринишидаги пўлат боғламалар ўрнатилади.

Демак, боғламалар бинонинг бикрлиги ва устиворлигини таъминлайди ҳамда барча ётиқ кучларни қабул қилиб, бино пойдеворларига узатиш учун хизмат қилади.

Назорат саволлари

- 1) Саноат биносининг темирбетон каркаси деганда нимани тушунаси?
- 2) Каркас материали нима асосда танланади?
- 3) Каркас устунларининг қанақа конструкциялари мавжуд?
- 4) Устунлар пойдеворларга қандай тартибларда маҳкамланади?
- 5) Устун ости пойдеворларининг конструкцияси нимадан иборат?
- 6) Пойдевор тўсинлари деганда нимани тушунаси?


- 7) Боғловчи тўсинлар нима мақсадда ишлатилади?
- 8) Кран ости тўсинларининг конструкцияси нималардан иборат?
- 9) Том ёпмалари кўтарувчи конструкцияларининг тузилиши нимадан иборат?
- 10) Том тўсинлари конструкцияларини тасвирланг?
- 11) Фермалар деганда нимани тушунасиш?
- 12) Равоқлар қайси конструкцияларда бажарилади?
- 13) Чорчўпларнинг қанақа конструкциялари бор?
- 14) Қобиқлар нима ва улар қандай ҳолларда ишлатилади?
- 15) Цилиндрик қобиқларни тушунтиринг?
- 16) Букланган конструкциялар деганда нимани тушунасиш?
- 17) Гумбазларнинг конструкциясини ва афзалликларини тушунтириб беринг?
- 18) Қиялама қобиқлар деганда нимани тушунасиш?
- 19) Гиперболик парабола шаклидаги қобиқлар деганда нимани тушунасиш?
- 20) Гумбазлар деганда нима тушунилади, улар амалиётда учрайдими?
- 21) Осма том ёпмалар конструкциясини тушунтиринг. Уларнинг афзалликлари ва камчиликлари нималардан иборат?
- 22) Чордоқ тўсини ости конструкцияларни тушунтириб беринг?
- 23) Сарровли ва сарровсиз конструкциялар деганда нимани тушунасиш? Улар қайси ҳолларда ишлатилади?
- 24) Боғламалар қайси ҳолларда қўлланилади?
- 25) Тик боғламалар конструкциясини тушунтириб беринг?
- 26) Нима мақсадда ётиқ боғламалар қўлланилади?

9. БИР ҚАВАТЛИ САНОАТ БИНОЛАРИНИНГ ПЎЛАТ КАРКАСЛАРИ

Био каркаслари учун пўлат конструкциялардан фойдаланиш айниқса сейсмик ҳудудлар учун мақсадга мувофиқ ҳисобланади. Бундай конструкциялардан тайёрланган биноларнинг вазни анча енгил бўлади. Пўлатли каркас темирбетонли каркасга ўхшаш конструктив схемада бажарилади (2.22-расм).

Каркасининг пўлат устунлари яхлит, ўзгарувчан ва панжарали кесимлардан ташкил топган. Устунлар кранли ва крансиз бинолар учун мўлжалланиб тайёрланади. Устунлар элсментлари, одатда, пайвандлаш орқали бириктирилади. Материал сифатида устунларга швеллерлар, кўштаврлар, бурчаклиқлар, тунукалар ишлатилади (2.23-2.24-расмлар).


Кран ости тўсинлари устунларнинг рафақларига ёки махсус поғоналарига ўрнатилади. Яхлит кесимли устунларни тайёрлаш осон бўлсада, ортиқча метал сарф бўлади. Улардан крансиз ёки кўтариш қобилияти 20т гача бўлган цехларни қуришда фойдаланилади. Қолган ҳолларда ўзгарувчан кесимли устунлар ишлатилади. Кенглиги 800мм гача бўлган устунларнинг кран ости қисмлари одатда яхлит қилиб тайёрланади.



2.22-расм. Бир қаватли саноатларининг лўлат каркас схемалари


I-бир орилиқли: а-умумий кўриниш; б-чордоқ ости конструкциясига фермани таяниши: 1-ферма; 2-чорчўп устуни; 3-краности тусини; 4-гўсин; 5-устушлар бўйича тик боғламалар; 6-ёпмаларнинг тик боғламалари; 7-ёпманинг ётик боғламалари; 8-фону; 9-фону боғламаси; 10-кичик тўсин; 11-ёпма панеллари

II-кўп орилиқли: а-енгил иш тартиби билан; б-шундай, огир; в-фермалар бўйича икки хил эгриликли қобиқ ёпма билан (умумий кўриниш ва қирқим)





2.23-расм. Пулат устунлар

а-яхлит ўзгармас кесимли; б-ўзгарувчан кесимли; в-панжара кесимли; г-алоҳида турдаги: 1-ферма; 2-чодирли шох; 3-шундай, кран ости; 4-қаттиқлик диафрагмиси



2.24-расм. Панжарали устуннинг схемаси

а, б-кранли оралиқлар учун четки ва ўрта қаторлар устунлари; в-устун панжарасини маҳкамлаш тугуни; г-устун таянчи; 1-бошмоқ; 2-чодирли шох; 3-ферма; 4-тухтаттич қурилмалари; 5-кран ости тўсини; 6-панжара; 7-кран шохи; 8-пойдевор




Кран юрадиган рельслар тўсинларга пайвандлаш орқали ёки пружинали шайба билан шайба ёни илгаклар ёрдамида тортилиб маҳкамланади (2.27-расм).




2.27-расм. Пулатли кран ости тўсинлари

а-тўсин кесими; б-кран йўли ($Q=10 \dots 15\text{т}$); в,г-шундай, $Q>50\text{т}$: 1-пайванд чоки; 2-рельс; 3-гайка ва пружина шайбали илгак; 4-рельс; 5-қистирма; 6-болт; 7-бурчаклар элементи; 8-прокат; 9-рельс ($Q=5\text{т}$)



2.28-расм. Ёпмалар фермаларининг бирхиллаштирилган турлари

а-параллел тасмали ферма; б-якки нишабли ферма; в-устунлар орасида ўрнатилган тик ҳоҳ боғламалар; г-шундай, порталли




2.29-рasm. Ёпмалари тусинли конструкцияда бажарилган кўп қаватли саноат биносининг йиғма темир-бетон каркаси

1-устун, 2-тўсин; 3-ёпма плита; 4-тик боғлама; 5-пойдевор тўсини; 7-ёпманинг кўтарувчи конструкцияси; 9-ёпма плита

Каркас элементларига юқори мустаҳкамлик, устиворлик, узок муддатга чидамлилик, ўтга чидамлилик талаблари қўйилади. Шунинг учун булар қўйма, йиғма-қўйма ва йиғма темирбетон элементларидан тайёрланади. Ораёпма қаватларига динамик юклар таъсир этган ҳолларда металл каркаслар лойиҳаланади. Пулатли тўсинлар қўштак шаклда қабул қилинади. Ораёпмалар тўсинсиз ёки тўсинли конструкцияда бажарилади.


Иккинчи конструктив схема амалда кенгрок қўлланилади. Бундай схемалар устунлар тури 6х6 ва 9х6м бўлган 2...5 қаватли биноларда ишлатилади.

Каркасининг асосий элементлари бўлиб устунлар (пойдевори билан), тўсинлар, ораёпма плиталар ва боғламалар ҳисобланади (2.30-2.31-расмлар).



2.30-расм. Кўп қаватли саноат бинолари каркасининг бирхиллаштирилган йиғма темирбетон элементлари

а-устки ва ўрта қаватлар устунлари; б-устки, ўрта ва пастки қаватлар устунлари; в-устки кранли қаватлар устунлари; г-ораёпма тўсини; д-ораёпма плитаси; 1-устун тоқчаси; 2-тўртбурчак шаклдаги тўсин



2.31-расм. Кўп қаватли саноат бинолари ораёпмаларининг конструкциялари
 а-тўсинли ораёпма, б-тўсинсиз ораёпма: 1-устун; 2-тўсин; 3-ёпма плита; 4-марказлаштирувчи ўрнатма; 5-ўрнатма деталлар; 6-устун боши (очоловник); 7-чиқиб турувчи арматуралар; 8-элемент; 9-биринчи галлаги куйма; 10-капителъ; 11-устун усти плитаси; 12-оарлиқ панеллари

тўсинлар тўғри тўртбурчак шаклида тоқчали қилиб тайёрланади. Тўсинлар, одатда, бинонинг эни бўйлаб ва баъзи ҳолларда эса бинонинг бўйи бўйлаб лойиҳаланади.

Иншоотнинг бикрлиги эни бўйича тўсинлар, бўйи бўйича ораёпма плиталар ва боғламалар ёрдамида таъминланади. Агар бино бўйи бўйлаб катта ётиқ кучлар таъсир этадиган бўлса, тўсинлар ўрнатилади.

Каркас устунлари четки ва ўрта қаторлар учун мўлжалланиб тайёрланади. Тўсинларни ўрнатиш учун устунларда рафақлар ўрнатилади. Устунларнинг кесими 400х400 ва 400х600 мм бўлиб, асосий баландлиги икки, қўшимчаси бир қаватта мўлжалланади. Устунлар пойдеворлар ичига ўрнатилади. Пойдеворларнинг устки сатҳи тўшама сатҳидан 150 мм пастда ўрнатилади. Ораёпмалар сифатида кенглиги 1500мм ли асосий ва кенглиги 750 мм ли қўшимча плиталар ишлатилади. Плитанинг баландлиги 400 мм қабул қилинади. Бинолар ҳарорат бўлимлари ва четларида узунлиги 5050 ва 5550 мм бўлган қисқа плиталар ишлатилади. Плиталар тўсиннинг усти ёки

тоқталарига миндирилади. Устунлар (ўзакларни уларнинг пўлатли учлари)га пайвандлаш йўли билан бирлаштирилади. Сўнгра тугун металл тўр билан ўралади ва бетонланади.

Тўсинларни устунларга бирлаштириш учун уларнинг учлари чиқиб турувчи ўзаклар ва таянчларда ўрнатилган деталлар устунлардаги деталларга пайвандланади, сўнгра тугун бетонланади.

Ёпма плиталар тўсин билан ва ўзаро уларда ўрнатилган деталларни пайвандлаш йўли билан маҳкамланади. Бундай бирлашиш каркаснинг бўйлама бикрлигини ошириш мақсадида амалга оширилади. Плиталарнинг оралиқларидаги бўшлиқларга симли тўрлар жойлаштирилиб, бетонланади. Бу тадбирларни амалга ошириш кўп қаватли саноат биносининг бикрлигини таъминлайди.

Саноат қурилишида икки қавати каркасли бинолар кенг тарқалган. Масалан, машинасозлик саноатида. Биноларнинг биринчи қаватли устунлар тўри 12х6 м, иккинчи қаватида эса 24х12 м қабул қилинган. Енгил саноатда ишлатиладиган биноларнинг бу ўлчамлари мос ҳолда 9х6 ва 18х12 м қилиб қабул қилинган.

Тўсинсиз каркаслардан совуқ хоналар, гўшт цехлари, омборлар ва бошқа саноат биноларини қуришда фойдаланилади.

Тўсинсиз ёпмали темир бетон каркас устунлар, уларнинг қоши(капители) ва уларга таянувчи қаватлараро ёпмали ташкил қилувчи плиталардан иборат. Устунлар қоши кесилган шаклда, режада квадрат кўринишида, ўртасида тешикли пирамида сифатида бўлади. У устунларнинг чиқиб турган жойига пайвандланади. Устунлар тўри 6х6м қабул қилинади.

Тўсинсиз каркасларда устунлар қоши нафақат тўртта устунлар усти ёпмасининг миниши учун таянч, шунингдек тепада ўрнатиладиган устунлар учун стакан туридаги ҳалқа вазифасини ҳам бажаради. Ушбу ёпмалар устунлар қошига пайвандлаш йўли билан маҳкамланади. Устунлар усти ёпмаларига атрофи бўйлаб оралиқ ёпмалари ҳам таянчи илади.

Сдада оралиқ епмалари бир қатламли, атрофи бўйлаб қовурғали ечимда, 160-220 мм қалинликда тайёрланади.


Ёпманинг бикрлигини таъминлаш мақсадида устунлар қошига тепадаги устунлар ўрнатилгач, тугун бўлими арматураланади ва бетонланади.

Устунлар усти ёпмалари тўсин вазифасини бажаради. Бироқ улар тўсин шаклида аниқ кўринмаганлиги учун бундай каркаслар конструкцияси шартли равишда тўсинсиз номи билан аталади.

Устунлар қоши бир йўналишда жойлашган йиғма-қуйма тўсинсиз ёпмали каркас устунлар, текис капителлар, устунлар усти ва ёпма плиталардан ташкил топади. Оралиқ плиталари устунлар усти плиталарига таянади. Бинонинг бўйи ва эни бўйича бикрлиги оралиқ плиталарни устунлар усти плиталарига, улардан чиқиб турган ўзакларни пайвандлаш йўли билан маҳкамлаш, металл тўр ташлаш ва бетонлаш йўли билан таъминланади. Бундай каркас нисбатан оддий ечимга эга. Йиғма элементлар тўрларининг сови кам. Шу билан бирга, каркасни тайёрлашда сермеҳнат сарф бўлади, бу эса унинг камчилиги ҳисобланади.

Йирик устунлар тўридан ташкил топган кўп қаватли бинолар каркаслари

Бундай каркасларда устунлар тури 6×12 ва 12×12 м қабул қилинади. Йирик устунлар тўридан иборат бўлган биноларда технологик жиҳозлар эркин жойлаштирилади ва улар универсал тавсифга эга бўлади (2.32-расм).



2.32-расм. Фермалар оралиги қавати бўлган бинолар
а-конструктив схема; б, в-конструктив счим вариантлари

Фермалар оралиғи қавати бўлган кўп қаватли саноат бинолари каркаслари

Саноат қурилишида бинолар оралиқларини ёпиш учун кўп ҳолда фермалар ишлатилади. Оралиқлар ўлчами 12, 18 ва 24 м бўлган ҳолда балағдликлари 3-3,6 м ли фермалар қўлланилади. Натижада бинода ферма оралиғи қавати ҳосил бўлади. Ферма оралиғи қаватида ҳавони совутиш бошқа санитар-маиший жиҳозларини ўрнатиш самарали ечимлар ҳисобланади. Қаватнинг устки қисмида қовурғали йигма темир бетон плиталари, пастки қисмида эса махсус «санитар-техник» плита ўрнатилади. Бу бўшлиқдан фермалар ораси техник қавати сифат фойдаланиш амалиётида кенг тарқалган.

Назорат саволлари

- 1) Кўп қаватли саноат бинолари каркаслари нималардан ташкил топган?
- 2) Кўп қаватли саноат биноларида ишлатиладиган устунлар, тўсинлар плиталарнинг қанақа конструкцияларини биласиз?
- 3) Тўсинли ва тўсинсиз ёпмалар каркаслар конструкциялари нималар иборат?
- 4) Кўп қаватли каркасли биноларда бикрлик қандай таъминланади?
- 5) Устунлар қоши (капители) конструкцияси қандай маҳкамланади?
- 6) Тўсинсиз ёппама каркасда устунлар усти ва оралиқ плиталар қандай маҳкамланади?
- 7) Йирик устунлар тўри бўлган бинолар қайси мақсадларда ишлатилад?
- 8) Ферма оралиғи қавати қандай ҳосил қилинади?

11. САНОАТ ИНШООТЛАРИНИНГ ДЕВОРЛАРИ

Саноат бинолари деворлари фуқаролик бинолари деворларига нисбатан куч ва атроф муҳит таъсирларига кўпроқ учрайди (2.33-расм). Шунинг учун бундай деворларга нафақат умумий, шунингдек махсус талаблар қўйилади.

Деворлар мустаҳкам, атроф муҳит таъсирлари ва коррозияга чидамли бўлиши, талаб қилинган ҳарорат, намлик, ҳаво, сув ва товушдан ҳимояланган сифатларига жавоб бериши, ўтга ва узоқ муддатга чидамли бўлиши қурилишни саноатлаштириш ва иқтисодий самарадорлик талабларини қондириши ҳамда бадий-меъморий, эстетик жиҳатдан қулай бўлиши зарур.


Деворларнинг узоқ муддатга чидамлилиги технологик ва конструктив йўллар орқали амалга оширилади.



2.33-расм. Деворларига ташқи таъсирлар

1-юкорида ётувчи қисмдан тушувчи юк; 2-шамол босими; 3, 4-ташқи ва ички ҳаво ҳароратининг таъсирлари; 5, 6-атмосфера ва хона ҳаво намлигининг таъсирлари; 7, 8-ташқи ва ички ҳавода мавжуд булган салбий кимёвий моддалар таъсирлари; 9-қуёш радиацияси; 10-иссиқлик зарбаси; 11-товуш; 12-вибрация ва бошқа динамик кучлар; 13-микроорганизмлар

Бинонинг конструктив схемаси ва статик ишлаш турига боғлиқ ҳолда деворлар кўтарувчи, ўзини кўтарувчи ва осма (2.34-расм) хилларга бўлинади.



2.34-расм. Кўп қаватли саноат биноси осма деворнинг конструктив ечими
а-фасад детал; б-девор конструкцияси; 1-фахверк; 2-полистирол; 3-газобетонли
плита (50 мм); 4-ҳаво қатлами (40 мм); 5-оҳақли сувоқ (20 мм); 6-гиштли терма; 7-тасма,
пўлат; (20*5 мм); 8-продух; 9-тўсин

Саноат қурилишида кўтарувчи деворлар жуда кам қўлланилади. Ўзини кўтарувчи деворлар ўз массаси ва шамол босимини қабул қилади ва уларнинг деформацияланишига ҳалақит бермайдиган эгиловчи ёки сирпанувчи боғламалар орқали каркасга узатади.

Деворнинг пастки қисмини грунт намларидан ҳимоялаш мақсадида ўрама материаллар ёки цемент қоршмасидан гидрохимоя қатлами (пол сатҳидан 30 мм пастда) ўрнатилади.

Ёмғир ва эриган қор сувлари атмосфера орқали девордан узоқлаштирилади. Йирик йиғма девор элементлар тўлиқ завод тайёргарлиги билан (яъни тапқи ва ички томони пардозланган ҳолда) ишлаб чиқарилади.

Устунлар қадами ва бино оралиқлари ўлчамлари девор панеллари узунлигидан катта бўлган ҳолда, девор панелларини ўрнатиш учун фахверк деб аталувчи қўшимча устунлар ўрнатилади. Фахверк темирбетон ёки пўлат тўсинлардан, баъзида ҳавонлардан ташкил топади.

Йирик панелли деворлар ва йиғма темир бетон каркасда фахверк фақат тик элементлар - темирбетон ёки пўлат устунлардан иборат бўлади. Фахверк элементлари девор массаси ва унга таъсир этувчи юкларни қабул қилиб, каркасга узатади.

Фахверк элементлари пойдеворларга бикр ўрнатилади, тепа қисми эса каркасга шарнирли уланади. Фахверкдаги кучлар каркасга эркин бериладиган ва каркасдаги юклар эса фахверкка берилмайдиган қилиб, улаиш конструкцияси амалга оширилади, яъни улаиш сирпанувчи таянч ечимида бажарилади.


Баланд ишлаб чиқариш иншоотларида фахверк устунларининг устиворлигини ошириш учун кран ости тўсишлари сатҳида ёғиқ шамол фермалари ўрнатилади.

Ташқи деворлар иситиладиган ёки иситилмайдиган конструкцияда бажарилиши мумкин.

Саноат биноларининг гиштли ёки кичик тошлардан тикланадиган деворларининг конструкциялари фуқаролик бинолари деворларига ўхшаш бўлади.

Ўзини кўтарувчи гишт деворларининг устиворлигини таъминлаш, уларни каркас устунларига зулфинлар ёрдамида маҳкамлаш иули билан амалга оширилади. Зулфинлар «Т» шаклидаги элементлар бўлиб, ҳар 1,2-2,4 м баландликда тасма ёки айлана кўринишидаги пулатдан тайёрланади. Бу элементлар бир томони билан 200-250 мм масофада деворларга кирса, иккинчи томони устунларга пайвандланади.

Блокли деворлар қатор, бурчак, тепадон, тўсиқ (парапед) ва пештоқ (карниз) блокларидан ташкил топади. Блокли деворларда қўлланиладиган элементларнинг ўлчамлари қуйидагича бўлади: узунлиги 500 мм га каррали, баландлиги 600 ва 1200мм ҳамда қалинлиги 300, 400 ва 500 мм қабул қилинади (2.35-расм).




2.35-расм. Енгил бетондан тайёрланган йирик деворли блоklar турлари: 1-монтаж илгаклари; 2-ташқи пардоз

Ёғиқ чокларнинг қалинлиги 15 мм, тик чокларнинг ўлчамлари эса 10 мм қабул қилинади.

Йирик блокли деворларда дарвоза жойи темир бетон чорчўп билан ҳалқаланади. Чорчўпнинг устуни алоҳида пойдеворга ўрнатилади ва девор билан зулфинланади. Темирбетон чорчўпнинг баландлиги 1,2м га каррали қабул қилинади. Деворлар билан маҳкамлаб турувчи каркасли боғламаларнинг коррозияга учрашини олдини олиш учун улар бўялади.

Иситиладиган бир қатламли девор панеллари (2.36-2.37-расмлар) автоклавли катак бетондан ($R_y=700-800\text{кг/м}^3$), енгил бетондан ($R_y=900-1200\text{кг/м}^3$) аглопорит бетондан ($R_y=1000-1200\text{кг/м}^3$) тайёрланади.




2.36-расм. Иситиладиган биопларнинг девор панеллари

Саноат ишшоотларининг тўлиқ йиғилувчанлигини таъминлаш учун йирик панеллар қўлланилади. Қурилиш майдончасида сермеҳнатлиликни ҳисоблаш ва бино массивини қамқатириш йирик панелларини ишлатишнинг афзалликлари ҳисобланади.

Яхлит кесимли арматураланган енгил ёки катакли бетонлардан, оғир бетонлардан тайёрланган қатламли, девор панеллари амалиётда кенг қўлланилади.

Йирик панеллар ўзини кўтарувчи ва осма деворларни тиклаш учун ишлатилади. Ўрнатиш жойига кўра қатор, бурчак, тепадон, тўсик, пепшоқ ва пардевор панеллари мавжуд. Деворларга панеллар ётиқ ҳолда жойлаштирилади. Бундай ечимда маҳкамлаш соддалашди, чокларнинг зичлиги ишончли бўлади.

Девор панелларининг бўйлари 6 ёки 12м, баландликлари эса 0,9:1,2: 1,5 ва 1,8м (0,3м га қаррали) қабул қилинган. Бурчак панеллари 6,1 ва 6,35м узунликда тайёрланади.



2.37-рasm. Иситиладиган биналарнинг 12 м ли девор панеллари
а-бир қатламли керамзит бетондан; б-комплексли темирбетон ҳалқа ва керамзит бетон
плитадан


Конструктив ва иссиқлик техникаси ҳисоблари бўйича девор панеллари қалинлиги 160, 200, 240 ва 300мм олинади. Ёнгил бетонлар хоналардаги нисбий намлик 75%, катак бетонлар - 60% дан паст бўлган ҳолатларда қўлланилади.

Девор панеллари пойдевор тўсинлари устига ўрнатилади (сатҳи I қават пол сиртидан 30 мм пастда).


Деразалар ўрнатиладиган ётиқ жойлар устки сатҳида панеллар устунларга ўрнатилган махсус пулат стулчага миндирилади.

Стулчалар кесими ҳисоб орқали аниқланади. Стулчалар қовурғаси панеллар чокларига мос тушади ва улар орасига киради.


Ўзини кўтарувчи деворларда дераза усти панеллари пардевор панелларига таянади. Бундай деворларнинг баландликлари энг пастки панелни пойдевор тўсини устига ўрналадиган жойини эътиборга олиш ва пойдеворлар кесимларининг мустаҳкамлик шартларидан аниқланади. Бундай деворларни устунларга бириктириш эгилувчан боғламалар ёрдамида бажарилади (2.39-2.41-рasmлар).



2.38-расм. Иситилмайдиган биноларнинг темирбетон қовурғали панеллари а-кесипувчи қовурғали панел; б-буйлама қовурғали панель




2.39-расм. Бурчакликлар ёрдамида девор панелларини устунларга маҳкамлаш
1-устун; 3-туташтирувчи бурчаклик; 4-панелнинг ўрнатма детал; 5-6-панелга
пайвандланадиган туташтирувчи бурчаклик; 7-фахвасеркли устун; 8-бурчакли блок; 9-
туташтирувчи элемент; 10-тешик орқали пайванд



2.40-расм. Панелларни каркасга маҳкамлаш ва девор панеллари орасидаги чокларнинг конструкцияси


а-ётиқ чок детали; б-тик чок детали; в-панелни устунга маҳкамлаш; г-дераза усти панелини ўрнатиш; д-6 м ли панелни устунга маҳкамлаш; е-шудай, 12 м ли: 1-девор панели; 2-зичлагич; 3-эластик қистирма; 4-цементли қоричиما; 5-устун; 6-устундаги ўрнатма; 7-маҳкамловчи бурчаклик; 8-эгилувчан боғлама ($v=10-12$ мм), 9-пайванд чоки, 10-панеллардаги ўрнатма; 11-таянч курсиси



2.41-расм. Девор панелларинингустунларга маҳкамланишига доир ечимлар

Девор панелларининг тик ва ётиқ чоклари эластик материаллар (поризол, гернит) ва герметиклайдиган мастикилар (УМ-40,50) дан фойдаланиш орқали амалга оширилади. Чокларни тўлдириш учун цемент-кумли қорیشма фақат алоҳида ҳолатларда қўлланилади.

Зарурий ёритилганликка эришиш учун саноат биноларининг деворлари фуқаролик биноларининг ўлчамларига нисбатан анча катта бўлади. Деразалар юзалари ёруғлик техникаси ҳисоботи орқали аниқланади. Деразаларни бирхиллаштириш мақсадида улар эни буйича 0,5м, баландлиги бўйича 0,6м га қаррали олинади. Дераза тавақалари тик ёки ётиқ осикли бўлади. Саноат биноларида ётиқ ўқ атрофида айланувчан тавақалар кенг тарқалган, чунки катта ўлчамли ойнаванд деворлар учун бу ечим қулай ҳисобланади (2.42-расм).



2.42-расм. Бино деворларини панелларга кесип схемаси

Дераза жойлари икки, бир ёки аралаш қатламли тавақалар билан тўлдирилади. Кўп ҳолларда саноат биноларида бир қатламдан иборат тавақали деразалар ишлатилади. Тавақалар металдан, ёғочдан, темир бетондан тайёрланиши мумкин. Дераза жойлари шунингдек, шиша блок, шиша тахлам ёки шаффоф буюмлар билан тўлдирилиши мумкин.

Ёғочли дераза блоклари 12506-81 рақамли Давлат стандартларига мос ҳолда ишлаб чиқарилаган. Булар фақат меъёрланган ҳарорат-намлик тартиблари бўлган хоналарда ишлатилади.

Деразалар чорчўплари улар учун мулжалланган жойларга қўйилади. Сўнгра чорчўплар ҳар 1,2 м баландликда (камида икки жойидан) деворга зичланади.

Дераза ташқарига очиладиган қилиб тайёрланса уни пастига ёмғир сувларини четлатишга мулжалланган элемент (папэв) ўрнатилади. Шунингдек, дераза жойининг пастки қисмига ёмғир сувини деворт тегмаслигини ва пастга оқиб кетишини таъминловчи нов ҳам ўрнатилади. Хонанинг ички тарафига дераза ости тахтаси ўрнатилади.

Дераза чорчўпи билан девор орасидаги тирқиш толали материаллар билан тўлғизилади, сўнгра часпак (наличник) билан қопланади.

Дераза жойи бир неча чорчўплар билан тўлдириладиган бўлса, деразалар ҳар 1,2 м да болтлар билан ўзаро маҳкамланади. Агар деразалар ниҳоят баланд бўладиган бўлса, улар икки қаватли қилиб ўрнатилади.


Сўнгги вақтларда деворларни ойнаванд қисмларини тўлдириш учун ёғочли дераза панеллари ишлаб чиқарилмоқда (2.43-расмлар). Уларнинг баландлиги 1,2 ва 1,8 м, узунлиги эса 6м ташкил этади. Бу ўлчамлар девор панеллари ўлчамлари билан бирхиллаштирилган. Дераза панеллари чорчўп ва тавақалардан иборат.

Дераза жойи баландлиги 3,6 м гача бўлса, табақалар ҳар 1,5-2 м ораликда ўрнатиладиган тик импостларга маҳкамланади. Баландлик 4,8-6 м бўлса, устки, 6м дан ортиқ бўлса, пастки уламалар бурчакликлардан тайёрланади. Агар баландлик 7,2 м ва ундан ортиқ бўлса, ётиқ шамол импостлари ўрнатилади. Қўш табақали деразалар ишлатиладиган бўлса, уларнинг пастки қисми устидан ётиқ импостлар (иккита бир-бирига пайвандланган бурчакликдан тайёрланади) билан ажратилади.

Пулат табақалар ҳалқа, илгак ва болтлар ёрдамида осилади. Пулат дераза панеллари такомиллашган ва замонавий ойнаванд деворлар ҳисобланади. Улар оддий ва бикр бўлиб, баландлиги 20 м гача бўлган жойларни тўлдириш имкониятига эга. Панеллар қувур ёки қатланган шаклдаги кесимлардан тайёрланади. Ўлчамлари девор панеллари ўлчамларига мос келади (узунлиги 6м, баландлиги 1200 ва 1800 мм). Дераза панеллари очилмайдиган ёки очиладиган қилиб тайёрланади.


Панель умумий чорчўп ва бунга осиладиган ёки пайвандланадиган шишаланган элементлардан ташкил топади. Ҳар қайси панель каркас устунларига тўртта нуқтада болтлар билан маҳкамланади.

Темир бетон дераза панеллари ўтга чидамли, мустаҳкам, чиримайди, ишлатилиши иқтисодий самарали, бироқ тайёрланиши қийин. Уларга табақаларни ўрнатиш қийин. Шунинг учун, одатда, очилмайдиган қилиниб тайёрланади.



2.44-расм. Шиша темирбетонли панеллардан деворлар ўрнатиш
а-панеллар қамрови; б-умумий кўриниш; в-фрамугали панель бўйича қирким: 1-панель уламаси; 2-шишаблок; 3-пулатли фрамуга; 4-икки қаватли толь; 5-зичлама; 6-чокка ўрнатиш учун чиққан арматура; 7-киришмайдиган цементли қорншма; 8-ёғоч гула (40*40 мм); 9-сув ҳайдагич(слив); 10-илмоқ

Деразасиз герметик биноларда шиша, тсмирбетон панеллардан шэфф деворлар тайёрлаш мумкин. Дераза жойлари профилли шиша, шиша профилит билан ҳам тўлдирилиши мумкин. Булар ҳам очилмайдиган ва очиладиган конструкцияда ёки панел кўринишида тайёрланади (2.44-2.45-расмлар).




2.45-расм. Деразаларни жойларини шиша профилит билан тўлдириш:

а-ёпиқ (глухой); б-очиловчи тавақалар билан; в-шиша профилит элементларини туташув жойи; г-элементлар тутуни; д-панелни тўлдириш тутуни: 1-устки улама; 2-руқланган элемент; 3-зичлама; 4-ўрта устунчаси; 5-таянч курси; 6-говак резина; 7-гидроҳимояловчи мастика; 8-пароизол; 9-пастки улама; 10-таглик – белгилагич; 11-иситувчи; 12-фартук; 13-панел чорчўпи; 14-шиша профилит; 15-устун ўрнатмаси; 16-қиястирувчи бурчаклик; 17-поливинилхлоридли кесим (профиль)

Деразаларни очиш ва ёпиш қўлда (паст бўлса) ёки махсус асбоблар ёрдамида бажарилади.

Эксплуатация даврида ойнабанд дераза табақаларини тозалаб турилишининг аҳамияти катта бўлганлиги учун бу ишларни ҳам тартибга келтириб туриш лозим.



2.47-расм. Ёпмага ташқи таъсирлар

1-доимий юклар; 2-ўзгарувчан юклар; 3-шамол; 4-ва 10-ўровчи муҳит ҳарорати таъсири; 5-атмосфера намлиги; 6-ва 11-ташқи ва ички муҳитда мавжуд бўлган микроорганизмлар таъсири; 8-қуёш радиацияси; 9-намлик; 13-иссиқлик зарбаси; 14-динамик зарба

Ёпмаларнинг ўровчи конструкциялари барча таъсирларга яхши қаршилиқ кўрсатиши, яъни етарли мустаҳкамлик, кичик деформация, яхши ўраш сифати, ёнгина чидамлилик, узоқ муддатга чидамлилик ва коррозияга чидамлиликка эга бўлиши зарур. Бундан ташқари улар қурилиш ва эксплуатация даврида иқтисодли, индустриал бўлиши керак.

Саноат биноларининг ёпмалари, одатда чордоқсиз конструкцияда бажарилади. Илгари таъкидланганидек, ёпмалар тўсинсиз ва тўсинли схемада бажарилади.

Ёпмаларнинг тўсувчи қисмлари иссиқлик изоляцияси даражаси бўйича (яъни R_0 нинг қиймати бўйича) иситиладиган ва совуқ хоналарда фойдаланиладиган ёпмаларга бўлинади. Функционал вазифаси бўйича ёпмалар тўсувчи ва қўтарувчи қисмларга ажратилади.

Қурилиш амалиётида йиғма темирбетон плиталар кенг тарқалган. Массаларининг катталиги уларнинг камчилиги ҳисобланади. Ёнгил турдаги ёпмалар пўлат профилли тўшамалар ва янги самарали иситгичлар ёрдамида бажарилади.

Кейинги вақтларда ёнгил ва катакли бетондан тайёрланган, фазовий арматураланган яхлит кесимли панеллардан фойдаланиш кенг йўлга қўйилди.

Бундай панеллар бир вақтнинг ўзида ҳам қўтарувчи, ҳам тўсувчи вазифаларни бажаришади. Бироқ бундай панелларни нисбий намлиги баланд (75% дан ортиқ) бўлган хоналарда қўллаш мақсадга мувофиқ келмайди. Оддий темирбетон плиталардан кўра ёнгил панелларнинг массаси 25%, нархи эса 20% гача арзон чиқади.

Тўсувчи ёпмалар конструкциялари бинонинг вазифаси, хоналарда талаб қилинган ҳарорат ва намлик тартиблари, технологик жиҳозлардан ажралиб чиқаётган иссиқлик, ёмғир ва эриган қор сувларининг томдан оқизиб юбориш омилларига боғлиқ ҳолда танланади.

Иситиладиган хоналар ёпмаларида уларнинг тўсувчи қисми кўтарувчи конструкция, бугдан ва иссиқликдан ҳимоялаш қатламлари, текисловчи тўшама ва том қопламасидан (кровля) иборат бўлади.

Иситилмайдиган хоналар ёпмалари кўтарувчи конструкция, текисловчи тўшама ва том қопламасидан ташкил топади.

Ёпманинг иссиқликдан ҳимоялаш қатлами материалнинг физик кўрсаткичлари, унинг ишлаш шароитлари ва талаб қилинган термик қаршиликка боғлиқ бўлади.

12.2. Ёпма тўсувчи қисмининг конструкциялари

Ёпманинг тўсинсиз схемасида асосий кўтарувчи конструкциялар бўйича йирик ўлчамли плиталар-тўшамалар ётқизилади. Бу плиталар тўсувчи қисмининг кўтарувчи элементлари ва кейинги қатламларнинг асоси бўлиб хизмат қилади. Тўшамалар темир бетондан ва металлдан тайёрланади.


Кейинги вақтларда пўлат профилли тўшамалар, алюмин, пластмасса, асбестцемент ва бошқа ижобий қурилиш материалларидан бундай конструкциялар ишлаб чиқиш кенгаймоқда.

Ёпманинг тўсувчи қисми темир бетонли ва пўлатли сарровлар қўлланилган кичик элементлардан тузилган бўлиши мумкин (2.48-расм).


Сарровлар кўтарувчиси темирбетонли ёки пўлатли конструкцияларнинг устида ётқизилади. Бу ҳолатда ёпманинг тўсувчи қисми сарровларга миндирилган темирбетон плиталар (бино оралиғига кўндаланг), буг ва иссиқликдан ҳимоя қилиш қатламлари, қоплама ва кровлидан иборат бўлади (2.49-2.51-расмлар).

Сарровлар 6 м гача оралиқларга ўрнатилади. Плиталар (темирбетон) қовурғали ва қовургасиз конструкцияда бажарилади.


Пўлат сарровлар (швеллер, қўштавр ва бурчаклик кесимларда) устида темир бетонли плиталар ёки енгиллаштирилган асбестцементли, пластмасса асосидаги қатламли, шиша пластикли тунукалар, пўлатли ёки алюминли қопламалар ётқизиш ҳоллари амалиётда учрайди.




2.48-расм. Ёпманинг тўсувчи қисмини конструктив схемаси
 а-сарровсиз; б-сарровли: 1-устун; 2-ферма; 3-ёпма плита; 4-сарров; 5-сарровда
 ўрнатиладиган кичик ўлчамли плита



2.49-расм. Ёппа тўсувчи қисмининг қутарувчи конструкциялар
а-сарровли ёппанинг қиркими; б-сарровсиз ёппанинг қиркими; в, г, ж, и-темирбетон қовурғали плиталар; д-армобетон плита (қовурғаси оғир бетондан); е-сингил армобетонли яхлит плита; к-гумбаз туридаги темирбетон плита



2.50-расм. Йиғма темирбетонли ораёппа
а-тўсинлари тоқчали булган ораёппанинг кундаланг қиркими; б-шундай, тўсинлари тўғри гўртбурчак шаклида; в, г-тўсинли ораёппанинг бўйлама қиркими: 1-тоқчали тўсин; 2-тоқчасиз тўсин; 3-қовурғали ораёппа тўшамаси; 4-устун; 5-қуйма бетон



2.51-расм. Бўйлама деворлар тепа (парапед) панелларини ёпманинг кўтарувчи конструкцияларига маҳкамлаш

а-ясси кровли ва паст парапедли вариант; б-нишабли том ва баланд парапедли вариант; 1-зулфин; 2-ёпма кўтарувчи конструкциясининг усти; 3-рухланган том пўлати; 4-ҳар 600 мм даги мих; 5-любели; 6-рубероиднинг қўшимча қавати; 7-мум; 8-пўлат тасма; 9-фартук

12.3. Томларнинг қоплама ва тарновлари

Саноат биноларини қуришда асосан ўрама кровли шунингдек, асбестцементли тўлқинли элементлар, шиша материаллар билан арматураланган мумли кровлилардан фойдаланилади.

Ўрама кровли рубероид, гидроизол, толь, изол сингари материаллардан тайёрланади. Материал қатламлари сони том нишабига боғлиқ. Том нишаби 12% дан ортиқ бўлса (25% гача) материал 2 қатлам, 2,5-12% бўлса - 3 қатлам, 1,5% дан 2,5% гача бўлса - 4 қатлам ётқизилади. Ўрама кровли, яъни (томнинг устки сув ўтказмайдиган қатлами) цемент-қумли ёки асфальтли қоплама устида урнатилади. Қопламанинг қалинлиги иссиқликдан ҳимояловчи қатлам материалига боғлиқ ҳолда 15-25 мм дан 25-30 мм гача қабул қилинади.

Кровлининг тепа қатламида ишлатиладиган материаллар йирик донадор сепкили, пастки қатламидаги материаллар эса кичик донадор сепкисиз бўлади.

Кровлида сепкили ўрама материаллар иссиқ ёки совуқ мумда, сепкисиз материаллар фақат иссиқ мумда ёпиштирилади. Мумнинг иссиққа чидамлилиги 100° С дан кам бўлмаслиги керак.

Ёмғир ва эриган қор сувлари томдан ташқи ва ички тизимда ташланади. Сувни ташкил этилмаган ҳолда ташқарига четлатиш бино кенглиги 72 м гача бўлганда қабул қилинади. Бир томонга оқадиган сувнинг энг узок йўли 36 м дан ортмаслиги керак.

Кўп оралиқли ишлаб чиқариш биноларининг нишабли ва ясси ёпмаларида, одатда, ички сув четлатиш усули қўлланилади. Томнинг четки

нишабларидан сув ташқарига четлатилади. Иситилмайдиган томлардан сув одатда, ташқарига четлатилади.

Нишабли томлардан сув оқизиш воронкаси уларнинг пасайтирилган қисмлари (ёндова) га ўрнатилади. Ясси томда ҳар қатор устунлар бўйлаб камида битта воронка (ВР-9Б) ўрнатилади. Битта воронкага тўғри келадиган сув ташлаш юзаси ҳисоблар асосида қабул қилинади.

Битта сув ташлаш воронкаси учун қабул қилинадиган юза, м².

Том тавсифи	Ўмғир интенсивлиги (q20) катталиги, л/с 1га да		
	120дан зиёл	120-100	100 дан кичик
нишабли	600	800	1200
ясси	900	1200	1800

Нишабли томларда воронкалар орасидаги масофа 48 м дан ортиқ бўлмаслиги зарур. Ясси ёпмаларда сув йўлининг максимал узунлиги 15.0 м гача қабул қилинади. Воронкалар бинонинг бўйлама ўқлари билан 450, кўндаланг ўқлари билан 500 мм ли масофада бирхиллаштириш тарзида боғланади. Ҳар битта қувур (стояк)га имконияти борича камроқ воронкалар уланиши тавсия этилади. Томнинг воронкалар ўрнатиладиган жойи қўшимча 2 қатлам рубероид билан кучайтирилади.

Назорат саволлари


- 1) Саноат биноларида ишлатиладиган ёпмаларнинг фуқаролик бинолари ёпмаларидан фарқи нимада?
- 2) Ёпмалар конструкцияси нималардан ташкил топган?
- 3) Кучли ва кучли бўлмаган таъсирлар деганда нимани тушунасан?
- 4) Иситиладиган ва иситилмайдиган ёпмалар деганда нимани тушунасан?
- 5) Ёпмаларнинг кўтарувчи ва тўсувчи конструкциялари нимадан иборат?
- 6) Тўсувчи конструкциялар қайси материаллардан тайёрланади?
- 7) Кровли деганда нимани тушунасан, унинг конструкцияларини тушунтиринг?
- 8) Сарровларнинг вазифасини тушунтиринг?
- 9) Кровлида ўрама материаллар ишлатилса, қатламлар сони қандай танланади?
- 10) Кровлининг иссиққа чидамлилиги қайси йўл билан амалга оширилади?
- 11) Сувни ташқарига ва ичкарига оқизиш тизимларини тушунтиринг?
- 12) Сув оқизиш воронкаси сони қандай танланади?
- 13) Сув оқизиш воронкаси бинонинг қаерида жойлаштирилади?

13. ТЕПАДАН ЁРИТИШ ВА АЭРАЦИЯ ҚУРИЛМАЛАРИ

Хоналарни тепадан ёритиш бинолар фонуслари, шаффоф панел ва ёпмалар ёрдамида амалга оширилади. Аэрация эса, томда ўрнатиладиган аэрация фонуслари орқали таъминланади.

Ёритиш, ёритиш-аэрация ҳамда аэрация қурилмаларига қўйиладиган энг муҳим масалалардан бири бу ҳам бўлса улар учун материал таянлаш ҳисобланади.

Вазифасига кўра ёритиш, ёритиш-аэрация фонуслари қўлланилади. Фонуслар одатда, бино узунлиги бўйлаб ўрнатилади (2.52-2.56-расмлар).




2.52-расм. Бино фонусининг конструктив схемаси

а-фонуснинг умумий схемаси; б-кўтарувчи конструкциялар схемаси: 1-фонуснинг қўндаланг чортупи; 2-ён плита; 3-ёпма плита; 4-оралиқ устунчаси; 5-тавақаларни маҳкамлаш учун сарровлар; 6- ва 7-тик ва ётиқ хоч боғламалар; 8-тортқич

Фонуслар кўтарувчи конструкция-каркас, тўсувчи конструкция ёпма, девор, ёритиш ва аэрация жойларидан ташкил топади.

Шаклига кўра икки томонлама, бир томонлама ва зенитли фонуслар мавжуд. Икки томонлама ва бир томонлама фонуслар тик ёки қия ойнали бўлиши мумкин. Шунга кўра улар тўғри тўртбурчакли, трапецияли, тишли ёки арра шаклида лойиҳаланиши мумкин. Агар ёритиш жойлари ёпмада ётиқ ҳолда лойиҳаланган бўлса, бундай панеллар ёритиш панеллари дейилади.




2.53-расм. Фonus ва бино ўлчамлари орасидаги ўзаро боғлиқликка доир (жадвал қаранг)

Жадвал


ФО-НУС	Н и с б а т			
	Фонус кенглиги L_f ва бино оралиги L ўртасидаги	Қўшни фонуслар ўқлари ўртаси C ва баландлиги h , етиқ ишчи майдончасидан ёруғлик жойи пастки четиғача бўлганда	Фонуслар шишалари ва фonus баландлиги орасидаги	Фонус баландлиги H_f ва кенглиги L_f ўртасидаги
Икки томонлама жойлашган Трапецияли Зенит-ли	$L_f = (0,4-0,6)L$	$C \geq 4h$ дан катта эмас	$b \geq 1,5 H_f + H_f$ дан кам эмас	$H_f = 0,3, L_f$ аммо $0,45$ дан катта эмас
	$L_f = (0,4-0,6)L$	$C \geq 2h$ дан катта эмас	$b > H_f + H_f$	-
		$C \geq 2,5h$ дан катта эмас	$b > H_f + H_f$	-

Тепадан ёритиш ва аэрация фонуслари тизими қамровлари хоналарга қўйиладиган ёритилганлик ва аэрация талаблари бўйича аниқланади. Шу билан бир қаторда улар ягона модулга асосан бириктирилади. Одатда, 12 ва 18 м ли оралиқлар учун фонуслар эни 6м, 24, 30 ва 36 м ли оралиқлар учун - 12 м қабул қилинади. Фonus баландлиги эса ҳисоблар бўйича қабул қилинади. Фонусларни ишлатиш қулай бўлишлиги учун улар бино четидан 6 м ичкарида узилади.



2.54-расм. Биноларнинг ёруғлик фонуслари

а-қор кўчкларининг ҳосил бўлиши; б-туғри қуёш нурларининг фонус орқали ҳоёга кириши; в,г-қуёш нурининг гушишидаги ҳимоя тадбирлари: 1-қор кўчкиси; 2- ва 3-ёруғлик тарқатувчи махсус ётпа ва элементлар



2.55-расм. Тўғри тўртбурчакли ёруғлик –аэрация фонусининг деталлари
 а ва б-пулат кесим (профил) ли ва темирбетонли тушамалардан тайёрланган томда:
 1-рухланган кровли пўлати; 2-швеллер; 3-профилланган тушама; 4-фонус каркаси; 5-
 фонус панели; 6-тавақа; 7-ёғоч гўлача; 8-тўлқинли пўлат тупука; 9-енгилга қарши тўсиқ;
 10-темир-бетонли плита; 11-карнизли панель; 12-маҳкамловчи зўлфини.

Фонуснинг максимал узунлиги 84 м қабул қилинади; агар ундан ошса ўртасига 6 м ли узилиш лойиҳаланади. Сувни четлатиш, одатда, шишага сув тегмаслигини таъминлаш мақсадида ташқи тизимда бажарилади.

Эни 12 м ли фонусда сув ички оқишиш тизимига юборилади. Фонуслар вазифасидан қатъий назар бир хил конструктив схемада бажарилади.

Фонус каркаси кўндаланг чорчўп ва бўйлама элементлардан ташкил топади. Сўнгиси ён деворлар, табақаларни маҳкамлаш учун сарровлар, ёпма плиталар ва боғламалардан иборат бўлади.

Ён деворлар фонуснинг четки кўндаланг чорчўпи устунлари пастига лойиҳаланган таянч курсиларга ўрнатилади. Булар енгил ёки катакли бетонлардан бир қатламли ёки оғир бетондан қовурғали конструкцияда ишлаб чиқарилади. Ён деворлар, фонус устушларига, пайвандлаш йўли билан маҳкамланади.

Ён деворлар плитасиз бўлганида металл варақлар (баландлиги 900мм) дан ишланади. Фонуслар табақаларини маҳкамлаш учун хизмат қиладиган сарровлар профили металллардан тайёрланади.

Фонус чорчупининг устки тасмасига ўлчамлари 1,5х6, 3х6 ёки 3х12м бўлган темир бетон плиталар ўрнатилади. Бу эса ўз навбатида ёпманинг тўсувчи қисми бўлиб, фонус каркасининг фазовий бикрлигини таъминлайди.

Фонус каркасининг устиворлиги шунингдек боғламалар ўрнатиш билан таъминланади. Ётиқ ва тик крест шаклидаги боғламалар ҳарорат бўлимларининг четки панелларида ва тўсинлар текислигида тортқичлар орқали амалга оширилади.

Ёруғлик фонуслари ва шаффоф ёпмаларга юқори ёруғлик активлиги, ёруғлик тартибининг доимийлиги, паст инсоляция бўлишлиги, конструктив ечимнинг оддийлиги, кам иссиқлик узатиш ва эксплуатация харажатлари талаблари қўйилади. Фонуснинг ёруғлик активлиги унинг ўлчамлари, конструкцияси ва шишанинг қиялик бурчагига боғлиқ бўлади. Ёруғлик кириш жойларининг геометрик ўлчамлари аниқ ва яқинлашган ҳисоблар билан аниқланади.


Тадқиқодлар асосида ёруғлик фонуслари ўлчамларининг бир қанча омилларга боғлиқ ҳолда аниқланган нисбатлари жадвалда келтирилган. Бу ўлчамларга лойиҳалаш жараёнида амал қилинади.

Кейинги вақтларда иш бўлимларини инсоляциядан ҳимоя қилиш шаффоф, қуёш нуруни ўтказмайдиган материаллардан фойдаланиш, ёруғлик тарқатувчи ва қуёшдан ҳимояловчи қурилмалар ўрнатиш йўллари билан ҳал этилмоқда.

Фонуснинг ёруғлик сифатини яхшилаб туриш йўллари билан бири, бу ҳам бўлса шишани газ, тугун ва ўтирадиган чанглардан тозалаб туриш ҳисобланади.

Зенитли фонуслар анча самарали ҳисобланади: ёруғлик активлиги баланд, массаси кичик, ўрнатилиши оддий, дастлабки ва эксплуатация харажатлари бўйича иқтисодли. Улардан гумбазли фонуслар анча кенг тарқалган (2.56-расм).

Фонуснинг чорчупини ташкил этувчи ён элементлари темир ёстонли ёпма плитага ўрнатилади. Фонус режада айлана, квадрат ёки тўртбурчак шаклида, тик ёки қия, совуқ иситилмайдиган ёки иситилган деворли ён элементлардан ташкил топади. Фонуснинг ёруғлик активлигини ошириш мақсадида ён элементларининг ички сирти текисланиб, очиқ рангларда бўялади. Ёруғлик теплаклари бир ёки икки қатламли ($b=25\text{мм}$) қилиниб бажарилади. Ўлчамлари 1,5х6м бўлган битта плитага асосий қамровлари 0,9х1,3м ёки диаметри 1,1м бўлган тўртта фонус ўрнатиш мумкин.



2.56-расм. Гумбаз (зенатли) ли фонуслар

1-а-нуқтали турдаги; б-панель туридаги: 1-рухланган кровли пўлати; 2-таянч ёғоч чорчўп; 3-теллакча; 4-органик шишадан икки қатламли гумбаз; 6-герметик; 7-ёпма плита; 8-органик шишадан ёпқич

Ёруғлик ўтказиш учун мўлжалланган шаффоф панелларнинг ўлчамлари оддий плиталарнинг ўлчамлари сингари бўлади. Бундай панеллар хоналарда катта ёритилганлик талаб қилинган ҳолларда ишлатилади.

Ёруғлик азрания қурилмалари фонуслар ва панеллардан ташкил топган бўлади. Бу қурилмаларнинг ечимлари олдин куриб чиқилган қурилмаларнинг ечимлари сингари бажарилади.

Азрания фонуслари конструкциялари ҳам илгари қараб чиқилган ёруғлик фонусларига ўхшаш бўлади. Фонус пўлатдан тайёрланган каркаста эга. Баландлиги 1,7-3,4 м ни ташкил этади.

Қараб чиқилган фонуслар тавақаларини очиб ёпиш, уларнинг шишаларини тозалаш махсус мосламалар ёрдамида амалга оширилади. Шундайлардан бири қурилиш амалиётида қўлланилаётган ричагли тортқич асбобидир. Бундай битта асбоб ёрдамида 15 тагача (баландлиги 3,4 м гача) олти мстрли шамол тўсувчи панелларни очиб ёпиш мумкин.

Назорат саволлари

- 1) Тепадан ёритиш ва азрания қурилмалари нимадан иборат?
- 2) Ёритиш, ёритиш-азрания ва азрания фонусларини тушунтириб беринг?
- 3) Тўртбурчакли фонусларга қайсилар қиради? Конструкцияларини тушунтиринг?
- 4) Зенитли фонусларнинг афзалликлари нималардан иборат?
- 5) Зенитли фонуслар конструкцияларини тушунтиринг?

- 6) Фонусларнинг ўлчамлари нималарга боглик?
- 7) Аэрация фонуслари қандай очилиб ёпилади?
- 8) Фонуслар шишаларини тозалаш қандай амалга оширилади?

14. ЕНГИЛ ТАШҚИ ТЎСИҚ КОНСТРУКЦИЯЛАР

Енгил конструкцияларни кенг қўллаш саноат қурилиши самарадорлигини оширишнинг муҳим заҳираларидан ва унинг техник тараққиёти бош йўналишларидан ҳисобланади.

Енгил конструкциялар деганда кўтарувчи ва тўсувчи элементларининг 1 м² юзадаги массаси (ҳимоя қатлами билан биргаликда) 100-150 кг бўлган конструкциялар тушунилади. Бундай конструкцияларни татбиқ қилиш натижасида саноат бинолари ва иншоотларининг массаси 10-15%, улар учун конструкциялар тайёрлаш сермехнатлилиги 1,3 - 1,5 марта, нархи 8-10% га камаяди. Ҳозирги вақтда алюминли қотипмалар ва ёпиштирилган ёғочли конструкциялар, синтетик иссиқлик ҳимоя ва конструктив материаллар каби қурилиш саноатининг янги тармоқлари тез ривожланмоқда, юқори маркали пўлатлардан яхлит листлар (прокатлар) ишлаб чиқариш яхши йўлга қўйилган. Саноат корхоналари таянчлари яхши ривожланганда енгил конструкциялардан фойдаланиш қўламини 25% гача етказиш имкониятлари топилди.

Енгил иншоотлар қуйида келтирилган омилларни ҳисобга олган ҳолда лойиҳаланади:

серматериаллик, сермехнатлилик ва қурилишнинг нарҳини ҳамда эксплуатация харажатларини камайтириш, энергия манбаларини тежаш; самарали қурилиш материаллари ва конструкцияларини қўллаш; кўтарувчи ва тўсувчи конструкциялар массасини камайтириш; асосдаги грунтларнинг физик-механик хоссаларидан, мустаҳкамлик ва деформатив таъсирларидан тўлароқ фойдаланиш; маҳаллий қурилиш материалларини кўпроқ саноатлаштирилган конструкциялар шаклида қўллаш.

Енгил кўтарувчи ва тўсувчи конструкциялардан қурилган ишлаб чиқариш бинолари икки гуруҳга бўлинади:

тўплам шаклида юбориладиган енгил металл конструкциялар асосидаги бинолар;

аралашма конструкциялардан қурилган бинолар.

Биринчиси саноат бинолари (бўлимлари)нинг конструктив схемалари, қамровлари ва бирхиллаштириш талабларига мос ҳолда ишлаб чиқилган. Шундай бинолардан бирининг тури қуйидагича тавсифланади:

устунлар тури 18х12 ва 24х12 м;

четки ва ички устунлар қадами 12 м;

кўтарувчи конструкциялар ёпмалари остигача бўлган баландлик 4,8; 6,0; 7,2 ва 8,4м (крансиз биноларда) 6,0; 7,2; 8,4м (осма кранли биноларда); 8,4; 9,6; 10,9м (кўприк кранли бинолар);

кранларнинг юк кўтарувчанлиги: осма - 1кран 3,2 т ёки 2 кран 2 т дан; кўприк - 8,4м баландликкача 10 т; 9,6 ва 10,8м баландликда 10т-20т - ораликлар сони бўйича бир ва кўп оралikli;

кесимда баландликларнинг фарқ қилишига рухсат этилмайди;

кровли нишаби 1,5% бўлиб, ички сув оқизиш тизими лойиҳаланади;

табiiй ёритиш ён томондан деразалар орқали ва тепадан зенитли фонуслар ёрдамида амалга оширилади;

устунлар пайвандланган кенг елкали қўштаврдан ёки қувурлардан тайёрланади;

кран ости тўсинлари кесилган конструкцияда пайвандланган қўштаврдан тайёрланади.

Ёпманинг кўтарувчи конструкциялари сифатида текис ва чизиqli элементлардан иборат буклама конструкциялар хизмат қилади. Чизиqli элементларга белбоғ (пояс) ва қия тирговучлар, текис элементларга - четки фермалар киради.

Кровлининг кўтарувчи элементи сифатида рухланган пўлатдан 0,8 - 1мм қалинлик ва 60мм баландликка (гофраси) эга бўлган кесимланган тўшама хизмат қилади.

Томларда ўрнатиладиган зенитли фонуслар ўлчамлари 1х1,5; 1,5х1,5; 1,5х3; 1,5х3; 3х3м қабул қилинган. Ёруглик ўтиш жойлари шишапакет ёки швеллер шаклида кесимланган профил шишадан иборат.

Биноларнинг енгил металл конструкциялардан бажарилган дe-ворлари икки турда лойиҳаланади:

уч қатламли панеллардан бажарилиб, эни 1м, баландлиги 2,4-1,2м, қалинлиги 45, 50, 60, 80, 90 ва 100мм.

метал кесимланган(профилланган) варақлар ва минерал пахтали плиталардан тайёрланади.

Аралаш конструкциялари енгил массали биноларнинг кўп қўлла-ниладиган вакилига «Берлин» туридаги конструкция мисол бўлади. Бу конструкциянинг ўзига хос хусусиятларидан энг муҳими том ёпмасининг кўтарувчи конструкцияси қувурлар шаклидаги ўзаклардан иборат. Улар тутунларда юқори мустақамликдаги пўлатдан ясалган болтлар билан ликоп (тарелка)ли шайбалар ёрдамида бирлаштирилади. Ўлчами 24х12 ва 18х12м бўлган бўлимлар ерда тайёрлангач монтаж қилинади.

Катта оралikli осма конструкциялар учун темирбетонли устунлари бўлган осма икки рафаqli фермалардан ташкил топган конструктив схема қулай ҳисобланади. Бундай ҳолда кўтарувчи пўлат иплар (тросслар) ферманинг симметрик жойлашган рафақларига маҳкамланади. Ўз навбатида бу ечим мураккаб таянчлардан фойдаланишдан холи қилади.

Қурилиш амалиётида (Германия) кенглиги 390м бўлган порг омбор хонасини чодирли (синтетик пленка) осма конструкцияда ёпиш ечимидан фойдаланиш ҳоллари ҳам учрайди.

Енгил ёпма конструкцияларнинг самарали турларидан бири, бу ҳам бўлса ёпмаларнинг ёпиштирилган қўғарувчи констукциялари ҳисобланади.

Ёғоч элементларини бирлаштириш синтетик клейлар ёрдамида уларни бир бўлимга йиғишдан иборат. Бундай конструкциялар ёпишга ва чиришга чидамли бўлади. Конструкцияларни минерал қатламлар билан шимдириш уларни чиримайдиган ва ўтга чидамли қилади.

Кесилган дарахтлардан тўсин, ферма, равоқ (арка)каби текис, гумбаз, қубба, қобик сингари фазовий конструкциялар тайёрлаш мумкин. Бироқ кейингиси саноат қурилишида деярли ишлатилмайди. Текис конструкцияларни ёғочлар ерли материаллар бўлган жойларда тайёрлаш мақсадга мувофиқ келади.

14.1. Девор панеллари

Деворлар учун энг енгил конструкциялар - пўлат, алюминий ва бошқа варақларга кўпиклиаст самарали иситгични бирлаштириш орқали тайёрланади. Енгил деворлар қурилиш майдонида варақлар бўйича йиғилган ёки заводда тўла тайёрланган ечимларда бажарилади. Одатда, енгил девор панелларининг четки томонларига метал варақлар, оралиғига эса иссиқликдан ҳимояловчи материаллар қўлланилади. Пўлат варақларнинг ўлчамлари қуйидагича бўлади: узунлиги 12м гача, эни 750 ва 1000мм, қалинлиги 0,8 - 1мм. Букламаларининг (гофр) баландлиги 10-50мм ни ташкил этади. Улар кўпик пласт варақларга пайвандланган найзача (шпилка)лар ёрдамида бириктирилади. Панелларнинг ўзлари эса тўсинларга пўлатли зулфинлар ёрдамида маҳкамланади.

Энг иқтисодли ва саноатлаштирилган деворлардан «сэндвич» туридаги уч қатламли каркассиз панель ҳисобланади. Тайёрлаш жараёнида кўпик полиуретанли иссиқлик ҳимоялагич метал варақлар орасида кўпчийди ва уларга маҳкам ёпишади. Уларнинг ўлчамлари эни 1м, бўйи 12м гача бўлади.

Монтаж жараёнида улар тиккасига ўрнатилади ва ётиқ пўлатли тўсинларга маҳкамланади. Панелнинг қалинлиги 50-60мм, массаси 5-8кг/кв.м. Нархи керамзитбетонли панеллардан 15% арзонга тушади.

Алюминийли варақлар (қалинлиги 1мм) билан пардозланган пласт-масса асосидаги уч қатламли панеллар 6м узунликда лойиҳаланади; 1м² панелнинг массаси 11-18кг ни ташкил этади.

Иситилмайдиган биноларда, кўп иссиқлик чиқадиган цехларда, технологик жараёнлар портлаш хавфи билан боғлиқ иншоотларни қуришда асбестцемент варақли материаллардан панелларни тайёрлаш мақсадга мувофиқ ҳисобланади. Қўлланиладиган асбестцементли варақларнинг узунлиги 2,3 - 2,8м, эни 1,0м ва қалинлиги 8мм ни ташкил этади.


Саноат биноларининг деворлари учун пластмассасадан хилма-хил шаффоф панеллар ишлаб чиқариш ҳам амалиётдан кенг ўрин тутмоқда. Бу мақсадларда узунлиги 6м, эни 1,5м гача ва қалинлиги 1,5 м гача бўлган шипа

пластикадан тайёрланадиган тўлқинли варақлар ишлатилади. Варақлардаги тўлқин баландлиги 54мм гача, қадами эса 200мм гача бўлади. Бу варақлар юқори мустаҳкамлик, катта қаттиқлик ва яхши шаффофликка эга.

Шу билан бирга, пластмасса асосида тайёрланадиган буюмларни қўллашдан аввал, ёнгин содир бўлган ҳоллардаги уларнинг ҳолати яхши таҳлил этилади ва иссиқ иқлим таъсиридаги хусусиятлари ҳам ўрганилади.

14.2. Ёпмалар


Бундай ёпмалар сифатида профилли (трапеция шаклидаги букланган конструкция) рухланган пўлат ва алюминли тушамалар ишлатилади (2.57-2.58-расмлар).



2.57-рasm. Ёнгиллаштирилган ёпма плита

а-плитанинг умумий кўриниши ва қирқими; б-бўйлама туташув жойи; 1-плитанинг бўйлама қовургаси; 2-қўндаланг қовургаси (швеллер № 14); 3-рухланган проф. тушама; 4-ўзи кесувчи болтлар; 5-бугдан ҳимоя; 6-фенолни кўпикпласт; (50 мм, $\rho = 50 \text{ кг/м}^3$); 7-стяжка (М 300); 8-бир қатлам руберонд (РМ-350); 9-чок элементи; 10-ёпқич

Тушама ўрама пўлатдан ишланиб, унинг қалинлиги 0,8 - 1мм, баландлиги 40, 60 ва 80мм, эни эса 660 ва 782мм ни ташкил этади. Бундай металдан том учун 13 хил ва девор учун 4 хил кесимланган тушама ишлаб чиқарилади. Алюминдан тайёрланадиган варақлар қалинлиги 0,5 - 1,2мм, баландлиги 25-70мм ва эни 1-2м. Тушаманинг узунлиги 2-12м бўлиши мумкин.



2.58-расм. Аллюминий ва асбестцемент билан ўралган ва пластмасса ишлатилган ёпма плиталар

а-умумий кўриниш ва қирқими; б-плитанинг қўндаланг туташув жойи; в-ёпма плитанинг умумий кўриниши ва қирқими; г,д-плитанинг бўйлама ва қўндаланг туташув жойи; 1-ўрама (аллюминий 1-2 мм); 2-сотопласт; 3-мипора ва перлит; 4,5-аллюминийли бурчаклик ва тунока (1 мм); 6-фанера (20 мм); 7-зичлагич (ҳар 300мм да); 8-фальц; 9-пороизол; 10-асбестцементли тахта; 11-кўпикпласт (100 кг/м³); 12-асбестцементли профиль; 13-мум; 14-минерал юнг; 15-ўрама «гилам»

Кўриб ўтилган тушамалар том тўсинлари ёки сарровларга ўрнатилиб, диаметри 6мм ли ўзи кесадиган болтлар билан маҳкамланади. Тушама устидан плитали иситгич (кўпик пласт, кўпикполистирол,...) ётқизилади. Устидан ўрамали гилам ва нишаби 1,5 % ни ташкил қилган ҳимоя қатлами ўрнатилади.

Том тўсиғи (парапед) паст бўлса, ўрамали гилам устидан ўтказилади; баланд бўлса, унинг деворига 350-300мм баландликда маҳкамланади.

Асбестцементли йирик плиталар иситиладиган саноат биноларида қўлланилади. Уларнинг ўлчамлари 1,5х3м, 1,5х6м бўлади ва минерал пахта билан иситилади. Плиталар пулат сарровларга ётқизилади.

Ушбу плиталарнинг конструкцияси қуйидагича тузилган. Плита асбестцементдан швеллер кўринишидаги харкас ва пастки (қалинлиги 10,5мм) ҳамда устки (қалинлиги 9,5мм) варақлардан иборат. Четларига ёғоч қўйилади ва уларга асбестцементли варақлар мих билан маҳкамланади. Плитанинг деярли барча элементлари эпоксид цементли клей ёрдамида ёпиштирилади. Асбестцементли плиталар 1м² юзасининг массаси 60-80кг ни ташкил этади.

Иситилмайдиган саноат биноларини ёпиш учун металл ёки асбестцементли варақлар (кучайтирилган босимда) тўсинлар ёки сарровлар устида ётқизилади. Афзалликлари: кичик масса, саноатлашиш, иқтисодий

тежамкорлик ва кичик сермеҳнатлилик. Камчиликлари: мўртлик, нам бўлиб қолганда деформацияга учраш. Том қиялиги 25 (кучайтирилган кесимли асбестцемент варақлар)-33 градус(олдий кесимли) дан кам бўлмаслиги зарур.

Назорат саволлари


- 1) Енгил конструкцияларни ишлатиш қанақа самаралар келтиради?
- 2) Енгил бинолар ва иншоотларни лойиҳалашда ҳисобга олинадиган бешта омилни тушунтиринг?
- 3) Тўплам шаклида юбориладиган енгил металл конструкциялар асосидаги биноларнинг конструктив ечимини тушунтириб беринг?
- 4) Аралаш конструкциялардан қуриладиган бинолар деганда нимани тушунасиз?
- 5) Бундай биноларнинг деворлари неча турда лойиҳаланади?
- 6) «Берлин» туридаги конструктив ечимни тушунтириб беринг?
- 7) Катта оралиқли осма конструкциялардан бажарилган биноларга мисол келтиринг?
- 8) Енгил ёғоч конструкциялар деганда нимани тушунасиз?
- 9) Деворлар учун энг енгил конструкциялар қандай тайёрланади?
- 10) «Сэндвич» туридаги каркассиз панель қандай тайёрланади?
- 11) Алюминийли варақлардан тайёрланадиган панелларнинг конструкцияси нимадан иборат?
- 12) Иситилмайдиган биноларда ишлатиладиган енгил ёпмалар конструкцияси нимадан ташкил топган?
- 13) Енгил конструкцияли ёпмалар нимадан иборат?
- 14) Асбестцементли йирик плиталар (иситиладиган)нинг конструкциясини тушунтириб беринг?
- 15) Уларнинг афзалликлари ва камчиликлари нималардан иборат?

15. ПОЛЛАР

Фуқаролик биноларига ўхшаб, саноат биноларида ҳам поллар грунтга ва ораёпмаларга ўрнатилади. Саноат биноларидаги поллар у ерда технологик жараёнлар давридаги бўладиган таъсирларни қабул қилади.

Дастгоҳларнинг ишлаш, огир предметларнинг ерга тушиши жараёнларида, буюмларга ишлов бериш даврида полларда вибрация, динамик ва зарб кучлари пайдо бўлади. Саноат бинолари полларига шунингдек бошқа хилдаги кучлар ҳам таъсир этади. Одам, хом ашё, ярим фабрикатлар, тайёр маҳсулотлар кўчишларидан, рельсиз транспорт ҳаракатидан ҳосил бўладиган ишқаланиш кучлари, иссиқлик таъсиридан пайдо бўладиган физик кучлар шулар жумласидандир.

Баъзи ҳолларда полларга химиявий таъсир кўрсатадиган моддалар тўкилиши ёки тушиб қолиши мумкин.



2.59-расм. Полларнинг конструкцияси

I-плитали поллар: а,б-бетон, цемент-кумли поллар; в,г-пулат,чуян поллар; д-фенолли пол; е,ж-тошқол ситалли поллар, г-гулали пол; и,к-клинкерли,гиштли поллар; л,м-четки поллар; н,п-тахтали поллар; р-линолеумли пол; II-яхлит поллар; с-пахсали пол, т-шағалли пол, у-бетон, цемент-кумли, мозаикали поллар

Шунинг учун ҳам пол қопламаси ва конструкцияси танлаётганда унга таъсир этувчи барча кучлар ҳисобга олинади. Полга умумий талаблар билан бир қаторда махсус талаблар ҳам қўйилади. Мустақамлик, чидамлилик, физик-химик ва биологик таъсирларга чидамлилик, учқун чиқармаслик ва ҳоказолар шулар жумласидандир.

Пол конструкцияси ёпма, қатлам, қоплама, гидроҳимоя, тушама ва иссиқлик ёки товуш ҳимоя элементларидан иборат. Саноат биноларидаги поллар ёпманинг тури ва материали бўйича уч асосий гуруҳга бўлинади:

Биринчи гуруҳга яхлит ёки чоксиз поллар киради. Улар табиий материаллар асосидаги ерли, шағалли, гилли, пахсали, гилбетонли, бирлашма поллардир. Сунъий материаллардан тайёрланадиган полларга бетонли, пўлат бетонли, кошинли, цементли, асфальтли, асфальтбетонли, қатронбетонли, полимерли поллар мисол бўлади (2.59-расм).

Иккинчи гуруҳни донабай материаллардан йигиладиган поллар ташкил этади. Тошли(чақиртошли), чорқирра гўлали, ғиштли, клинкерли, плиткали, бетон, темирбетон ва металемент плитали, нақшли, асфальтбетон, қатрон бетон, керамик тошли, чуянли, пўлатли, пластмассали, ёғочтолали, қуйма тошқоли, топқолситоли, ёғочли ва бошқалар шу гуруҳга киради.

Учинчи гуруҳни ўрама ва варақли материаллардан тайёрланган поллар ташкил этади. Линолеум, релин, синтетик гиламлар, ёғочтолали ва ёғоч пайраҳали варақлардан тайёрланадиган поллар бу гуруҳга мисол бўлади.

Пол конструкциясидаги қатлам асосан донали, ўрама ва варақли полларда бўлади. Динамик кучлар таъсир этадиган бўлса, қатлам ўрта ва йирик донали кумдан, сув, ёғ, керосин, бензин ва ишқорлар таъсир этадиган ҳолларда цементқумли қоришмадан; кислота, ёғ ва сув таъсир этганда - суюқ шишали қоришмадан; сув, ўртача агрессивликдаги ишқор ва хлорид кислота таъсир этганда - битумли мумдан бажарилади.

Қоплама иссиқлик ёки товушдан ҳимоя қатлами бўйлаб бўшлиқсиз полларда қўлланилади. Қоплама қалинлиги 15-25мм қилиб қабул қилинади.

Гидроҳимоя икки қатламли қатрон(битум)дан, икки ва уч қатламли ўрама материаллардан бажарилади. Тушама қатлами бўшлиқсиз грунтга ўрнатиладиган полларда бўлади. Иссиқлик ва товушдан изоляция қатлами енгил ёки катакли бетонлардан тайёрланган плиталар, ёғоч-толали плиталар, керамзит, шлак сингари сочилувчан енгил материаллардан бажарилади.

15.1. Яхлит поллар

Катта статик ва динамик юклар ҳамда юқори ҳарорат таъсир этадиган ҳолларда яхлит ерли поллар ўрнатилади. Мсьёрий хужжат (ҚМҚ. Поллар, лойиҳалаш меъёрлари) асосида грунтнинг гранулометриқ таркиби белгиланади. Бундай поллар олатда 200-300мм қалинликда қатламни зичлаш йўли билан ўрнатилади. Қўшимча сифатида унга шағал, тошқол аралаштиришади. Улар 1400 С ҳароратга чидайди, арзон тушади. Камчилиги: чанги чиқади, ишқаланишга, сув, кислота ва ишқор таъсирларига чидамсиз.

Шағалли, тошқолли поллар омборхоналарда резина гилдиракли автотранспорт юрар жойларида қўлланилади. Улар икки ёки уч қатламли, қалинлиги 100-200мм қилиб бажарилади. Полнинг тепа қатлами йириклиги 15-25мм келадиган шағалдан ёки 5-15 мм тош майдаларидан тайёрланади. Пастки қатламида шағалларнинг йириклиги 60-75мм, ўрта қатламида 30-35мм олинади.

Гилли, пахсали, гилбетон поллар омборхоналарда ва буюмлар тушганда зарба билан таъсир этиш ҳоллари учрайдиган хоналарда ишлатилади. Поллар 15-30% гил, 85-70% қумдан ташкил топади. Шунингдек, уларнинг таркибига 20-25% шағал, тошқол аралаштирилиши мумкин. Аралаш полларнинг пастки қатлами гилдан, ишқаланишга дуч келадиган устки қатлами (50-70 мм) пахсали материалдан бажарилади. Бу поллар ёнмайди, 5000С гача бўлган иссиқликка бардош бера олади.

Бетон поллар намликка, минерал ёғларга дуч келадиган, резина, металл гилдиракка эга ёки металл тасмада юрадиган машиналар ҳаракатланадиган хоналарда ишлатилади. Улар 200-300 МПа мустаҳкамлиги бўлган бетондан 50-100 мм қалинликда бажарилади. Бетон қотгач, унинг сирти силлиқланади. Иссиққа чидамлилиқ талаблари қўйиладиган бўлса, поллар икки қатламли қилиниб, иссиққа чидамли бетондан тайёрланади.

Полнинг устки қатлами катаклари 80х80 мм келадиган симтўр билан арматураланиб (диаметри 5-6 мм), бетонланади. Кислоталарга чидамлилиқ талаблари қўйиладиган хоналарда, полларга қўлланиладиган бетоннинг таркибига цемент ўрнига суяқ шиша ишлатилади. Бетон таркибига кислоталарга чидамли тошларнинг чанг кўринишидаги қўшимчаси ҳам киритилади. Бундай поллар гидрохимоя қатлами устига 50 мм қалинликда ётқизилади. 20 кун ўтгач, полнинг сирти сульфат кислотаси эритмаси билан оксидлантирилади.

Асосларга чидамли поллар ўрнатиладиган бўлса, бетонга қўлланиладиган цемент таркибидаги уч кальцийли альюминатнинг миқдори 5%дан ошмаслиги талаб этилади. Чангли қўшимча эса зич оҳақтош ёки отқинди жинслардан олинади.

Бетон поларнинг ишқаланишга мустаҳкамлигини ошириш учун таркибига пўлат қириқдилари ва қипиқлари (катталиги 5мм гача) қўшилади. Бундай поллар металлбетон номи билан юритилади. Полларга керакли ранг бериш учун рангли цементлар ёки пигментлар, силлиқланадиган қаттиқ жинс (мармар, гранит, базальт,...)лардан олинган кичик пағаллар ва қумлар ишлатилади. Бундай поллар нақшли (мозаикали) поллар деб аталади. Бетон полларнинг асоси 80-200 мм қалинликдаги тўшмадан бажарилади.

Катта юклар таъсири бўлмаган хоналарда цементли поллар ишлатилади. Улар 300-400 маркали цементдан 1:2 - 1:3 таркибда тайёрланадиган қоришмалардан 20-30 мм қалинликда тайёрланади. Ранг бериш масалалари ҳам бетонли полларга ўхшаш бажарилади.

Цементли поллар бетонли полларга ўхшаб, ишқорга чидамли, нақшли, металл цементли кўринишда бажарилади ва сирти темирлаштирилади. Цементли поллар бикр асосда ўрнатилади.

Асфальг ва асфальтбетон поллар қатор афзалликларга эга: сув ўтказмайди, сирпанчиқ эмас, эластик(юринишга қулай), енгил таъмирланади. Бироқ буларни иссиқ хоналарга, тўплама куч таъсир етдиган жойларга қўллаб бўлмайди. Улар бензин, керосин, минерал ёллар ва органик эритмалар таъсирига чидамсиз бўлади.

Асфальт поллар майдаланган оҳактош ёки қумтош, битум ва қум аралашмасидан тайёрланади. Улар учун асос сифатида 80-100 мм қалинликдаги бетон, зичланган шағал хизмат қилади.

Асфальт 25 мм қалинликда бир қатламли ёки 40 мм қалинликда икки қатламда бажарилади. Катта юклар таъсир етдиган хоналарда ва жойларда асфальт бетон поллар ётқизилади.

Асфальтбетонли поллар таркибига қўшимча равишда шағал ва чанг кўринишидаги моддалар (кўмир, сланец ва бошқа материаллар кули) киритилади. Пол қалинлиги 50-100 мм ни ташкил етати.

Полимер асосидаги поллар хилма-хил хоссаларга эга бўлганлиги ва қулайликлари туфайли қурилишда ўз ўрнини топти. Улар мум, қоринма ва бетон кўринишида тайёрланади.

Мумнинг таркиби полимер боғловчи, чанг кўринишидаги қўшилма, пигмент ва эритмадан иборат. Қоришмага қўшимча равишда қум, бетонга эса шағал ҳам қўлланилади.

Боғловчи моддалар сифатида, масалан, поливинилацетат эмульсияси, карбонид қатрони (смоласи), эпоксидли, фуранли, алкидли таркиблардан фойдаланилади.

Енгил саноат бинолари, асбобсозлик бинолари хоналарида умумий қалинлиги 3-4 мм келадиган икки қатламли мумли поллар еки қалинлиги 6-10мм бўлган қоришмали поллар ишлатилади. Зарбага дуч келадиган поллар умумий қалинлиги 7-10 мм ли мумдан, қалинлиги 10-14 мм бўлалиган қуйма қопламалардан ёки 30-40 мм қалинликдаги полимерцементли бетондан тайёрланади.

Қоплама ости тўшамаси 20-40 мм қалинликда цемент-қум қоришмаси, 30-40 мм қалинликдаги иссиқ бетон, 15-20 мм ли кsilолит, ёгоч-толали ёки ёгоч-кипикли плиталар каби материаллардан тайёрланади.

Полимерли полларнинг гигиениклигини ошириш учун унинг сиртини лок билан бўяш гавсия етилиди.

Ҳозирги вақтда кўп ишлатиладиган поллар жумласига поливинилацетатли мумли, фуран қоришмали, эпоксид-бетонли, поливинилацетат-цемент-бетонли полларни номларини келтириш мумкин.

15.2. Донабай материаллардан тайёрланган поллар

Қайроқ ва чорқирра гўлали поллар катта динамик ёки статик таъсирларга учрайдиган, юқори ҳарорат чиқадиған ва занжирли гилдираги бўлган транспорт тез ҳаракат қиладиган жойларда ўрнатилади.

Ишлатиладиган қайроқлар ёки ёриб олинган тошларнинг ўлчамлари 120-200 мм бўлади. Тошларнинг сирти 100-120 мм бўлиб, уларнинг асосда ётадиган қисмининг ўлчами шуни 60% дан ортигини ташкил қилиши лозим.

Пол остидаги тўшаманинг қалинлиги 60 мм бўлиб, қумдан ётқизилади. Тошлар қумга баландлигининг 1/3 қисмига киритилади. Сунгра уларнинг чоклари шағалча ва қум билан тўлғизилиб, зичланади.

Чорқирра ғўлалли поллар гранит, диабаз ва бошқа мустаҳкам материаллардан тайёрланади. Ғўланинг қалинлиги қумли тўшама бўлса 120-160 мм, бошқа хил тўшама бўлса 100-120 мм қабул қилинади. Тўшама буйича ётқизиладиган қатламнинг қалинлиги қум бўлса 30-40 мм, цемент-қум қоришма бўлса 10-15 мм, битумли ёки қатронли мум бўлса 2-5 мм, суюқ шишали қоришма бўлса 10-15 мм қабул қилинади. Ғўланинг чоклари тўшама материали билан тўлдирилади. Ғўлалар қўшни қаторлардаги чокларни боғлаш йўли билан терилади.

Ғиштли поллар арзон, бироқ уларнинг мустаҳкамлиги қайроқ ва чорқирра ғўлалли тошлардан тайёрланган поллардан кичик.

Белгиланган тартибда ғиштлар орасидаги чокларни тўлдириш полларни кислоталарга чидамли қилиб тайёрлаш имкониятини беради.

Бундай полларга оддий ғишт, қатрон ёки қорамум билан шимдирилган ғишт, клинкерли ва кислоталарга чидамли ғиштлар мисол бўлади. Ғиштлар юзаси ёки ён томони билан ётқизилади. Поллар режада тўғри қаторли, қия ва арча кўринишида терилади. Ғиштларнинг чоклари суюқ шиша асосидаги қоришма ёки қора мум билан тўлдирилади.

Плиткали поллар фуқароли биноларида ишлатиладиган поллар сингари бажарилади. Саноат биноларида уларнинг мустаҳкамлиги ва чидамлилигига асосий эътибор қаратилади. Эслатиб ўтилган плиткали поллар билан бир қаторда, қўйма тошқолли плиткалар, синтетик материаллар асосидаги плиткалар, чўян ва пўлатдан тайёрланган плиткалар ҳам саноат биноларида кенг қўлланилади.

Қурилишни саноатлаштириш мақсадида қўйма тошқолли панелларнинг ўлчамлари йириклаштирилиб, 1200х950х120 мм қабул қилинган. Ҳар қайси панель 12 та плиткадан ташкил топган. Пластбетондан тайёрланган қовурғали плиткалар ўлчамлари 1000х1000 мм. Қовурғаси қалинлиги 50-60 мм, плиткаси қалинлиги 10-30 мм ни ташкил этади.

Чўян плиткчаларнинг ўлчамлари икки хилда тайёрланади: қумга ётқизилса 248х248х42 мм, қоришмага ётқизилса 298х298х30 мм. Булар асосан металлургия саноатининг иссиқ цехларида қўлланилади. Чўян ва пўлатли поллар ҳар қандай транспортнинг юришига мўлжалланган.

Саноат биноларда ишлатиладиган **ёғоч поллар** қоплама тавсифига кўра четки ва ёғочли хилларга бўлинади. Бундай поллар қум (10-20мм қалинликда) ёки қора мум қатламга урнатилади. Қатлам асоси эса бетонли тўшамадан ташкил топади. Тўшама шунингдек, гилбетон, шағал ёки асфальтобетондан иборат бўлиши мумкин.

Ёғоч полларда ёғочлар (тўртбурчакли шашкалар, ўлчамлари 40-100x100-260 мм; олтибурчакли шашкалар қирраси 120-200 мм, баландлиги 60 ва 80 мм) иссиқ қора мум билан ёпиштирилади. Ёғоч полларга турли шакллар берилади. Уларни теришда қўшни қаторлари чоклари ўзаро боғланади.

Тахта поллар (фуқаролик биноларида кўриб чиқилган) хоналарда кагта юк бўлмаган, ҳўл ёки ўт хавфи туғилмаган хоналарда ишлатилади. Шунингдек, улар маъмурий маиший хоналарда ҳам ишлатилади. Тахта поллар, олатда, асос, товушдан ва намдан ҳимоя қатлам, лага ва қопламадан ташкил топади.

15.3. Ҷрама материаллар асосидаги поллар

Булар жумласига линолеумли, сувга чидамли мум шимдирилган ёғоч-толали, ёғоч-пайрахали плиталардан тайёрланган поллар киради. Ёғоч толали плитанинг узунлиги 1200-5400 мм, эни 1200, 1600 ва 1800 мм, қалинлиги 3 ва 4 мм. Ёғоч-пайрахали плиталарнинг узунлиги 2500 ва 3500 мм, эни 1750-1750 мм, қалинлиги 13-19 мм.

Юқорида келтирилган полларнинг конструкциялари 1 бўлимда ўрганилганлиги сабабли, бу ерда уларнинг фақат саноат биноларида ишлатиш тўғрисидаги маълумотлар келтирилади.

Ёғоч поллар ишлаб чиқариш ва ёрдамчи биноларда статик ва динамик кучлар кичик, юқори ҳарорат, салбий суюқликлар ва автотранспорт серҳаракат бўлмаган хоналарда ишлатилади.

Грунтларда ва ораёпмаларда ўрнатиладиган полларга деформация чоклари ўрнатилади. Чоклар қўйилаётган жойларда полнинг барча конструкцияси кесилади ёки фақат тўшама қатламида (донали элементлардан тайёрланадиган бўлса) жойлаштирилади. Чоклар бионинг ҳарорат чокларига мослаб ўрнатилади. Бегонли тўшамаларда деформация чоклари ҳар 6-12 м да қўйилади. Деформация чокларида рухланган пулатдан тайёрланган мувозанатлагичлар (қалинлиги 0,6-0,8 мм) ўрнатилади.

Деформация чоклари қора мумга кум қўшилган аралашма билан тўлдирилиши мумкин. Юқори ҳарорат таъсир этадиган бўлса, чоклар кум ва асбест материаллар билан тўлдирилади.

Назорат саволлари

- 1) Саноат бинолари полларининг ўзига хос хусусиятлари нималардан иборат?
- 2) Пол конструкцияси қандай тузилган?
- 3) Поллар неча гуруҳга бўлинади? Улар қайсилар?
- 4) Яхлит ва чоксиз полларга нималар киради?
- 5) Ерли, шагали, тошқолли, гилли, пахсали, гилбетонли полларнинг конструкциялари нималардан иборат?

- ## 16. ПАРДЕВОР, ЭШИК, ДАРВОЗА ВА ЗИНАПОЯЛАР. ИШЧИ МАЙДОНЧА ВА ОЧИҚ ЖАВОНЛАР ҚУРИЛМАЛАРИ

The image contains two sets of technical drawings, labeled 'a)' and 'b)', representing different bridge designs. Each set includes a side elevation, a plan view, and a cross-section.


- Design 'a)'**:
 - Side Elevation (top left)**: Shows a bridge with a central span and two side spans. Dimensions include 1500, 1500, and 1500 for the spans, and 1500 for the total length. A vertical dimension of 1500 is also shown.
 - Plan View (middle left)**: Shows the bridge layout with dimensions 1500, 1500, and 1500 for the spans, and 1500 for the total length. A vertical dimension of 1500 is also shown.
 - Cross-section (bottom left)**: Shows a cross-section of the bridge with dimensions 1500, 1500, and 1500 for the spans, and 1500 for the total length. A vertical dimension of 1500 is also shown.
- Design 'b)'**:
 - Side Elevation (top right)**: Shows a bridge with a central span and two side spans. Dimensions include 1500, 1500, and 1500 for the spans, and 1500 for the total length. A vertical dimension of 1500 is also shown.
 - Plan View (middle right)**: Shows the bridge layout with dimensions 1500, 1500, and 1500 for the spans, and 1500 for the total length. A vertical dimension of 1500 is also shown.
 - Cross-section (bottom right)**: Shows a cross-section of the bridge with dimensions 1500, 1500, and 1500 for the spans, and 1500 for the total length. A vertical dimension of 1500 is also shown.

а-темирбетонли панелдан; б-пишиагипсан; в-профилли пўлат тушмадан; г-алюминийли панелдан (герметик хоналар учун); 1-устун; 2-парда дсвор панели; 3-любель; 4-эгилган профилъ; 5-ёғоч гўла; 6-пишиагипсли панель; 7-герметик; 8-бурчаклик; 9-ярим қаттиқ минерал пахтали плита; 10-профилли пўлат тунока; д,е-шундай, гиш панелли парда дсворлар


Йиғилувчи-бузилувчи парда деворлар ёғоч, металл, темирбетон, шиша ёки пластмассалардан иборат тўсиқ ёки панеллардан тикланади. Тўсиқли парда деворлар устиворлиги устун ҳамда устки ва пастки боғламадан иборат каркаслар ёрдамида амалга оширилади. Тўсиқ ёки панеллар уламалар ва тўлдирувчилардан иборат бўлади.

Дарвоза ва эшиклар

Саноат корхонасига транспорт воситаларини киритиш, жиҳозларни кўчириш ва қўплаб одамларнинг кириб чиқиши учун дарвозалар ўрнатилади (2.61-.63-расмлар).




а-фасаддаги уйғунлик воситалари: 1-функционал ранглаш; 2-суперграфика; 3-ҳалкакаш; 4-айвонча; 6-дарвоза жойини ҳалқакаш; 1-гишт девор қисми; 2,3-чорчуп элементлари; 4-панелли девор



2.62-расм. Дарвозанинг турлари

а-ланг очилувчи; б-силжувчи; в,г-булимли силжувчи; д-тўлиқ кутарилувчи; е-букланиб ўтарилувчи; ж,з-кўтарилувчи-булимли; и-думаланувчи (пардали)



2.63-расм. Ланг очилувчи дарвозалар конструкцияси

а-ташқи ва ички кўриниши; б-тик қирқим; в-режа: 1-каркас; 2-очилмайдиган фрамута; 3-очиш механизми; 4-осиш элементи; 5-этик; 6-тортқич; 7-ёғоч улама; 8-тавакасининг иситтичи; 9-бугдан ҳимоя; 10-иситтич; 11-тахтали қоплама; 12-арматураланган шиша

Уларнинг ўлчамлари технологик жараён ва бирхиллаштириш талабларидан келиб чиқади.

Дарвозалар ўлчамлари электр аравача ва эни 2м, баландлиги 2,4м гача бўлган вагонча ҳамда турли юк кўтариш қобилиятига эга автомашиналар учун - 3х3, 4х3 ва 4х3,6м; тор изли темир йўл транспорти учун - 4,7х5,6м қабул қилинади. Самолётсозлик ва шунга ўхшаш корхоналар учун улар кагта ўлчамларда лойиҳаланади.

Очилиши бўйича очилувчи, сурилиб очилувчи, тавақали, кўтарилувчи, парда, кўп тавақали гилдиракли дарвозалар мавжуд. Дарвоза тавақалари ёғочдан, пўлат каркаси бўлган ёғочдан ва пўлатдан тайёрланади. Улар иситилган, иситилмаган, совуқ, эшикчасиз ва эшикчали бўлиши мумкин. Дарвозалар тавақалари қўлда ёки механизмлар ёрдамида очилади.

Ланг очилувчи дарвозалар амалиётда кенг қўлланилади. Агар дарвоза кичик бўлса, ёғочдан тайёрланади. Агар унинг буйи ва эни 3 м дан кўп бўлса пўлат каркас тайёрланиб, ичи ёғочдан бажарилади.

Дарвозанинг ёғочли тавақаси улама, бир ёки бир неча ўзак ва қалинлиги 25мм бўлган тишли тахта билан тўлғизилган жияк (обшивка)дан ташкил топган. Тавақанинг бикрлигини ошириш учун каркас элементлари учрашган бурчакларга метали ёпқич (накладка), осилмаслиги учун эса айлана пўлатдан диаганалли тортмалар ўрнатилади. Дарвоза тавақалари икки жуфт шарнирлар ёрдамида ўрнатилиш жойига ҳалқаланган чорчўпга осилади. Чорчўплар темир бетондан, пўлатдан ёки ёғочдан тайёрланиши мумкин. Биринчиси қурилиш амалиётида кенг тарқалган (2.60-расм).

Ланг очилувчи дарвозалар, одатда кўча эшиги билан тайёрланади. Дарвоза ўлчамлари катталашса, ланг очилувчи ечим номаъқул бўлиб қолади. Бундай ҳолларда сурилиб очилувчи дарвозалардан фойдаланилиши. Бундай дарвозаларнинг устида рельс ўрнатилади ва шунга у гилдиракли билан осилади. Гилдиракларнинг ҳаракатланиши туфайли дарвоза очилиб ёпилади (2.64-расм).

Тавақали, кўп тавақали кўтарилувчи, пардали, кўтарилувчи-айланувчи дарвозалар хоналар майдони тор бўлган жойларда қўлланилади. Парда дарвоза унинг устида ўрнатиладиган барабанга ўралган шарнирли боғланган паст элементлардан иборат тавақалардан ташкил топади.

Саноат биноларида ишлатиладиган эшикларнинг конструкцияси 2.65-расмда акс эттирилган. Фуқаро биноларида фойдаланиладиган эшиклар конструкциясидан фарқ қилмайди. Шунинг учун бу бўлимда эшиклар ҳақида маълумотлар такрорланмаган.

Хизмат зинапоялари жиҳозлар ўрнатилган ишчи майдончаларни ўзаро боғлайди, баъзи ҳолларда қаватларни ҳам бир-бири билан боғлаши мумкин.


Ёнғин нарвонлари ёнғин содир бўлганда бинонинг юқори қаватлари ва томига чиқиш учун хизмат қилади.

Ҳалокат зинапоялари ёнғин ёки ҳалокат содир бўлганда одамларни ташқарига чиқиб кетишлари учун хизмат қилади.

Саноат биноларининг асосий зинапоялари фукаролик бинолари асосий зинапояларига ўхшаш конструкцияланади. Саноат иншоотларида хоналар баланд бўлганлиги сабабли зиналар уч, тўрт ва беш маршли лойиҳаланади.

Хизмат зинапояларидан чекланган миқдордаги кишилар фойдаланганлиги учун улар очиқ ҳолда катта қиялик билан ўрнатилади. Бундай зинапояларнинг кўтарувчи элементлари сифатида иккита металдан тайёрланган чизимча (тетива) хизмат қилади. Унга зинапоя ўрнатилади (2.66-расм).

Қиялик 60 градус гача бўлса, зинапоя учун тарамли пўлат, 60-80 градус бўлса - диаметри 16-19мм бўлган 2-3 дона пўлатли ўзак, агар қиялик янада ортса, биртадан пўлатли ўзак ўрнатилган нарвон ишлатилади. Зинапояларнинг кенглиги биринчи иккита ҳолат учун 700-900 мм, нарвон учун - 700 мм қабул қилинади.



2.66-расм. Хизмат зиналари конструкцияси

а-кранга хизмат кўрсатиш зинаси ва майдончаси; б, в-хизмат зиналари турлари

Майдончаларнинг кўтарувчи элементлари учун пўлатли тўсинлар хизмат қилади. Улар прокат кесимли пўлатдан тайёрланади. Тўсинлар

устида тарамланган варақали ёки ўзакли пўлат материаллар ётқизилади. Майдонча атрофи тирговуч (стойка) ва тутқич билан ўралади.


Ёнгин нарвонлари (зинапоялари) иншоотлари баландлиги 10м дан ортиқ бўлса, саноат иншооти периметри бўйича ҳар 200м, ёрдамчи биноси периметри бўйича эса ҳар 150м да қўйилади.

Био баландлиги 30м дан кичик бўлса, нарвон кенглиги 600мм, 30м дан орта - 700мм (ҳар 8м баландликда майдонча) лойиҳаланади. Ёнгин зинапоялари пардевор қаршисида, ерга 1,5-1,8м етказмасдан жойлаштирилади. Ҳалокат зинапоялари ҳам шунга ўхшаш бўлади, лекин улар ергача етказилади. Қиялиги 45 градусдан ошмайди. Эни 0,7м, баландлик 3,6м дан оширмасдан майдончалар ўрнатилади.

Ишчи майдонча ва очиқ жавонлар қурилмалари

Ишчи ва технологик майдончалар ер усти транспорти, муҳандислик ва технологик жиҳозларга хизмат кўрсатиш учун лойиҳаланади. Вазифаларига кўра улар ўтиш, ўтириш, таъмирлаш ва кузатиш майдончаларига бўлинади.

Технологик жиҳозлар ўрнатиш мақсадида ишчи майдончалардан фойдаланади. Нефть, химия ва бошқа тармоқлар саноатида очиқ жавонлар кўринишидаги ишчи майдончалари кенг тарқалган (2.67-расм).



2.67-расм. Иншоот ичига йиғилувчи-бузилувчи шийпон туридаги жавоннинг қиққимда кўриниши

Очиқ жавонлар паст (4-5 қаватгача) ва баланд, йиғма-бузилувчи ва кўчмас, пўлатдан ва темирбетондан ясалади. Ишчиларни майдончага кўтариш учун лифт хизмат қилади.

Енгил жиҳозлар учун мўлжалланган ишчи майдончалари тўсинли кўтарувчи конструкция, тўшам ва ҳимоя деворчадан ташкил топади.

Кўприк кранларни таъмирлаш иш майдончаси кран ости тўсинининг устки белгиси сатҳида (тўсинлар ўртасида), ўтириш майдончасини эса кран бўлими (кабинаси) сатҳида жойлаштирилади. Бу майдончалар кран ости тўсинлари ва устунларга маҳкамланади. Майдончалар тўшамаси пўлатдан ёки ёғочдан бажарилиши мумкин.

Пўлатли очиқ жовонлар мойларни тозалаш қурилмалари, синтетик каучук, спирт заводлари каби саноат корхоналарида қўлланилади. Уларнинг баландликлари 100м ва ундан ҳам ортиқ бўлиши мумкин. Бу ерда ишчи майдончалари технологик жиҳозлар ёки мустақил каркасга ўрнатилиши мумкин.

Темирбетоннинг ишлатилиши самара берадиган ҳолларда темирбетон очиқ жавонлар лойиҳаланади.

Одатда, очиқ жавонларнинг пастки қисмлари темир бетондан бажарилиб, устки қисмлари пўлатдан тайёрланади.

Шийпон кўринишидаги биноларда ва уларга ўрнатиладиган жавонлар темирбетон конструкциядан йиғилади.

Очиқ жавонлар боғлама схемадаги каркас, шарнирли боғланган тўсинлар ва бикр бирлаштирилган устунлардан иборат бўлади. Жавонларнинг максимал баландлиги 18м га тенг бўлади. Устунларга тортма болтлар ёрдамида, 1200 мм га каррали баландликларда рафақлар ўрнатилади. Каркаслар бикрлиги бўйлама йўналишда пештоқли, кўндаланг йўналишда крестли, металлдан тайёрланган боғламалар ёрдамида амалга оширилади. Ораёпма плиталар бўйлама йўналишда маҳкамланмасдан ётқизилади.

Йиғма конструкциялардан бажариладиган жавонларда устунлар тури 4.5-9х6м қабул қилинади (1,5м га каррали). Кўндаланг йўналишда қаноти 1,5 ёки 3м бўлган ораёпмаларнинг рафақли конструкциялари лойиҳаланиши мумкин.

Назорат саволлари

- 1) Саноат биноларида қўлланиладиган парда деворларнинг фуқаролик бинолари парда деворларидан фарқи нимада?
- 2) Парда деворларнинг турларини тушунтириб беринг?
- 3) Дарвозаларнинг вазифаси нимадан иборат?
- 4) Уларнинг ўлчамлари нималарга боғлиқ?
- 5) Очилиши бўйича дарвозаларнинг қанақа турлари мавжуд?
- 6) Ланг очилувчи дарвозалар конструкциясини тушунтириб беринг?
- 7) Сўрилиб очилувчи дарвозаларнинг конструкцияси нимадан иборат?
- 8) Парда дарвоза деганда нимани тушунаси?
- 9) Эшикларнинг конструкцияси нимадан иборат?
- 10) Зиналарнинг қайси турларини биласиз?

- 11) Асосий ва хизмат зиналарини танлаш ва уларнинг конструкциясини тушунтириб бериш?
- 12) Ёнгин ва ҳалокат зиналарига тавсиф бериш?
- 13) Ишчи ва технологик майдончалар қайси вазифани бажаради?
- 14) Очиқ жовонларнинг қандай турлари бор?
- 15) Ишчи майдончаларининг конструкциялари нималардан ташкил топган?
- 16) Куприк кранларга хизмат кўрсатиш ишчи майдончалари қаерда маҳкамланади?
- 17) Очиқ жовонлар конструкцияларини тушунтириш.

АДАБИЁТЛАР

1. Архитектура ва шаҳарсозлик ҳақида. Ўзбекистон Республикасининг қонуни. Тошкент. 22.XII. 1995 йил.
2. ҚМҚ 2.01.01-94. Лойиҳалаш учун иқлимий ва физик-геологик маълумотлар. Т. 1994 йил.
3. ҚМҚ 2.01.01-96. Зилзилавий ҳудудларда қурилиш. Т. 1996 йил.
4. Архитектура гражданских и промышленных зданий. Том II. Основы проектирования. Под. общ. редакцией В.М.Предтеченского. М. Стройиздат, 1976 год.
5. Архитектура гражданских и промышленных зданий, том V, Промышленные здания. Л.Ф.Шубин. М.Стройиздат, 1986 год.
6. Архитектура гражданских и промышленных зданий. Промышленные здания. Б.Я.Орловский, Я.Б.Орловский. М.Высшая школа, 1991 год.
7. Буренин В.А. Основы промышленного строительства. М. Высшая школа, 1984 год.
8. Вахитов М.М. Саноат бинолари ва иншоотлари. I қисм. Бухоро, «Муаллиф» 2001 йил.
9. Вахитов М.М. Саноат бинолари ва иншоотлари. II қисм. Бухоро, «Муаллиф» 2001 йил.
10. Проектирование вспомогательных зданий и помещений промышленных предприятий. Под. ред. Л.Ф.Шубина. М. Высшая школа, 1986 год.
11. Воҳидов М.М., Мирзаев Ш.Р. Бинолар ва иншоотлар конструкциялари. Тошкент, Меҳнат, 2003 йил.

Дарсликдаги баъзи сўз ва ибораларнинг ўзбекча-русча лугати

Пойпеш	-	цоколь
Ораёлма	-	перекрытия
Том ёлма	-	покрытия
Чордоқ	-	чердак
Пардевор	-	перегородка
Қозиқ	-	свай
Чок	-	шов
Тўшама	-	отмоска
Зулфин	-	анкер
Бурчаклик	-	угольник
Лослаш	-	конопатка
Буг изоляцияси	-	пароизоляция
Урама	-	рулон
Сувни қочириш	-	водоотвод
Осма шифт	-	подвесной потолок
Ёғоч часпак	-	плинтус
Қия тўсин	-	косоур
Фонус	-	фонарь
Боглама	-	связь
Равоқ	-	арка
Ошиқ-мошиқ	-	шарнир
Чорчўп	-	рама
Қобиқ	-	оболочка
Букланган	-	складчатый
Гумбаз, қубба	-	купол
Қовургали	-	ребристый
Текис	-	плоский
Осма	-	подвесной
Тавақа	-	полотно
Кесаки	-	коробка
Қўштавр	-	двутавр
Пойдевор	-	фундамент
Асос	-	основание
Икки шохли	-	двухветвенный
Панжара	-	решётка
Хоч	-	крест
Устун қоши	-	капитель колонны
Таянч курсиси	-	опорный столик
Пўлат арқон	-	тросс

МУНДАРИЖА

КИРИШ	4
I ҚИСМ. САНОАТ ИНШООТЛАРИНИ ЛОЙИХАЛАШ АСОСЛАРИ	5
1. САНОАТ ИНШООТЛАРИНИ ЛОЙИХАЛАШНИНГ	5
УМУМЙ ҚОИДАЛАРИ	5
1.1. Саноат иншоотларининг таснифи	8
1.2. Саноат иншоотларининг юк кутарувчи ва ташувчи жихозлари. Цех	
ичидаги рельсли ва рельсиз транспортлар	11
1.3. Саноат иншоотларидаги технологик жараён	15
ва уларга қўйиладиган асосий талаблар	15
2. САНОАТ БИНОЛАРИНИ ЛОЙИХАЛАШНИНГ ФИЗИК-ТЕХНИК	
МАСАЛАЛАРИ	16
2.1. Хоналардаги ҳаво муҳити	16
2.2. Хоналар аэрацияси	18
2.3. Хоналарни ёритиш	20
2.4. Хоналарни шовқиндан муҳофаза қилиш ва вибрация	23
2.5. Саноат иншоотларининг ҳажм-режавий ва конструктив ечимларини	
бажаришда ишлаб чиқариш технологияси ва муҳитининг ўрни	26
3. САНОАТ ИНШООТЛАРИНИНГ ҲАЖМ-РЕЖАВИЙ ЕЧИМЛАРИ	29
3.1. Модуль координациясининг ўзига хослиги. Бирхиллаштириш ва	
туркумлаштириш	29
3.2. Ҳажм-режавий ва конструктив ечимларни ишлаб чиқишнинг умумий	
тартиблари	36
3.3. Бир қаватли саноат бинолари: ораликли, катакли, зал туридаги бинолар	39
3.4. Кўп қаватли саноат бинолари	40
3.5. Саноат иншоотларининг ҳажм-режавий ва конструктив ечимларини	
техник-иктисодий баҳолаш	44
4. САНОАТ КОРХОНАЛАРИНИНГ БОШ РЕЖАСИ	47
5. САНОАТ КОРХОНАЛАРИНИНГ ЁРДАМЧИ БИНО ВА ХОНАЛАРИ	50
6. САНОАТ ИНШООТЛАРИНИНГ МЕЪМОРИЙ-КОМПОЗИЦИЯ	
ЕЧИМЛАРИ	62
II ҚИСМ. ИНШООТЛАР КОНСТРУКЦИЯЛАРИ	67
7. КОНСТРУКТИВ ЭЛЕМЕНТЛАРНИ ЛОЙИХАЛАШНИНГ УМУМЙ	
ТАМОЙИЛЛАРИ	67
8. ИНШООТЛАРНИНГ КАРКАСЛАРИ. БИР ҚАВАТЛИ САНОАТ	
БИНОЛАРИНИНГ ТЕМИРБЕТОН КАРКАСЛАРИ	71
9. БИР ҚАВАТЛИ САНОАТ БИНОЛАРИНИНГ ПУЛАТ КАРКАСЛАРИ	93
10. КўП ҚАВАТЛИ САНОАТ БИНОЛАРИНИНГ КАРКАСЛАРИ	99
11. САНОАТ ИНШООТЛАРИНИНГ ДЕВОРЛАРИ	105
12. ЁПМА ВА ТОМЛАР	118
12.1. Ёпмаларнинг тўсувчи конструкциялари ва уларга қўйиладиган талаблар.	
Томларнинг конструктив ечимлари	118
12.2. Ёпма тўсувчи қисмининг конструкциялари	120
12.3. Томларнинг коплама ва гарновлари	123

13. ТЕҒАДАН ЁРИТИШ ВА АЭРАЦИЯ ҚУРИЛМАЛАРИ.....	125
14. ЕНГИЛ ТАШҚИ ТЎСИҚ КОНСТРУКЦИЯЛАР.....	131
14.1. Девор панеллари.....	133
14.2. Ёпмалар.....	134
15. ПОЛЛАР.....	136
15.1. Яхлит поллар.....	138
15.2. Донабай материаллардан тайёрланган поллар.....	141
15.3. Ўрама материаллар асосидаги поллар.....	142
16. ПАРДЕВОР, ЭШИК, ДАРВОЗА ВА ЗИНАПОЯЛАР. ИШЧИ МАЙДОНЧА ВА ОЧИҚ ЖАВОНЛАР ҚУРИЛМАЛАРИ.....	143
АДАБИЁТЛАР.....	151

Воҳидов М.М. Саноат иншоотлари.
(Олий ўқув юртлари учун ўқув қўлланма). Т.: Ўзб. Рес. Олий
ва ўрта махсус таълим вазирлиги, 2003 - 179 б.

Техн. фан. доктори, проф. **ВОҲИДОВ МУБИН МЎМИНОВИЧ**

САНОАТ ИНШООТЛАРИ

Ўзбекистон Республикаси олий ва ўрта махсус таълим вазирлиги қопидаги
мувофиқлаштирувчи кенгаш президумининг 2002 йил 30 ноябрдаги 31 сонли
мажлис қарори билан олий ўқув юртларининг талабалари учун ўқув
қўлланма сифатида тавсия этилган

© М.М. Воҳидов, 2003

Ўқув қўлланма муаллиф муҳаррирлиги остида нашр этилган

2002 йил 30 ноябрда босишга рухсат берилган. Бичими 60x84,
Шартли босма табағи 11,0. Адади 500 нусха
Буюртма №13
ФТДК ДИТ АФ босмахонасида чоп этилган
Манзил: Тошкент ш., Олмазор кўчаси, 171 уй